



The monthly magazine «North Star»

# ВОЙВЫІВ КОДЗУВ

КОМИ  
ЙӨЗЛӨН  
ЖУРНАЛ

3. 2000



Снимокы Г. Лисецкийён



# ВОЙВЫВ КОДЗУВ



БЫД ТӨЛЫССЯ ЛИТЕРАТУРНО-  
ХУДОЖЕСТВЕННОЙ  
ЖУРНАЛ

3  
**МАРТ  
(РАКА)  
2000**

ПЕТ҃ 1926 ВОСЯНЬ

ЛЭДЗОНЬІ:

КОМИ  
ГИЖЫСЬЯСЛОН  
КОТЫР

КОМИ  
РЕСПУБЛИКАСА  
ПЕЧАТЬ  
УПРАВЛЕНИЕ

СЫКТЫВКАР

Борис ШАХОВ. Клим Самарин да мукёд. Висьтъяс . . . . .	3
Александра МИШАРИНА. Мам йылысь кыв. Кывбур . . . . .	21
Виталий КУРАТОВ. Ковтём жённик. Висьт . . . . .	25
Алёна МАЛЬЦЕВА. Выль кывбуръяс . . . . .	40
Анжелика ЕЛФИМОВА. Выль кывбуръяс . . . . .	42
ЁРТ ЙЫЛЫСЬ КЫВ	
Георгий ТОРЛОПОВ. Нэмён вунёлдытём друг . . . . .	44
РОЧ КЛАССИКАСЬ	
А.П.ЧЕХОВ. Пёлян. Зонкаяс. Шуштёмлун. Шмонь. Налим. Госпожа NN-лон висьт. Дась нянь сёйысъяс. Висьтъяс . . . . .	47
УДМУРТЪЯСЛОН ПОЭЗИЯСЬ	
Анатолий РАКИН. Ичот бёчкаын. Мыйла чеги. Муслун. Кывбуръяс . . . . .	69
ВЕЛИКОЙ ПОБЕДАЛЫ — 55 ВО	
Александр ПЕТРУНЕВ. Война жалълун эз тёдлы . . . . .	70
ЧУЖАН МУ, ЧУЖАН КЫВ	
Евгений ЦЫПАНОВ. Комионджык сёрнитны-гижны . . . . .	75
ВЕЛЁДЫСЪЛЫ ОТСОГ ВЫЛÖ	
Л.Н.ШЛОПОВА. Тятей ни касей . . . . .	78
ПОШТА КУДЙЫСЬ	
Ефим ДИКОЕВ. Муса нимъяс . . . . .	80



# СЕВЕРНАЯ ЗВЕЗДА



**Ежемесячный  
литературно-художественный  
журнал**



**Учредители:**

**СОЮЗ ПИСАТЕЛЕЙ РЕСПУБЛИКИ КОМИ**

**УПРАВЛЕНИЕ ПЕЧАТИ  
РЕСПУБЛИКИ КОМИ**



## **РЕДАКЦИОННАЯ КОЛЛЕГИЯ:**

Главный редактор

Михаил  
ЕЛЬКИН

Альберт  
ВАНЕЕВ

Виктор  
НАПАЛКОВ

Ответственный  
секретарь

Алексей  
ОДИНЦОВ

Владимир  
ТИМИН



Борис ШАХОВ



## Клим Самарин да мукёд

Важ тёдса

...Выльысь аддзысыомыс Самаринкёд лоис ёна виччыстыом да съёлём вёрзьёдана...

...МЕДВОДЗ пельясын чужис чорыда дзијгём шы, быттё юрын посы шомён пузьёдісны самёвар, да ээ ётико, ѿтшётш дасёс. Сэсся жувгомыс кутіс кусны, и вежёрө да синъяс водзб сувтіс кельыдлоз юғыд енәж, а сәні, зэв пыдын кельыд лёзас, гёгралис дзоляник съёд чут... Вежёрой пасайис: тайё вылын, пыдостым лёз енәжас кытшолён-кытшолён паськыда шевкнитом бордъяс вылас шлывгё-уялә съёд варыш... Но вежёрой ээ на вермы, ээ на удит урчинты, кёні да мыйла аддза татшом сөдз лёз енәжсо, шлывъялысь съёд варышсо... Некоди... Неконі... Ставыс мортон гёгэрвотом, помтём-дортом вынён лоёйдлёмторыйис дзирдалис, вераліс, уяліс ачыс, морт вежёрттог... Помасылтыг... И заводитчывтог жё гашкё да...

...Синмөс вештышті гёгрались варышсыс бокё: енәжас сатышысисны ёсь коз пу йывъяс... Ещё, и видзёдласою люкасис сотчышталом, съёдасыом мотырё. И гёгэрвои жё сэсся, коді ме да кёні. Вежёрой бара кутчысис оломуас, ставсö сөдзёдіс, тёд выло вайёдіс лоёйторсо: воштывъсёма садьёс да оні, буракё, куйла гатшон вёр керка дорын, пусян бипур дорас...

...Коймод лун нин доймис морёспань улой да сізд ээ и личод. Тöрыт рытгорулыс нин дзоляник бипур вылын шонтышті лунся заваритом чайсо да сийос печенью торйон ырсышті, сэсся пыркысьс вомо эг босытлы. Лунтыртö мучитчом борад шоныд чайыд эсьё, буракё, лоньёдыштіс висъомос, да кыз съёд войсö ойбырасышті. Но талун вит час асывсян эг нин вермыв синмөс куньлыны: морёспань улысь пытшкёссо быттё пуртён кырлалісны, лэчыд дой сізді шымыртліс съёлёмос. Некымынысь шогодліс.

Лун шёр гёгрыс быттё кокнёдыштіс. Чеччи резина матрац выло плавгом кыз руд нойён эжом гёна эшкын вывсысы, лэдзи кокъяссо джоджас да сюйышті гортын олан кучик тапикъяс, сізді пукалышті кыз пөвъясысь вочом нар вылас, кызвысышті, кутас оз вёропитчомсыс ёндыхасо доймыны пытшкёсис.

Эз, буракё, нином вёрззы. Морёспань улын, гырк пытшкёсис быттё ставыс дубалома, сомын кыліс вирлон нойтчомыс.

Öти рамаа ёшиның керка пытшас пырис пасъықыд, вижоват югör визь, вомöналіс прамёя топöдлүтöг пасъықыд плакаясьсыв бöчöм, няйтысла сбöдöн волялыс джоджöс. Лэптышті дöрöm сос том дорös, нюжöді киос югör визяс. Вöлі дас кык час да вит минут: «Колö нуръясышты, кöтö бара чайтор юышты. Гриша, дерт, рытöдзис оз во», — и ньöжийникöн чеччи нар вывсыс, кутчыси стен бердас сулалыс пызано да ёна видчысымён (жуғыля нюммуні: быттьö кок улын абу кыз пöвъяс, а муртса кеняссым йи и пола чегъясымсы) локті öдзös дорас, тойышті сiйös да копыртчомён, медым не люкасны öдзös куричас, нöшта на ньöжийджык да полёмён воськовті джуджыд порог вомöныс.

Рöмыд да ыркыд керка бöрад дзирадалыс шонді югörön оидом ывлавыс кажитчис район. Куныл синъясоc, некымын здук сулалі вöрзьöдчывтöг. Кельыдлöз енэжас ни öти кымёр чир. Вылын, войвывланьса вöр весьтас, уяліс-гöграпліс, тыдалö, дозмёр варыш. Кытчöс вомын весьтас ымраліс сöдз шоныд сынöд, быттьö сэтöн öшалаліс мичаа серласыс, пырыс тыдалана, вöснисыс-вöсни тюль занавес. Берегдорса визулыслöн лöня сёльгöмискöд öтлаасис вöрса лэбачыяслöн уна гöлöса гажа сылём.

Морös тырён долышті чосықыд дукъясоn тырём сынöдсö, жуғыля думышті: «Оз вермы лоны... Татшом лунö, татшом сöстöм, чосықыд вöрса лекарствоясоn тыр сынöдись кö висьом оз бöрынътчы — вöрвайскöд венö пырём лоë... Оз вермы лоны... Ме, кёнкö, прöстö нярми... Колö ачымös киö босытны... Час, бипур öзта, мыйкö пуышта да нуръясышта — и ставыс прöйтитас. Сэсся Гришаоc виччысигмоз ветла Сожег косы вылö, буретш тайё кадас ком бура кутчысы... Вот сöмын пыдисяньджык колö меным вöрса бурдöдchan сынöдсö апавны...» Кияссоc пасъкодомён мöдись видлі пыдисянь лолышты, но кылі доймёмсö да джынъяс дугöдчи: «Бурджык видчысышты... горшасытöг сiдз апалышты...». Синъясоn гöгörti керкадорса неыйджыд күшинсö да си гöгорса козъя вöрсö, кыйсян керкадорса тöдса овмёссо: кыр йылас, вадорö лэччан пода туйсяныс матын, вöснисыдник сюръяяс вылö пöвъясыс вöчöм пызан, кык бокас — скамьяяс. Кыр дорсянъыс пыдынджык чери кыйысыяслöн пусян местаыс: руд пöимён пызыналыштöм шом чукöр, си весьтын тонъвидизиси саёссым и сотчалыштöм пöперега беддö крукавлöм кызд крукъяс — би весьтас пöртъяс да чайникъяс öшöдлүны. Бокынджык, пöрдöм кос коз пудорын, пикöд тöрыт асывсö пилитöм, но поткöдлүтöм на чуркаяс. Ньöжийник матыстчи сэтчö, улö-вылö воропöдис легöдышті пусатшкём черсö. Бöрии потласыом түя чурка, копыртчывтöг, куш аслас сьöктанас сатшкышті черсö чурка помас да сiдз нуи бипур дорас, сувтöдi муас.

Лöсöдчи, и — рас! — ырыштчомён стöча сатшки черсö потасас. Мороз шлакчом шыён торъялісны да öтарё-мёдарö пöлынътчисны, пöлынътчисны, а эз лэбзыны, кыдзи овлö вынöн поткöдчигъясоn, муас кык чурка джын. Мёдлапöлас сiдз жö коса шлакнитöмён вочавидзис ийлöга. Веськыд киын черсö кутöмён да сiдзи муас мыджсöмён копыртчи, босытö öти джынсö, выльыс сувтöдi муас и кутi веськöдчыны...

Вот сэки и — коскös эг на удит дзицöдз веськöдны — сэк морёспань улö быттьö кыйсян пурт воропöдзыс сюйыштисны да йывнас мышкöд судзисны. Черыс мынис киись, синъясын кутисны чеччавны еджыд би кинъяс... Пыр частöдджык, частöдджык... Юрын чужис сiйö дизизана жувгöмис... Первой öтарладорö, сэсся мёдарладорас ганéвтчылс мусыс да пуснис и ставнис кутис сувтны воча... вошины кок улыс и путкылтчис веськыда ме вылö да личкис быттьö став мусыв сьöктанас...

...Öнi сöмын и воис ставыс бöр места вылас... Кымын час нин, сiдзкö? Лэпти шуйга киос — пудъя! Видзöдлi, да сьöлём вылын кокныыдджык лои: дас кык час да дас вит минут. Сöстöм лöз енэж,

варыш... Сідзкө, оні талун на... Казялі бёръя мёвпysлыс теш-кодъулансö да курыда нюммуні, куті лöньбöдны ачымös: «Ладнö кывъясöн дурны... Медглавнойыс: садьбö вошлöма öтик, кык... уна вылö — вит минут кежлö. Сідзкө, нином страшнойыс ээ ло. Ывлавыс шоныд... Рытнас Гриша воас...»

Лöньбöд ачымös, а вörзöдчынысö полi. Но колö вöлi чеччины и мыйкö вöчны. Тадзи век он куйлы...

Кималасён корси лöссыдджык мыджсянін, выныштчомён кыпöдчи, кöсий пуксыны. Но чорыд, терпитны позытöм дойён кырыштис пытшкösöс, и бöр лëтмуні муас. Став туша пасытала чепöсийс кöдзыд нылём, син водзын бара кутисны чеччавны еджыд би кинъяс... Частöджык... И бара дзижгöм-жуvgöм юрын... Зэвтis вын-эббöсöс — кöсий кутны мöдьись пышыйись юр вежöрös. «Лöня! Лöня! Оз позы мöдьись садь воштыны... Оз позы.. Но, вот и бур, мынтöдчи, буракö!..»

Но сьёлёмö пырис ыджыд майшасьом: медлëкторийс, мый йылыс и думайтнысö полi, буракö, лöома. Воддза воас больничаын операция бöрын öти бурдöдчыс дзик татшöмтор йылыс висытавлiс. Оні кылi жö, быттьö морöспань улö «сүтшкöм пуртыс» сiдз сэтчö и кольёма. Ачым эг казявлы, кыздзи киясöй ньёжжöнникöн малыштисны морöсöс, морöс улöс. «Юрös воштi, йöйтавны кутi. Шойчышта, сэсся водзвыv думышттöг да артышттöг ни öти вöрас... Думайт, думайт, Важов! Быд воськов! Быд син лапнитöм! Он кö... Некутшом «он кö! Думайт, сэсся вöлисти вöч... и ставыс лоö «аллес ин орднуңг»\*. Помнитан, разведкасыд бöр локтigöн?! Кыкнан кокыд доймёма — рушку вылад кыссин... Вермин?! И онi верман, сомын бурджыка думыштлы да артыштлы... Эн сетчы... Да-а, сэки дас öкмис муртса тырлi!. Но и мый? Эн няргы, онi öд тэныд ветымын на весиг ээ тыр...»

Видзöдлi енэжас: сынöдас уялыш-гöгралыс варышыс абу нин. А дойыс ээ быр... Но юрой уджалис ясыда. «Гриша, дерт, дас часыс водз, кёнкö, оз во, нином и надейчины. Тасянь «Вихрнад» лäччины куим час, да пока больничаöдз воам, да пока примитасны да видлаласны, операция вылö водтöдасны — эта вылö час жö. Дас нёль час, либо нöшта унджык! Став гырк пытшкösöй удитас пежасьны, вирöй тшикас! Гриша вылö нином надейчины. Сідзкө, кыздзи больничаас веськавны?.. Пекничаö нёль пыжа вылö катисны, ставныс «Вихрабöс». Талун вöскресенньö и кодкö, дерт, бöр кутас лäччины. Рытöдзыд гежöда сёrmöдчылöны лäччисясыд. Сідзкө, регыд кодкö босьтас. Надея...»

Кыптыштis лов рöй, мый сэтшöм лöссыда артыштi. «Водзö: тани либо керкаын куйлögöн кöть дас пыжа лäччасны, некод оз сувтлы и менö оз казявны. Колö лäччины вадорас да сэнi и виччысыны. Водзö: берег дорыс васöд. Сідзкө — матрац. Мый ешö? Сапöгасыны колö, пыжад солгöн тапкинад лёк лоö, рытладорыс ю вылад ыркыд на и. Ешö мыйкö ковмас оз? Думайт, думайт... Мöдьись вадорысь кайлöм оз ло... А куйлögад кö бара садьбö вошта? Колö кутшöмкö пас лöссыдны, ас йылыс юрб сетны, мед сувтлытöг ээ мунны. Быдсямайс вермас лоны, шуам, пыжöн мунысысыс гажаöс, либо сьёкыд пöкмелля вöдитö... Уна пиад быдсяма «кыйсысыясь» паныдастьлöны... Кутшöм пас нö? Буди, еджыд плаг сувтöдны? Сідз и вöча: бедь йылö еджыд чышъян — еджыд дöра пас... Сувтлытöг сэсся оз нин прöйтитны. Мый ешö? Думайт, думайт... Дыр думайтан!.. Вадорö... Сапöгасыны... Матрац, еджыд чышъян, бедь... Бедь вылас вугыр шайт чега, сэн öдзöс дорас некымын суалö. И вадорö лäччины отсалыштас... Мый нöшта? Буракö, ставыс. Онi сэсся кыздзи кута лäччины-мунны: песовтчытöг бергöдчины бок вылö да сувтны пидзöсчань вывсянь — этшаджык вын ковмас. Сапöг-вурун носки керкаас, чышъян кёнkö сэнi жö öшалö, и матрац... Бедьсö пыригмоз чега да сувтöда пельёсас... Вот тадз колö меным и вöчны, тэрмасытöг...»

\* «Аллес ин орднуңг» (немеч ногён) — Ставыс бур.

Юрөс бергёдлі шуйгавылө, веськыдвылө: кодаро чеччины. Сәсся ньöжйөн, ёна видзчысымён, мед тушай ээ псовтчы, бергёдчи шуйга бок вылө; мезді ас улысь киёс и нöшта бергёдчышті, мыджси муас веськыд пидзёсөн да киясөн и куті кыпöдчыны. Кыпöдчи!! Куим кусынйөн — но сулала! Сәсся воськов, мёдёс...

Некор на татшом небыдасö эг тапиктывлы, но некор жö на и тувчталомыс татшом йоймодан дойсö ээ вöчлы.

Юрой бергалыштіс, и шогодіс... но едкыд би кинъясыс ээ петкöдчыны, дзијгöм-жувгöмыс юрын ээ жö чуж...

Кыдзи думыштлі, сізд кызыныс и артмис. Сöмын вугыр шайтсо чегигон зэлöдчыштлі да бара би кинъяс син водзын заводитлісны чечавны. Ковмис стен бердас нёрöдчывлыны да виччысыны нальс бёр кусомсö.

Чышъян дöра пасыс лои кык метра вылнаын, и матрац вылас куйлігөн судзи беддöбдзыс, позис вöröдыштны сийös, ковмас кö.

Дзиқöдз лöсöдчи-меститчи пöльтöм вольпасы вылас и казялі: эбöсöй абу кольёма, весиг чунъясöс дыш вöröдыштны. Пласть куйлі синъяс куньёмөн ю катыдлань чужомён, кодарсянь и виччыси пыжаассö. Лолыштöм бöрын видзöдлі часы вылө: час да комын минут: часысы дырджык нин кольёма, а некутшом пыжа ээ лок. Но пыр жö лöнöйді ачымös: «Нинöм, гöна вольпасысы на небыдджык матрац вылад куйлöмыд, абу на войын коктöг фронт вуджöм...»

Шондýыс весиг куньём синъясöс ёрис, и вывсянъ жаритіс, и пытшкөсөс сотіс. Коло вölöм мыйкó шондýсыс дзебсыыштны босытны. Вом пытшкöй пакталома и, дуллыйс клей кодь.

Бара вайöдлі часиöс син водзö, топöдлі пель бердö: точкыштö, а стрелкаыс öдва вörзьёма — вит минут кольём сöмын и петкöдлö. А кадыс, кажитчö, сё пöв унджык нин коли... Шондýыс оз жö вörззы тай... «Сöмын эн пессы — оз отсав. Лёня куйлы, виччысы. Видлы шондýыслы мышкön бергёдчыны, веськыд бок вылад. И юыс тыдалас... Вот тадз, быттьö лöсöыдджык...»

Сізд веськыд бок вылын, кокъясöс кынöм уло йöжгыльтöмөн, сьöкыда лолалігтыр и куйлі, кор первой мотор шы кыліс, а сәсся и чукыль сайсыс петöм пыжсö казялі.

«Вот и пыжаас, тайöяс менö и босытасны,— ышловзи кокныдика.— Но... налён «Ветерок»... Но и мый?.. Ва кывтчостö и «Ветерок» зэв на чожа мунö...»

Пыжын пукалыссылды позис нин чужомъяссö ториöдны: нырас пукаліс, буракö, зэв на том морт, но мотор дорас пукалыссыс — олому нин.

Казялісны. Ва шöрсесыс пыжсö бергёдісны берегланыс, моторыс жургис джын гёлöсөн нин, а метра вит берегöдзыс вотöдз дзиқöдз кусіс, и пыжыс негораа дзажнитöмөн ас öд ийвссыс кайис посни изъя берегас. Пыж люкасöымыскöд пöшти öттшöтш веськöдлышсыс пуклöс вывсянъыс и шыбитіс веськыд коксö да петіс ваас, и кузь гёленя резина сапöгъяснас гораа болскöмөн петіс косінас. Пыжсыс водзджык чечём зонкаыс виччысис сийös, и матыстчини тшöтш. Ідженди-джыкыслон чужомыс быттьö тöдсакодь вölі, но оні эг вермы тöд вылө уськöдны.

— Кутшом лёк нö суис тiянöс? — зэв небыд гёлöсөн юаліс сийö. Гёгёрвоис, буракö — неминуча сўёма. Мёд ног öд ог кут куйлөмөн едкыд дöра пасъясон чуксасыны.

— Кынöмой висьмис... Оз личöд... Пыр лёкджык и лёкджык... Коло эсъко больничä... Кыдз-мый öдйöджык да... — öдва кывмөн шыаси налы.

— Миян кутшомсюр лекарствояс эмös, кынöм висьомсыыд таблеткаяс и, — жалитöмөн вöзийис гёрд тошка дядьö.

— Оз ков... Желудокын язва вölі... мылöд... А талун морöспань уло быттьö пуртöн зургисны... Писытіс, тыдалö, лешакыд, — висьталі

ассым медлёр чайтёмёс, мый йылысь ёнёдз и думайтнысö полi.

— Ак тэ, екунъо-ваньо... Кымын часын?

— Даc кыкын...

— Кык час да джын нин кольёма... — видзёдліс часі вылас дядьёис.— Васёк, мый кын мыръяс моз сулалам! Матрацнас вай и нуам пыжё,— лосьбодчис дядьё босытын матрацсö юрладорсяныс, но сувтіс.— Энлы, коло пыжсыс ставсö ректыны. Лок,— котёрён мёдіс пыжланыс, но бергёдчис да котёрён жо бёр локтіс, нетшыштіс бедьсö, сатшкис выль местао. Нёриньтöм беддын ёшалысь чышъянсиян вуджорыс вевттис шондіссыс менсым чужомёс. Быттьё кокниджык лои, син лапнитомён аттъоалі шань мортёс.

— Терпітышт, ми ёдйо,— нюмдомён сьёлём сетіс сійо да котёртіс пыж дорас, көні детинкаыс ректысис нин.— Колым кык бак бензин, а ѡстальнойсö новлам эсійо кустъяс саяс. Чери тыра дозмуксö вай кыкён нуам, пиук.

Пиыс батыс выло видзёдомён котраліс жо.

— Батьё, а кыдз нö сійо татчö веськалöма? Отнас? Пыж ни мотор абу.

— Ог тёд. Вайис, көнкё, кодкё. Вай ёдйоджык. Вит час пö, ставыс кё бур лоё, ковмас тасянь ләччины... Ещё вит час! Да больничадзыс катодам, да врачъяс видлаласны... А ѿні мортыслён быд минут лыда кольёма... Эк, кымыныс нин «Вихрь» көсійлі ньюбны, а вот... Аски жо магазинö ветла, всё!.. Ак, беда, беда...

— Батьё, эн лёйт, кылас кё — сылы сьёкыдджык лоё.

Батыс видзёдліс пи вылас стрёга, но лёнис жо.

Пыжсо ректісны ѳти здукён.

— Вай палатканымёс пасъкодам да пыжас вольсалам сідзи, мед көвъясыс кык бокас лоисны. А кыттігён кык веськыдджык бадь пу керыштам, и ме нёсилки воча.

— Сідз и эм,— батыс видзёдліс пи вылас, пыж вылас, кватитіс тубралом палаткасö да берегас кутіс разыны. Пасъкодісны, көвъяссö бокъяас нюждлісны и нёльлаті увсяныс гөрддазвлісны, а бедъяас көртавлём выло помъяссö колисны да сідзи пыж шорас нюждісны. Пыж нырас чер пуктісны, кык фуфайка шыбитісны, и волисти матыстчысны ме дінö, көсійсны висысьсöс матрацнас босытын, но ме восьті синъясös да шыаси:

— Отсыштой, ме ачым... Чышъянсö кётодыштой сёмын...

Ая-пиа видзёдлісны ѳта-мёд выланыс, батыс довкнитіс юрнас. Босытісны киняулöд, видчыссымён чеччöдісны.

Веськодчыны сувтённас эг вермы, сідзи пошти мегырён кусынтычомаös и нүодісны.

— Кыдзи нö татчö ті веськалінныд, Николай Петрович?.. Отнанный?— юаліс крепыда кутысь батыс.

«Сідзкё, тайё менё тёдё жо, а ме вот ог вермы тёд выло уськодны»,— воис юрё мёвп, а гораасö вочавидзи:

— Пикод жо... Тöрыт обед бöрын... гортё ләччис... Рытнас эськё бёр воясь да...

— Кыдзи нö?.. Висысьс батьсö сьёд вёр шорё, отнассö...— кыпöдіс гёллюссö детинаыс.

— Ланы!— чорыда чирыштіс писё бур мортыс.— Нином кё он тёд, некор эн сюйсы! Колёкё, ачыс ыстіс...

— Да... Ачым,— шуомыс артмис тэрмасьомён, быттьё дорий пиös бур йоз водзас.

Ая-пиа отсалісны пыжас сөвны, киняулöд кутомён водтöдісны. Сэсся ѳтылысь, бёжсö кыпöдыштöмён, кокния ѹткыштісны пыжсö берегсыс, и батыс бара соліс бёжас. Качайтыштіс шланг пырыс бензинсö, лэдзис моторсö ваас, гарпліс мотор заводитан көвсö, тракнитіс. Моторыс лёкысь равостіс, быттьё скöрмёма тэрмёдлёмён садымёдьсис вылас. Но садымёдьсис жо и буродіс — чинтіс газсö; моторыс кутіс мурғыны лёня, шыльыда.

— Йёткыштчы да сөв ёдйо! — городіс дядьо, и пынс пыж нырас да бокас күтчесемён воськов-мёд ёдйо йёткис бёрё, сәссе вынён тойыштіс да шоғодчис пыж нырас, кавшасис пыжас и зібйон бергөдіс нырсө горувлань. Батыс места вывсяныс ѡддзёдіс пыжсо, и мёдар берег бужёдыс, кыр йылас тщем суалалыс пусыс ёдйо кутісны кольны бёрё.

Польштіс муса ыркыдён, меліа, небыда малыштіс чужомёс пыжён кыпдом төвру, резийштіс ва бусон. Вешті вом дорыс көтөдом чыпшъянсо да нюлі резийсөм ва войтъяссо.

Волисти кыптыштіс руой, кокниджык лои съёлём вылын. Тайоғорд тошка дядьоис, коді видзёдлывліс ме вылёт, а кор видзёдластьясным паныдаасылісны — нюмъялёмён да синсө читкыртыштломён көсіис збодермёдны менё, ставсо вочис ньоти падъявштіг, тэрыба да сюся. Дугдывштіг гораа жургыс моторыс лоңьодіс жо съёлёмёс, сетіс бур вылёт надея.

Но вежёрө пырис майшасьом: «Гриша!.. Воас рытнас — и некод абу...» Весиг ғырк пытшкёсса дойыс вештіс кытчоқо бокё, сайдом чыпшъянсо...

...Пыжыс зутшкысис ю пыдёсас. Прамой из, бурако, камобтіс кытчоқо бёжас — пыжыс зёркуні, и ғырк пытшкёсса дойыс бёр петіс сайёдсыс, быттё паськыд плакаён кульштісны мышко. Горд тошка бёжалысыс мотор веськодлан воропсыс ләдзчысъстіг дыр видзёдіс пыж бёрас муткыралыс ва вылёт. Сесся дугодіс моторсо да ләптіс васьыс.

— Ак тә, сё сюра сөтана! — голёсас кыліс ыджыд майшасьом. Копыртчыс да кутіс видлавны моторсо.

— Мый нё? — майшасьомыс буджис и пынслы.

— Лёк делояс. Моторным буретш редуктор весыттіс потома. Муртсаён мавтасыс, бурако, удитома петны.

— Нином оз позь вёчны?

— Нином. Ковмас тадзи мунны, кытчоң зоам. Эк, ешё кө эсько көттә та мында, а сэн и киён нин эсько судзим!..

— Маслотоғыд час джынто, колоқо, уджалас ли оз... Дзикод жуглася...

— Көттә дас минут — век водзё, — ёдйо гарліс мотор заводитан көвсө батыс. — Сесся көн жугалас, сэні и брысынита ваас. Матере! Татшом колана кадо кө йортіс, — и лёкис тракнитіс көвсө. Моторыс важ мозыс равостіс, быттё нином эз и ло. Но көзяйныс оні лоңьодтог ләдзис ѡдсө и сізд места вывсяныс тойыштіс пыжсо. И эз ѡд моторыс кус, быттё сійо, көрт чукорыс, гёгёрвоис ловъя мортлыс русо, сұлыс тәрмасьомсо.

Пи ногыс и лои: мато час джын кымын моторыс и уджаліс лючкисо, сесся шыыс вочасон кутіс вежсыны, минут вит кымын гира-гаракыліс тыртём изки моз, сесся тшёкмуні...

Юполёнса воръяс костас ўйлөгайон ыдждодлём мотор горыс вывсян усис пыжас кыттысъяслыс моросъяссо топодан чөв-лоңьон, дзескодіс, личкис пыжын куйлыс и пукалысъяслыс съёлёмныс.

Горд тошка дядьоис звирк чеччис пуклос вывсыс да моторсо васьыс ләптытог кутіс тэрыба личодны крепитан винтъяссо.

— Батьо, эн шыбит ваас, — кыліс корана голёс пыж ныреяныс. — Ме запчастьяс ньоба да аслым гортуулын ветлыны дзоньтала.

Модыс нином эз шу. Ториодіс бензин шлангсо моторсыс, ләпти моторсо васьыс, сувтодліс пуклос вылас, видзодліс пынс вылёт да видчысъомён, медым пыжсо не ганётны, пуктіс бензин бакыскод орчён.

— Вот, Васек, кутшом делояс... екунью-ванью, — ниртыштіс пинджақ соснас посыс плеш вывсыс, копыртчыліс да кыскис пыж боксыс векни лопта, лоп помсо көртөн эжом пельс. — Нейлын нин кылёт Трёш Пекла кось, а сәсиян — нелямын километра гёгёр кутам зібъясыны. Вит часон тайо ва кытчосто зібъялам, а выныштылам

кё — и нёльён. Босыт зібтö да видзöд, мед тойыштчомыс öттшöтш вöлi.

Васёк зібъясис. А батыс сэк костi удитiс душ-мёдысъ выныштчомын тойыштчыны. Сэсся пуктылiс пельссö пыж пöперегыс да пöрччис пинджаксö, тушанас вörзьöдчывтöг шыбитiс сiёс жугалём мотор вылас, бара босытiс пельссö, велöдiс писö:

— Медпервой, лолавны коло рёвнёя, ловтö эн кут. А кор колана öдсö аддзам — ачыс сiё миянöс нёбодас. Но-о, босытчим: расс... взя-а-али... — «Рас» сертиыс пелька, резийсытöг сюйис пельссö ваас да мыджис ю пыдöасас, «взяли» сертиыс кияснас и тушанас ылöдз бöрö нюжöдчылöмён вынöн тойыштчис.— Е-щё-о взя-али-и-и...

Быд «взялиын» пыжыс васыс лыбыштлöмён ылöдз тювгысылс водзö, лёньбдана сёльгёмён, кылö, вундiс васö.

Недыр мысти кутiс качайтышты, кылiс валъяслён пыж бокас частö тёльскöмыс, тёдчана öддзисны бöрö гёнитысь берегъясыс да вöрыс. «Вот и Трёш Пекла кось, буракö, и ешö нелямын километр...»— думыштi ме, и кöть сöмын джын туйсö лои мунöма, и гырк пытшкösöс эз нин кырлöдлы — биён моз сотiс, а сёлём вылысь сёкыд изъя шогыс вошома. Мый нö тайö? Ёна висьомысла ставыс веськодь лои? Абу. Видзöдi пыж бёжас сулалысь да мый вынсыс йёткасысьзібъясысь тёдсакодь, но тёдтöм друг вылö, и дой содöмыскöд тшöтш содiс эскöм, мый татшöм морт быть мездас, оз лэдз пöгибнитны.

— Вот тадз кось вывтiыд ми эсъё и «Ветероксыыд» эг кольччой. И öдыд öнi миян шогмана: тадзи кё кутам кытны — нёль часон воам. Сöмын зiбнад пыжас эн камöдчы, видзчысышт,— велöдiс писö батьыс. Ачыс пельссö водзö шыбитiгас частö ниртыштлiс чужём вывсыс тюргыс поссысö дöрём соснас.

Друг сiё быттö кынмис места вылас, пельсыс сынöдас öшиис.

— Энлы, кывзылы,— гёлöсас ыджыд надеяён дугöдiс зібъясымьс и писö.— Мотор шы?!

— Да, ме кыла жö,— пыыслён гёлöсас тшöтш радлöм.— Сöмын, меным кажитчö, улысянь катöны...

— А-а, абу öмёй öткодь?! Медтыкё локтöны-а!— батыс пельссö лёссыдöмён кызвiс, сэсся чатрасыны кутiс.— Тайö абу пыжа кодь. Вертолёт!.. Васёк, вертолёт! Татчань лёбö!— гёлöс тырнас горöдiс сiё.— Зiбъясть! Сюся! Берегланыс, со лыа кёса вылас! Сюсьджыка, сюсьджыка, Васёк, дона пи... Коло вертолётсö корлыны... Бипур... Тын...— ачыс тэрыба, мый этшыс, йёткасис пельснас. Друг сiё дугдiс йёткасыны, синсö вылö лыбöдöмён курччалiс шуйга кабырсö, зэллöдöм чужёма, думайтiс кутшöмкö чорыд дум, видаöдлiс пыжас — корсис мыйкё, бара енёжас... Сэсся шыбитiс пельссö пыжас да кутiс чашины-пöрччыны дöрёмсö. Картузыс лэбыштiс юр вывсыс, да муртса васыс нин удитiс кватитны.

— Васёк, зiбъясть сюсьджыка и сразу эстчö, лыа кёса бёжас — эжö нетшкышт, котöрён-котöрён...

Ачыс нямралiс дöрёмсö, нетшыштiс бензин баксыс шлангсö да кутiс бензиннас кötöдны.

Лыаас пыж ныр зургысымьскöд öттшöтш пыыс чеччыштiс берегас, шыбитiс зiбсö и котöрён мунис веськыда лыа помассяннас, кёni вежöдис кузь турун.

Батыс бузгысис-чеччыштiс ваас, кватитiс кольём зiбсö, вётчис пыыс бёрся, помся енёжас чатрасыёмён кималаснас эжöрсö жö нетшкис.

— Ак тэ, сё мокасытыд, бокитiджык лёбö. Но нинöм, час ми тэнö чуксавлам... Тайö Ми-4, буракö, быдлаö вермас пуксылыны. Васёк, öдйö! Ме... час ме факел вöча, а тэ вöснёыдика эжöрсö пуктав...

Бензиналом дöрём бёж дорнас кыкыс гартыштiс зiб воропладорсö да чургöдiс: «Öзты!» Пыыс гирснитiс истöг тувнас да чуткис батьён лёссыдöм «слёя пирёгас», кодi медводз ыпнитлiс ёраса биён, а сэсся здук-мёд мысти пуркнитiс еджыд тшын.

Тшыналысь сигналсö вылö лэптöмён батыс котörtiс лыа кёса

шёрас, сувтіс кок вожъяссö пасъёдомён, кругён-кругён катлодліс зібсо да мый вынсыыс горзіс:

— Э-э-эй! Вер-то-лё-о-от! Сю-да-а-а!

Быттъё бокиті, вör весьттіс лэбысь вертолётас вермасны кывны горзёмсö.

— Батьё, батьё, казялісны! Вертолёттыс лайкниттис миянлань,— этшыыс петмён радліс, кык кок йылас чеччаліс Васёк батыс гёгёр, дугдывтог ёвттис юр весьтас пинджакнас да батыс моз жö горзіс:

— Э-э-э-эй! Сю-да-а!

Ёраса бинас чужтём лым кодь еджыд тшиныс пасъыда кайис вылö да мусяныс сэтшöм бура тöдчис лöз енэж водзас, мый, батя-пиалён чайтём серти, вертолётчикъяс ээ вермыны не казявны.

Но мыш вылас жбыргана машинаыс «SOS» сигналсо дзоляник вör ю лыя коса вывсыыс ээ, буракö, казяв: ээ катовтчылы наланбö, кыдзи кажитчыліс Васёклы, ээ кеж, а веськодя лэбис пыр водзö и водзö, öдйö ылысттис.

Васёклён батыс котёрён вёттис вертолёт бёрся, конъясис мыйёкё да жмуткысис-нюждчис лыя вылас став тушанас, кияс отсöгтöгыс, мед зібсо не уськодны, пелька чеччис да бара котörtтіс, забедноысла муртса ээ борд:

— Сётанаяс! Сувтлой!!! Он öмой аддзой — отсöг корам!

Сёмын пидзöсöдзыс юас пыром борын нин сувтіс, лéкысь сёйыштіс öзъялысь-тшиналысь зіб помсо ваас...

Берегас петіс ньёжийонкоён. Сапöг нырнас уськодіс сотчом дöрөм коляссö, скóрысь чужийис ваас. Видліс кинас зіб помсо: пуас биыс абу на удитлöма кутчысынысö.

— Но, ме налы петкёдла, кыдзи овнысö!— Васёк кияснас помся шенасигттыр матысттис батыс дорö.— Отрядса командирыслы... ог — горкомö гижа!

— Зэв тай сюсь!— крукыштіс батыс.— Мый йылысь нö да кодъяс йылысь гижан?

— Кыдз мый йылысь?! Отсавны сёкыда виссысылы, тонö, вör шёрын корим да, ээ пуксыны!

— Зэв тай тэ збой. Некод тэнсызд тшиントö ээ аддзывлы: бокитдžык лэбисны. Сийён ээ и пуксыны,— синкым увсяныс видзöдліс пиыс вылö да гусьён шпыньмунис:— Да и аддзылісны кё на — папуасъяс моз чеччалысь йöз дорад вермисны не пуксыны: юёмаёсЬ по кодъяскö да кодалёны. На, то зïтö, бурдžык, босыт, кадсö лои весьшöрё воштöма, ковмас содтöд выныштылыны да верстайтны.

Пыж дöрдзыс локтісны тэрмасытö на, но пыжас пуксöмён дядьö кутіс тэрмöдлыны писö:

— Йёткыштсы öдйöджык. Кутам ас вылö сёмын надейтчыны. Эн жалит, пиук, вынтö. Воам, да кöть вежон шойччам.

Сёсся кутіс писö ышöдны, и асысö, буракö, тшötш:

— Сё верстысь унджык ва панызд зïбясылывлім, некутшöм моторъяс эг тöдлöй... А онi ва кытвчöс полам... Ноко, пиук! Час, выныштылам да моторсыыс öдйöджык лэччöдам! Кыкён огой жö сетчöй! Но-о, взя-али!

Пыжыслён тювгыссымыс пыр öддзис и öддзис...

Менам бара Гриша йылысь думайттис... Сёрнисö Гриша панис обедайтыштöм борын пыр жö.

— Висьмин кё, батьё, тэнсыд шойччыштны колё, а ме вай бöрё-водзö гортö пызнитла, асқиа рытöдз. Мен öтнамлы дыш жö мыйкё черинас ноксыныс-a.

— Ёна колё лэччывны?

— Ёна не ёна, но колё. Окота и,— вочавидзис Гриша.

— Мый нö, сідзкё... Эгöй вед сирастьёй татчö, позь тайён и шабашитны. Тырмас миянлы,— шуи пиёйлы недыр чöв олём борын. Кымынысь вör керкаясад öтнамён овлывлі отпускъяс дырииыд, и некор эг гажтöмтчывлы, а онi вот сёлёмö кутшöмкö шог пырис, ээ

вöв окота öтнамöн татчö кольччыны.— Ачыд кык вежон кежлö нöудчылïн, а вежон на сöмын и олïм, да бöр кöссян?

Гришалöн меллууныс чужöм вывсыс воши, видзöдис дöзмöм синъясöн:

— Тэ, батьё, наропшö, мед эг лäччыв... Ме öд гöёрвоа.

Дыр сулалï кыр йылас, видзöдис, кыдзи пыжыс нöбöдис пиёс вомын кузаяс. Чайтисис — нöшта выныштчас, и пыжыс дзикöдз орёдчас ва веркёссыс. Гриша бергöдчылïс да кыпöдлïс прöст кисö, и воши чукуль саяс. Регыд быри и ва веркёсас кольём еджыд быгъя виззыс.

Мунис Гриша. Эз, буракö, и думыштлы, мый батьыс висян кольё. Весиг пессö эз поткöдлышт... Но кызд сïйös мырдöнсö кутан, аддзантö, кыдзи сëрнисö бергöдис. Том йöз... Дерт, кёнкё, мусукис гортас кыскö, сёлёмсö косьтö. Том мортлы, дерт, окота...

...— Батьё, мотор!— лов шысö кутöмён, быттьё зэв гусятор висьталис, радлана гёлöсöн шыасис Васёк.

Батьыс бара дугöдчис зïбъясöмсыс, сувтис пельс вылас öшиёдчыштöмён, вештис син вылас лäччём бród ва юрси пратьяссö, чатрасöмён гöёртис видзöдлласнас енэжсö. Сылон ньёжмыд вöрасъясыс некутшöм ыштöм эз петкöдлыны. Но друг сïйö вежисис: синъясыс öзийисны выиль надеяён. Дzonьнас зэлöдчис, быттьё бур кыйсян пон важён корсян зверь дук выло петис. Вöрзöдчывтöг кызвысис.

— Да, тайё збыльсис мотор, пыжа,— бара кызвыссыштис да радлан гёлöсöн кыв кörталис:— «Вихрьён» миянöс сүöдöны... Ну, тайёяслы миянисыз из удайтчи пышынытö, весиг кöть и думыштласны быттьё! Васёк!— чорыда камандуйтис дядьё пыыслы.— Пыжсö лöсёдам ю пöперегыс и сïдзи кутам кывтны ва ныр выйтис. Тэнад эм кутшöмкö еджыд дöра?

— Со носёвик.

— Да-а, тэнссыд някрасьём дöратортö эсъё сöмын ылöсас позьё еджыдöн шуны да. Но нинöм, кötöдышт, мед веськавлас, и кор кутасны матыстчыны, босыт кык пельсöдис да öвтчи. Еджыд plag.

Пыжсö пöперегён бергöдüm бöрын вossис юыслöн ва веркёссыс ылï чукульбöдз, кысян регыд мыччысис выло кыпöдчом нырён öдий шургыс пыж. Пыжас пукалисны куимён.

— Васёк, давай кыпöд еджыд дöра пастö— мед сразу казяласны. А думыштласны кö мыйкö лёктöр — ми найёс «на-абордаж» босытам.

Но сүöдис пыжаяс моторыслыс шысö ылышын на лöньбöдисны, а матыстчисны — броткöмыс öдва нин кылыштис. Пыж нырас пукалысыс сувтис да гора юалис:

— Мый нö лои?

— Миян ыджыд мог выим. Кежавлой берегас.

Юалысыс бергöдчис да мотор дорас пукалысылы индис берег вылас. Здук-мöд кежлö моторыс öдбöтылис, ѹоткыштис пыжсö берегланыс и бöр лöнис, а пыжыс ас öдбöнас нин небыда сутшысис туруна берегас. Водзын пукалысыс чеччинис.

— Васёк, тэ сразу бадь пүястö керышт. Со тонö водзын сулалöны веськыдöсськодь. Сöмын сюсьджыка.

Сувтисны локтыссяслöн пыжкöд орччён.

— Код нö тïян пыын ыджыддыхыкыс?

— Ми ставным ас местаын ыджыдтëяс,— шмонитöмён вочавидзис шыöдчылыс мортис.— Кутшöм мог нö сусис?

— Ми Марьявань керкасыс сёкыда висьмöн мортöс босытим. Висьталöм сертиыс, сылон язва вöлöма и талун лун шöр гöёрин по письтöма, буракö. Срочной операция колö, а миян моторным жугалি. Кык час нин Трёш Пекла косьсян зïбъясям.

Том морт кузя шутёйтис.

— 25 километра зïбïй?! Кык часон?! И розя желудока мужик...

Пасыкёдлïс синъяссö, сэсся видзöдлïс часи вылас.

— Да-а, делы-ы... Кёкъямысöд час нин, сïдзкё...— том морт майшасьмöн видзöдлïс асланыс пыж выло, найёс сувтöдиссыяслöн пыж

вылö.— Ойдöджык, кёнкё, тiян пыжö моторсö ёшöдны? Лыбодас?

— Кёкъямыс метра да джын кузьтасы, «Вихрьлы» вылö жö вöчöдлi.

— Уляшов, отсав моторсö найö пыжö нуны,— тшöктiс щötäсьöм тшöкаа том морт пыж бöжас пукалысысö, сы кодь жö том мортöс, а ачыс пыж нырö чöвтöм кöлуй чукöрас кутiс лукыйсыны.

— Мыйла найö пыжö? Тэ öд абу ötnad — камандуйтan! Пиыс по тай катыс, вот паныдасясны да мед и лäччöдасны,— кодöс ёртыс шуис Уляшовон, шашаритчис моторас да эз лäдз горд тошкалы сiйöс босытны.

Лöг чепöсийöмыс лои дзик виччысöтöм тöв ныр кыпöдчылöм кодь, кодi тай видзъяс вылад турун юръястö пузувтö да нöбöдавлö, сиктъясад омёля крепитöм керка вевтъястö путьлытлö-шыбитлö. Уляшов гöллöс вылö пыж нырас лукыйсысысö ёртыс кыпöдiс юрсö, чардыштiс видзöдласнас, но матыстчис и сölis пыж бöжас ньöти тэрмасытöг, сöмын сюсөджыка видзöдлöмöн позис казявны чужöм вежсымынäs пытшкёсса зэвтчомсö. Сiйö кватитiс моторас шашаритчöм Уляшовос шошабöдис да тракнитiс асланыс сэтшöм вынöн, мый мöдьыслöн трачнитiсны-орисны куртка кизъясыс, лют-лëтмунi юрыс, и кыздзö быттьö зэв нин кокныда, кокъяссö вылö качöдлöмöн, лëбзис пыжсыс да бузгысис ваас.

— Сволочь! Кöть пеж вомтö пожъялыштан,— пинь пырыс сöдзöдис сiйö да эз весиг видзöдлы вавын болскöдчыс вылö, тэрмасытöмöн кутiс бергöдлыны-лäдзны мотор крепитансö. Чужöм вылас ни öти мускул эз вörзывы.

Уляшов бауасис ваё шыбитöм кычи моз нёль кокён, гораа упкöмöн да бузöдчöмöн кыссис берегланыыс. Медбöрын гöгöрвоис жö сэсся сувтны, кок вожсö паськöдöмöн да кияссö шевгöдöмöн кайис берегас. Сы вылысса вавыс лäччис тюргöмöн.

Налöн коймöд ёртыс сöёмдiс сералöмьыsla, кутчысöома кыкнан кинас кынöмас да кусынътчöмöн кокъясанас зымйöдлiс: то ли тешысла эз вермы кутчысöны — дзик клоунъяслöн петкöдчöм кодь лои; то ли нимкодьысла — ассысö вывтi радейтись мортöс лöссыда велöдöма лои да.

Кыкён нуисны моторсö да öдöй крепитiсны мöд пыжас. Том мортыс перийис зепсъыс вит шайта бумага, мыччис сöёмдöм ёртыслы:

— На, Витя, сет эсiйö порсыыслы бензинсъыс, мед уджöзаян не кольны. И шыблав сылыс кöлуйсö берегас. Мед подён тапсъёдас — унджык кадыс лöй думайтнысö, кызд мортö пöрны.

Купайтchöм мортыс никсанана, корана гöллöссö сетис:

— Да менам жö талун гöтыр войся поездöн курортись воё, вочаавны кöлö. Менö кöть тшöтш босытöй.

— Гегдалан. Гöтырыд абу на королева ни. Аддзас туйсö, эз кö курортад дзикöдз вунöд,— кöдзыда, пöшти зывöка орöдис том морт Уляшовлыс никсöмсö да бергöдчис гöрд тошкalanь:

— Мотор дорас мен ковмас пукавны, ассыд век бурджыка тöдан,— шуис и сölis пыж бöжас. Шлангсö йитöм бöрын качайтыштiс бензинсö да вынöн тракнитiс мотор заводитан кöвсö. Мöдьыс... и моторыс ловзис. Том морт городiс «Сöлой!», и пыжыс винтнас муткыртöм валъяс вывтiыс шуркнитiс пöшти ю шöрöдзыс. Моторыс муртса лöнныштлiс да выль горён öддзис, вылö кыпöдiс нырсö и кутiс лäбöдны горув.

Öni ме водзын пукалiс сьöд щötä, зумыш чужöма том морт. Но кылi и тöдтöм друглыс матрац бокъяасас бедъясöн ноксöмсö. Сэсся сылён горд тошка нюмъялыс чужöмыс петкöдчылiс юр весытын. Дядьö кыв шутöг, кокниа шлапкис ме вылö фуфайка. «Кызд сiйö гогöрвоис, али казялiс менсым йирмög босытöмсö? Пытшкёсöй сотчö, а ортсисяныс тирöдана кöдзыд. Мынтöдчылыны эсъко и сотчöмсъыс, и йирмögсъыс...»

Шондыйис дзебисис вёр саяс, и ывлавыс пыр вежис ассыс рöмсö:

ставыс кельдёдіс, быттю руалыштіс. «Лун шёр кад... сёр рыт... нёшта кор на воам...» — шог мёвп көвъясис юрё.

Больничай тәрмасысы пыжаяслы воча чукыль сайсянъ быйкнитіс вылёр кыпöдчом ныра пыж. Пыж бёжас оттас пукалысь том морт одссо надзмёдлытог журодіс мёдар берег дортыс, веськодя видзёдліс кыттысъяс вылёр. Сыён кыпöдом вальясыс небыда качайтыштісны горув лэбись пыжсо. Верми кё эсъко кыпöдлыны юрёс да видзёдлыны, коді миан паныдасис! Пиой, конко, тәрмасъё ме доро...

...Кор вал вылас качлом пыжыс первоиысь чорыда швачкысис пыдёснас топыд ва веркёсас, быттю одноколка веськаліс кыкнан көлесанас джуджыд джопкано, дойыскод оттшотш чужис радлом: Ошъюр косы! Медыджыд, но и медбörъя косы, больничайд колис, сидзко, сомын куим километра! Орччонёсси нин... Но мёдись зёркнитомыс тушао да вежёрө пырис граната потёмён... и ставыс пемдымис... и дзикод синтёммодіс пемыдас часто-часто резсан еджыд чиръясон ыпъялышыс автомат очередь... Но инмис эз кокъясо, а веськыда кынёмё, морёс... Куті усыны пыдёстом пемыд гүю...

...Бара шуштём чёв-лонь: ни мотор шы, ни лэбачьяслон дзользём, ни ичотик вальяслон пыж бокъясас тельскодчом... Конко ылышы быттю кылісны шопкодчысъяс.

— Ловъя?

— Лолалё. Но ставнас öзий-сотчо. Садытом, бурако...

Восьти синъясо да аддзи горд тошка другоц. Ёдва киёс ворзьёдлёмён кори сийёс копыртчыштыны, став выноёс, мый кольыштомуна, чукорті кыв-мёд шуём вылёр:

— Ме... Важов... Николай Петрович... Звонитлой горто... 5-35-01...

— Ме тода. Звонитла.

Выныштылёмён кёсий усыкодны тод вылёр, кор да кёні паныдасылім-тёдмасылім, но бара эг вермы.

— Асынды пыралой операция бёрас... Кута виччысъны...

Здук-мёд кежло кунылі синъясо, шойчышті да вылышыс восьти.

— Мыйко кё... Виссталой... Гришабо... Пиёс ачым ысті...

— Уф, но и повзьёдлінны жо ти миянос... Звонитла, звонитла, дона мортой, ставсө вочам, энёй майшасьой. Воим нин да сесся оні тэнё бурдодасны докторъясыд. Тшотш на чери кыйны ветлам...

Горд тошка веськодчис да видзёдліс орччон суалалыс тёттөм выль ёртыс вылёр.

— Вот вед оломуыд... Гриша вёснасы, пыыс вёсна майшасьо — ачым по ысті,— бергёдчис мёдаро да здук-мёд чышкаліс син доръясо. Сесся юрсо кыпöдлытог мунис пыж бёжланысы.— Вай котёрён катодам, сомын öти коксянъ, зёркйёдлытогджык...

Бритчытём мужикъясыс кыкён босытисны ас вёчом нёсилка вылёр коймёдос да котёрён, лайкыда кайисны кыр ийлас.

\* \* \*

Кык лун нин чеччылі да ёна видзчысъёмён, крёвать боръясо күтчысъёмён, ветлі палата одзёс дорёдзыс. А талун чеччылі завтрак и пажын бёрын да душ-мёдись отаро-мёдаро одзёс дорёдзыс жо ветлі.

— Аски коридорас петавла да сэті тшолкъялышта,— нимкодя кёсийсі куйлысъяслы.

Палатао пырис том мужичой. Пельпом вылас плавгыштём еджыд халата, шуйга киас неыджыд пакет. Кытшовтіс синъяснас крёватьсян куйлысъясо да матыстчис веськыда менам крёвать доро, нюждіс кисо, вежавидзана да кыдзко быттю нимкодя нюмдіс — но ворзис да югдіс сомын веськылладор чужомбаныс:

— Готырыд виссталіс, кок ийлад нин по сувтінныд, да пыри видлыны. Видза оланныд, Николай Петрович.

— Да... вот... палатаодыс коймёд лун нин тапикасся... Аски коридородыс мёддышла...

Топодлі мортлыс нюжёдом кисо да сюся видзёді зэв тёдса чужёма, но тёдтөм морт выло.

— Эн, бурако, менё тёдой,— паськызджыка нин нюмдіс сійо.— Абу диво, кымын во сәксиян колис да. Студенталігөн на каникульяс дырый миянөс Лёня Лекановкод қыкыс мотоциклнад Кебан ты выло чери кыйны нулід. Ме Самарин Клим, помнитаның? А Марьяваняд неминучайыд тіянөс суюма, да ми пикод веськалім, татчодз тіянөс вайим,— висътасис бур морт.

Со, волёмко — важ тёдса! Лёня Лекановкод ми и оні другасям, и Клим Самаринсо оні уськоді жо дум выло. Найо Лёнякод сәки волі ёртасьоны-кайсыоны.

Пукаліс Самарин эз дыр, чечигмозыс нин сиис:

— Бурдодчой, Николай Петрович. Сәссе коркө ёнмодчанныд дзикодз, да тшотш на чери кыйны ли, ворю ли ветлам. Водзосте ме тіянөс новлодлышта.

— Аттьо. Оні сәссе, повзодчанаыс борю нин колис да, бурда. Ог на жо вор-васыыд дзикодз көдзодчы, дерт...

Тасянь, кёнкө, и артмис водзё крепыда ёртасьомным.

## Дозмёр койт

Клим Самаринкод, менё погибыс мездысъкод, бара дыркодь эг паныдасылы. Операция борад вель дыр больничной вылын волі, сәссе содтод санаторий бурдодчыны-ёнмодчыны ыстылісны, и дыр кежлө уджсыыд орёдчылөм борын төвбид зили бура залодчомон верстайтын көсийтөг воштөм кадсө. ЮрЫн эсък биттө век жо куті: корсъла, коло быть аддзысылыны... Эз ло. Ләдзчысъомон олыс морт, артмо... А май праздникъяс водзын Клим ачыс шыодчис.

— Видза оланныд, Николай Петрович, тайо Самарин Клим. Эн вундой горд тошка дядьтө? Марьяваньсыыд пыжон вайысътө?

— Видза оланныд, Клим...— ме джомдыштлі, көсий вичнаш шуны, а ог төд. Телефон мёдар помас, бурако, гөгрөвоис менсым джомдыштлөмтө.

— Бонефатьевич... эсък да. Гежода паныдасылыс ним батылон, да позьо кө, прости Клим,— тәрмасъомон отсаліс Самарин.

— Кызд позьо вундны... Век көсъя корсълыны, аддзысылыны, да онбодз со эг слоймы. Эн дивит.

— Ог, кутшом дивитом. Мен аслым окота жо волі тёдмавны, кыздзи бурдодчинныд. Ме тай көсийсылі водзосте кытчок борю ли, чери кыйны ли нүодлыны... Вот, эм кө кадныд да верманныд кө, позьо праздникъяс дырый — артмо нёль лун — ворю ветлыны. Дозмёр койт выло. Охотоведъяскод ме сёрнитчи, путёвка сетасны. Менам вор керкаодз, дерт, подён коло мунышты. Ванью поньодсян сизим верст, важ ногон кө, эсък, оти чомкост и эм да. Ме некодкод на эг сёрнитчылы. Верманныд кө — ветлам кыкөн. Сэні ота-модсянныс неылын куим дозмёр койт. Поводяс көсийны бурос сетны и.

...Көсъян кө менам съёломуын бур иёз лыдо веськавны — кор менё чери кыйны ветлыны. Ворю ли. Возды тайос мен вой шорвойын — здукон көмася-пастася...

— Зэв ыджыд аттьо, Клим, звонитомсыыд и корёмссыыд. Ме тар койтъяс выло ветлывлі, но дозмёр койт выло эг на веськавлы. Интересно, дерт. А сизим верстыд абу мунантор, оні ме ачымөс, кажитчо, бурджыка кыла.

— Вот и бур. Сідзкө, сёрнитчим. Комынод лунас кө пажын борын петам, куим вой позяс сэні узыны... Поводяс кө оз торк. Пищаль да пачка патрон, сёян-юантор куим-ё-нёль лун кежлө босьтам да кокныдиканад чожа-гажа маунам сизим версттө. Сідз вед! Ванью поньодбодз и бор локны сэсян машина ме сайын. Вайо асқомыс нёшта звонитчылам да сточджыка сёрнитчам, кор петны. Сідз?

— Зэв бур. Нёшта ётчыд аттьё.  
— Ниномыс. Чожа-гажаа кё ветлам, сэки позяс аттьёавны.  
Алдзысылыттодз.

— Алдзысылыттодз, Клим.

Збыльыс «чожа-гажаа», Клим ногён, и лои муномыс. Луныс волі шондіа, таво тулыс водз босыттис аслас уджё, да пожома ягъяс вывті коркө важён писькодлом паськыд кер кыскалан туйыс волі дзик нин кос, восьлавсис кокниа, лов вылын волі кокни да долыд. Аски праздник, а миянёс Климкод талун нин праздник руыс шымыртіс.

Паськыд туй вывсыс Клим кежис да муртса тодчана ордымод кутіс быттёй горув ләччыштны. «Ваньюлань нин, сідзкө», — гёйгөрвои ме. Ньёжйөнік ләччим минут дас. Вит-ё-квайт воськов водзын муныс Клим сүйтіс, бергёдтис мелань.

— Воим. Чожа-гажаа, — юорттис Клим, ас ногыс нюмдыштіс да пищальсо и нопторсо ўштодіс чегом ув йыло.

Ме матыстчи да сук ворсыс веськалі неыджыд восьсаны. Видзода да — ми джуджыд да крут кыркотш йылынёс. Метра сё ветымын кымын, улын, пус костодыс югъяліс ва веркөс. Вёр керкаас Климлон куткыртчома кыркотшишыс ныывкөс, вевтыс муртса-муртса мыччысыштому кыр йыв сайсыс. Керкаас ләччан местасо посийома кодыштому тшуподъясон. Сэн жё, ныывкөсас, бипур места: важ поим да шом чукёр. Сы весьтын, кык кыз бедь йылын, чишкасыом мотыр.

— Вот, чожа-гажаа! Эсійё, уліас, Ваньюным шлывгө, а ворыс сійё мөдлаполас. Со, синнад он судз. Ок! и радейта ме тасянь видзодны, — кыпьда, паськыда ёвтыштіс кинас нюмъялдыс Клим. — Ләччам керкаас, сәні менам ведра-портъяс и черъяс. Ме ләччыла вала, а тә сәк кости бипур лөсьод. Шыд пуам. Сідз вед? Пищаль-нопъяснымос улас жо ләччодам.

Вёр керкаас Климлон волі дзоляник, важся пывсян кодь. Пырны сэтчо коло ёна копыртчомын. Дзоляник жо ѡшиньыс петіс юлань. Керка пытшкөсас көрт пач, вылыс джоджас вольсалома йора ку — куим мортлы тойласыттог позьё узыны. Му джодж.

— Выліас, ләбув кодын, кос пес чуркаясис, — вавысла ләччигмоз нин висьталіс Клим.

Шыд пус да сёянсо керка бокас жо куим пойвісь вочом пызан вылас лөсьодіс Клим. Ме гусьон видзоді сы борся: ставсо вочис быттё и тәрмасыттог, а пелька. Картупеля шыд яя кансерис менам чай пузьбідігкості удитіс пуны. Рам да шань, бурако, мортис. Дерт жо, ме ногён вор-ва радейтис морт оз вермы лоны лёкён. Сідзсо зумышкодь чужёма, букиш видзодласа. Позьё думыштны: тә вылө мыйысько дәзмома. Нюмъялә кё — частоджык отар банныас: синъясыс югъяләнды нюмён, а читкыртчыләнды сымын шуйга син доръясыс, да шуйга вом дорыс жо вылө вежынтычылө-кыпідчыштлө. И зумыш чужёма, букиш видзодласа радейтис, бурако, вор-ва йылыс варовитны. Ме съёлёмсиян видзода да кывза сійос.

— Нуръясыштам да сизим-көкъямыс час кежлө ветлам развед-кайн кызвысыны, ловъя-о на медматыса койтным. Сідз? Март толыссо ме татчо волі, да чаром вывтыс лымсо ёна нин эсько волі гирс-йөдлөмдай бордъяснаныс да.

Клим пыраліс керкаас, тасьті-паньяс вайис, нянь шораліс.

— Пуксы, Петрович, бипур вылын пүом пөсшында чөс-масыштам. Ёна вед чөсқыдджык газ плита вылын пүом шыд дорсызд. Көрыс мөд. А сизим грамм тәнайд позьё оз оні?

— Сизимтт позьё нин. Ме весиг доз босыті.

— Сідзкө, кык доз на миян артмө, — аслас пёла нюмнас нюмъёттіс Клим да ордйөдіс менё — перийис нопсыс вина дозсө. — Мед, абу вед бытті ставсо юны. Ме ог жо радейт ворад винаянад дурны, а сизим граммтт окотапырыс гулькнитла. Торъя нин мудзомъяс борад.

Клим алюминий кружкаасы дзолькниттис «сизим граммөн», ню-жөдіс ассыс кружкаасы чокнитчыны.

— Вай, Петрович, чожа-гажаа. Тэнад дзоньвидзалун вösна, вörвасыс вösна, сыкёд став сьёлёмён и лолён солькнитчом вösна.

Сийё тэрмасытёг юис, шыён пöльыштис вина дуксо морёс пытшкёссыс: «Кха!» — и ыджыд пу паньён паныштис пось шыдсö.

— Мый кёть оз шуны, а тайё, ас кадё кё да мера тöдёмён, зэв на и лекарство кодь артмё,— кыв кöрталис Клим да вуджис аслас радейтана сёрниö. И сейигчёжыс тэрмасытёг висыталис то öтитор, то мёдтор йылысь.— Час, ветлам, видзёдлам, тані али оз найё пируттын. Ме веськыда висытала, посни лэбач-пöткато ме ог вермы лыйны. Жаль. А чукчиыд мёд делё. Найё мудерёс и наяносьдыхык. Быттьё ордыйисян сыкёд — верман он синны наяналунён. А сёлато нё сийёс мый лыян?! Яйыс эсько сылон вör пöткаяс пишыс медчоскыд да, но дзик вед йой сийё. Пукало да гоннялö-чуймало. Öтар пучер сайсяныс мыччысылас, мёдарсяныс. Шёйвöшома, дивуйтчо: код нё по татшомыс локтö, лэбзыны-пышыныны сыйыс али не? Сид вед? Сэсся жбыркнитас-лэбзяс да ветымын метра сайё бёр пуксяс — бара гоннялö-видзёдало, локтёны али оз сы бёрся. Да ешё вед и шпотькёдчо, быттьё ачыс чуйдö: танё по ме, танё!

— Шпотькёдчыны заводито сьёлавыд, кор сийё майшасьё,— сюйсыла ме Клим висыталомё.

— Сид эсько, бурако, да мед. Йой, дзебсыны коло сылы сук увъяс пöвстас да чёв пукавны, а оз шпотькёдчыны, йюклы. А ракаясö вот ме ог жалит, сыйыс вреднойыс некод абу. Оз вед прöстö пошти быд странаын ышёдны ракаястö лыйлыны. Шуам, Швецияын по сё рака кокё зарни чунькытш кёлаломаёс да найёс странаас разной пельбын вöля вылö лэдзомаёс. Он шу: чожа-гажаа! Гёёрвоин, мыйла? А кызд нё, быдёнлы окота зарни чунькытша ракато кыйны. Найё вед, сётанаяс, вöрад бур пöткаяслыс колькъяссö гусявлöны да сёйёны. Кёть вед кызд, аддзасны кё, кыйбадасны-виччысысаны, кор мамыс лэбзыылас, да гусяласны. Оз вед прöстö куимсё вото овны, наяномёмаёс. А, шуам, варыш ли код ли кё си вылö уськёдчас? Сийё пышъяс да ассыс став рака рöдсö чукортас да öбöдитчыс вылад став чукортас уськёдчасны. О-о! Сэки öдйö öбöдитчысыд усыйясаны кызд кужас. Чожа-гажаа. Кужас кё. Сэсся эсько асланыс, сётанаяслён, эм жё кулан врагыс. Сюз! Сийё войнас, узигкостинис ракаястö дитшкёдö.

Дерт, Клим вöравны радейтесь и чери кыйыс, да сылон весьт кузя чериыд висыталагад вермас жё сыв кузяёдз быдмыны, но висыталис сийё сьёлёмсянис, и кывзі ме сийёс торкавтёг жё. Кёлавлісны эз зарни чунькытшъяс рака кокъяссö Швецияын ли кёнкё мёдлалын, ме ог тöд, и вензыны эг кут. Вермас и сид лоны. Китайын тай уськёдчылісны став странанас воробейёс бырёдны, кёть бöрыннас жалитны налы ковмис... Но сьёлаяс да ракаяс йывсыыд Клим стöча висытало. А вот ме радейта жбыркъялыс сьёлаясыд бёрся вётлысыны... Гашкё, збыльыс, кокниджыка найё сюрёны, да сийён?.. Абу жё эсько дзик сид да: интересно жё на бёрся вётлысыныс... Час джын кежлö ломтыштлім кöрт пачсо — пöдём дуксо керкасыс вётлыны — да вöлисти мёддочим дозмёръяс дорö.

Матын вöлёма: петим кер кыскалан важ туй вылас, муныштим кыкёс кымын метра гортлань, да Клим кежис векныиджык, кер кыскалан туй вылö жё.

— Тайё туйыс Ванью дорöдз лэччёдö. Неуна муныштам тати да туй бокас и пуксылам,— Клим кежис туй вывсыыс.— Вот тайё пожём улас и пуксылам. Эз кё разёдчыны — кылам.

Пуксим пöрём пу вылö, лöньёдчим. Недыр мысти и кылс: «ко-ко-ко...»

— Кылан, öти дозмёр чуксасьё нин,— бергöдчис меланьё Клим да кутис сёрнитны шöпкёдмён, быттьё полис котсыс дозмёрсö повзёдны.— Ме важён нин налыссы модасö тöдмалі. Рытнас заводитоны чукортчыны квайтсян кымын. Первой локтёны дозмёръяс. Талунья

кодь мича поводдя дырыйыд... Со... Ётик... кык... куим... Нёльён нин котсёны... Кывзы, кывзы! — водз чуньсö олёдана лэптис Клим да чошкёдчис. — Чожа-гажаа... Чукчиясис локтёмайс жё нин... Кылан, шлочкё... Со чушкины-пилитны быттьё кутис... Чишиши-чишиши-чишиши... Кор чушкё-«пилитчё», сий нином оз кыв ни аддызы, сэки и коло сы дорё матыстчыны... Со, кывзы: ётик, кык, куим, нёль, вит, квайт... Стоп!.. Вит воськов коло тайё сылысь чукчиланысы вочны и сувтны-кынмыны места вылад... Он кё удит сувтны чушкины помавтёдзыс, либо шлочкёдчигас вörзьёдчан — повзёдан да пыр и лэбзяс. А ёна видчысъёмён кё, тэрмасытёг, верман лыймёнёдз сы дорё матыстчыны. Быттьё кыйны кё көсъян... Чукортчомайс тай! — радліс Клим. — Тайёяс рытнад öкмис часёдз, овлывлёт, гажёдчасны... Выльысь сывны босытчоны югдытёдзыс на, пол-второго гёйёр, и гажёдчоны пол-пятовоодз. Чукчиясис мый керсё-ёны-ы! Мортъяс ног кё — пируйтёны, ме чайта. Вот талун найё пир выло и ветлам... Кортёг эськё, да ми вед бурён, сёмын видзёдышты... Конкё?.. Ме вит сывлысь чукчиюс лыдди. Та мында кё зильясис, сидзкё, унджыкён на чукортчомайс татчё. Сё верстъяс гёйёрьис пё вед ётилао чукортчылёны. Быд во, кытчёдз вёр лэдзысъяс оз жугёдны, чашыйны-чайлыны ли...

Кымынысь ме, вёр-васылён мичлуннас, уна гёлоса шыясон гораломнас шемёс, пукавлі гажаа трачкёдчыс бипур дорын да кывзылі таръяслысь кургомсё, либо ойдалом нюр шорын лыс чомий дзебсёёмёнöttшётиш и этшысис петём лягушаяслысь нюр пасьталаыс гораа вутшкёмсё, и уткаяслысь герчкёмсё, и уна пёлос вёрса лэбачяслысь дзользёй-шутыляй-таргомсё! И некор ээ дышёдлы, ни эг мудзлы кызвём-видзёдомсыс. Быд порёй вёр-валён гораломыс вörзьёдис-нормёдис и лёньёдис сёлёмёс. Со и оні пожомъяслён небыда да мылаа шувгом уло дозмёръяслён котсомыс, чукчияслён шлочкёдчомыс да чушкёмис, быттьё кирпич торйон пач пёдано гирсёйдлёны, синъяс вазымён пырисны сёлёмё. Пукалі да пукалі эськё тадзи да кывзы вёрьислысь олан горсё.

— Ветлам керкао, шойчыштам, — вёзийс Клим. — А вой шор гёйёрын локтам да видлам матёджык на дорё матыстчыны. Пельён кывзыштим, сэсся дзебсёёмён, майвиас кё, видзёдыштам.

Сізд и вочим. Локтім да чай на юим, сэсся волисти водыштлім. Час-мёд кежлёт.

Прамёя ойбыртсылёма. Садьми — керкаас пемыд, ичотик ёшинысы войнад ээ нин югзьбд. Клим, кылёт, ылаас ноксис.

— А ме волі чуксавны нин көсъя, — шыёдчис Клим меным воча. — Вай шоныдджаика пасьтась, войнад вörзьёдчыштог кыйёдчыныд кёдзыд лоё. И ветлам.

— Пищальяс босытлам огёй?

— Босытлам. Ме кыйсян кадад, ляя кёть ог, ог радейт вёрті пищальтог ветлыны.

Воим рытъя кывзысян местаёдз. Клим сувтис, кывзысыштис. Гёйёр чөв-лөнъ, сёмын ичотик төвру ворсыштис пожом туганъясыскёд.

— Ме тода ылосас, кони наён пуртікасян местаыс, да сэтчань и мунам гусьбоникён. На дорё матёджык, — ёвтыштис кинас Клим, корис ас борсяыс вётчыны.

Туй вывсяныс и пырис вёррас, метра сё мунис вель на збоя, но небыдджаик, нитшка местаяс борйомён да увъясон тратшкёдчытёг, сувтыштис, кыпёдис кисо да видзёдліс мелань. Кывзысим — гёйёр шыч ни рач, сёмын толыс небыдика шувгыштис. Клим босытис веськыдывланьджык да мунис ёна видчысъёмён, гёрыльтчыштёмён: вочас воськов вит-ё-квайт и сувтё, кывзысъё. Сувтис ыджыд вужля дорё, видзёдласнас кытшовтис гёйёрбок, сувтодис пищальсё пёрём пожом бокас, пёрчис нопсо да вашнитис:

— Татчё и сувтлам... Сайдчылам.

Клим нопсыс перийис неыджыд тубрас:

— Тайё кодъяс бёрся кыйёдчам, наысь дзебсылём вылёт. Көсаясьлём куломысь ло́сьёдлі. На, кутлы кык помсо, паськодам. Көртав эсійё и эсійё пуюсас,— шопкодчомён тшоктіс Клим.— А ме ассым помъяссö этатчö. Буретш тайё пöрём пожом весытас. Пуксоң позяс кыйёдчыны... Отарсянъ тайё вужляыс миянöс сайёдас. Со этайё понёльясыс миян дор жё... А сэсся асланым сайёдным дзебас...

«Асланым сайёдис» Климелён волёма кыдз веськалошпелом сьёд, руд, веж, пемыздгорд, виж дörаторъясон баситом важ кулом. Вундалома дörаторъяссö быд ногыс: кузымёса, гёгрёса, ёс пельбесъясон. Артмис нель пельбеса, пуюсöшпелом аслысполёс чом, коди оз видз ни зэресь, ни толысь, но, Клим шуом серти, должен сайёдны чукчи-дозмёр синъясыс.

— Со тадзи пытшкёссяныс ставыс ло́сьыда тыдало.— Клим матыстчис чужёмнас сетка дорас, видзёдліс отарё-мёдаро.— Ме кольём во вёдитчыштлі нин тайён. А ортсыяныс дас воськов ылыстчан, и морттö он нин казяв. Оні сэсся ло́ния виччысям. Танёсъ найё, кёнкё нэлын.

Клим вашкодіс менам пель дорö матыстчомён. Ме матыстлі чужёмёс сетка дорас. Збыльсь, кёнкё, югдас да тыдавны кутас. Тыдавмёндз кё буретш татчö веськаласны.

Пукалім дыркодь. Гегдыштім, но пукалім чöв-ло́нь, вёропшитчытöг. И друг!.. Дзик матын водзын — «клёц... клёц... клёц...» Сэсся пач пöданö ныж пуртён гирсийдлём моз — «чишиши-чишиши-чишиши...» Клим бергöдчыліс мелань, вылёр чургöдліс певсö, сэсся водз чуньнас накёсаліс вом доръяссö. Гёгрювана! И ворыс ми гёгрюн ловзис: веськыдвылын кывсис «клёц-клёц-клёц... чишиши-чишиши-чишиши...» Водзын ылынкодь «клёц-клёц-клёц...» И ешё!..

— Танёсъ!.. Танёсъ!.. — кыпыда лолыштіс Клим веськыда пельё.

Садьмисны! Веськыдвылын, и водзын, дзик матын, и, кылёт, кёнкё ылын, и весиг мыш сайын кутісны öта-мёд бёрсяыс шлочкодчыны-гирскыны. Клим бергöдліс юрсо, сэсся чуньяснас петкодліс — сизим! Сизим съылесь чукчиös вермома ториёдны-лыддыны. Да-а! Отилаёт чукортчомаёс! Та мында чукчияс пиад ме эг на веськавлы!

Огдандорыс, кор пуюсис кутісны торъявлыны öта-мёдсыныс, дзик матын кыліс ыджыд лэбачлон бордъясанас швачо́дчом.

— Эм!.. Отик муас нин лэччис, — бара пельё вашнитіс Клим.

Ме матысті чужёмёс дзик сетка бердас, видзёді дörаторъяс костёдис: му вывтіыс сьёд мыгёр вуджортіс пуюс костёдис, веськыдвывсяныс сылы воча öдйё матыстчис мёд сэтшом вуджёр. Пуюс саяс кыліс бордъясон швачо́дчом, сэсся швачо́дчомыс öдйё ылыстчис.

— Заводитчис, чожа-гажаа! — тувнитіс менё гырддзанас Клим. Сийё нимкодя зыртіс ки пыдёсъяссö. — Ло́сьыда бöйим местато, веськалим. Сюся видзёд!

Дзикодз югдіс, быд ув и турун за тыдовтчисны. Этшсис петём лэбалысь великанъяс котралісны пуюс костёдис, швачо́дчисны бордъясаныс, но меным окота волі матысянъджык видзёдлыны на вылёт. А найё дзикодз эз матыстчывны. Кылісны-аддзисны дзеб-саяссысьясöс? Эз, буракё, мёд ног эсько йёзкод орччон эз кутны тадзи ерикайтчыны. Сідзи и волёма: кыз пу сайысъ быйкнитіс ыджыд чукчи. Юрсо нюжёдома водзо, бордъяссö шевкнитома уло да пашкыр бёжнас отарё-мёдаро катлодлігтырий төвзис веськыда миян вылёт, быттьё кёсис куломшойыс вочом сайёднымёс снаряд моз пырыс чашвартны. Ме бура нин аддзи съылесь синъяссö и на весытын мича гёрд синтасъяссö, и ачым куни синъяссö — дзебси думысъ, мед эз казяв! Мый лоё!? Бёр читкыртчомён восьтышті синъяссö — миян вылёт уськодчыс воськов дас-дас вит эз во чомным дородз да кутіс төвзисын бокё. Видзёдам да — веськыдвывладорсяныс воча шуркйёсы кодь жё чукчи! Паныдасисны, бордъясанас швачо́дчомён лэбышлісны вылёт да жмоткысисны воча морёсаныс, лэччылісны муас да выльысъ лэбышлісны вылёт морёс-на-морёс, и бордъясаныс

шевгёдёмён, бёжъяснысö пашкыртёмён орчён пышайисны да вошинын пус саё. Водзö тышкасыны?! Вермасыны? Гашкё, сёрнитчыны?! Регыд сыладорсянъ кылс увъясö бордъясон швачкёдчом...

...Пир!.. Пир!.. «Дозмörъяс тан пирүйтöны!.. Пуяс костöд котралоны, воча морös чеччалöны... Вот тайё да!..» — ме лов кутёмён пукалы да нимкодяси аддзылёмнас, шензи...

— Отыхыс, кылё, пу йылё усыйсис... — кыв кörталыс Клим.

— Но и дозмёр свадьба! — эг вермы кутны ассым шензьёмös да юалы: — Жёникъясыс тані тышлайтчоны, а невестаясис нё, сидзкё, кёнось?

Чукчияс бёрся видзёдёмнад дзикодз вунёдчылым, мый дозмёръясыслы кёнкё тані жё коло лоны. Тöрыт тай найё медвоздз заводитлесны котсыны. Сюсьджыка кутим гёгрбок видзёдны. Дыр мысти пус костёдыс ачым казял ылын тыдалыс кузь турун пиыссы дозмёрбос.

— Со тонё отик! — радпрысь чуйді Климы.

— Да, найё. Сэні вель паськыд туруна кушин, да сийёс тай борйомаёс.

Дыр видзёдём бёрын нёшта душ-мёд дозмёрбос казял. Найё тшапа гоннялесны кузь турун пиас: тыдалыс сёмын мышъясныс да вылё лэптём юръясныс. Но и найё вошины турун пиас. Жёникъясыс сэні виччысисны. Сидзи артмё. Регыд сэні жё пус костёдыс вуджёртис сьёд мыгёр. Вермись локтіс!

Со кыдзи природайд лёсёдлёма ловъя ловъяслыс олёмтё, мед сийё миян лёз планета вылын эз кус! Ни йозлон, ни вёр-валён. Медтыкё морт ачыс эз зиль сийёс кусёдны-а.

Пуяс костёд важён нин мыччасис шонді, сылон югёр визъясыс вочасон вётлесны бёрысь войся кёздыссо. А кор шондыс кыпёдчис пы йывъясёдзыс, мёддичим бёр вёр керкао. Чукчияс важёнкодь жё нин дугдисны котравны. Кёнкё ылын, кылё, отик выльысь заводитлес клёцкёдчыны. Мед. Миянлы талун кежёл тырмас аддзылёмис — серпасъясыс нэм кежёл паметьё коляны.

Вёлі квайт час. Эг сразу водой, а шонтім да помалім тёрытъя шыднымös, юим посы чай.

— Но кыдзи, Петрович? Кажитчис? — нуръясигён нин юалыс Клим. Ачыс дёволя нюмъяліс.

— Москваса Большой театрын дорысь на ёнджыка сьёлём бурмёдіс.

— Да-а, чожа-гажаа вед пуртікассыёны, — согласа кыв кörталыс Клим. — Ме вот мый йылысь думайтышті ас кежысь. Висставлі тай — тасянь неылын нёшта кык дозмёр койт. Мёддзыс нёль верст тасянь, но мёдлаполас. Сэтчё он пыжтёг ог веськалой — вавыс ыджыд, а пур вёчёмён, кёнкё, ог нин кутёй ноксыны. Коймёддзыс верст сизим кымын. Сэні менам вёр керка жё. Но стёча ог тёд, ловъя абу койтыс таво. А тані ставыс лючки-ладно. Шуам кыйны кё, тавой ветлам да и босытам морт отикон. Тёдомысь, гортё ог күшён муной. Кыдзи тэ думайтан?

— Ме соглас. Татчо ветлам, и аски гортё.

Сізд и вочим. Водз асывнас чукчияс сывыны заводиттөз мунім да бара туй бокас виччысыштім. Быттьё расписание серти, первой чукчи шыёдчис часён- джынйёнын. Сы бёрся вочасон босытчисны клёцкёдчыны и мукёдис.

— Вочам тадзи! — шёпкёдёмён велодіс Клим. — Тэ босыт эсійёс, матысасо. Помнитан: клёцкёдчо — сувал, гирсыны заводито — вит воськов водзё. И сізд, кытчодз лыйём ылнаодз он матыстчы. А ме, ылын тай кылё клёцкёдчо, — сы доро ветла. Тані жё менё виччысылы, водзджык кё локтан.

Пырим вёрю югдыны заводитігас. Ме кокния босыті матыса клёцкёдчысыссо. Ідже, пуд джынъя пёрысь чукчи вёлёмна.

мича. А Клим локтіс час мысти. Чукчиён жо, сөмын сылён ичөтджык вölі. Босытліс менсыым, видліс-донъяліс:

— Бур! Пöрысь чукчи весъкалöма. Оз кут сэсся томъяслы мешайтны. Мед найё бурджыка рöдмöдчасны. Пöрысыц — пöрысь и эм, томъястö татшöмыц оз лэдз рöдмöдчыны, а аслас прамой сямыс, конкö, и абу нин.

Ме гортö вои кыпый съёлёмён: дозмёр пир вылын вöлi, чöссыд яя пöttка кыйи. Кöttя яйыс и чорыдджык пöрысь чукчиыдлон, но ёд унджык. И гортсаяс праздничайтан пызансö абу на идраломаёс. Кык ыджыд праздник и лои менам.

*Помыс локтан номерын.*



Александра МИШАРИНА

## Мам йылсысь кыв

Прощайтыг пойнан он  
эн на карад ләччи.  
Кор воан сэсся,  
ог нин, гашкө, ло.  
Вай дэбыд ванад  
юктöдышты чеччöд.  
И кынöмös на  
орöдö тай, со.

Эг чайтлы ме,  
мый мамö овны дöзмас,  
и кутас корны Енлысь:  
«Босът вай, босът!..»  
Дерт, таыс дивитасны  
сийös йöз на.  
И Енмыс рай öдзöссö  
оз на восьт...

\* \* \*

Крепыд вужъя волом  
чужтас-петас.  
Öкмысадас кыквойд  
пöшти нэм.  
Дzonьвидзалун, майбыр,  
Енмыс сетöм.  
Кадсыс тай нин  
косьмö лы да вем.

Быдлатi нин  
жуғöдö да доймö.  
Уджыс нэмсö  
вöлi юр выв тыр.  
Кöкъямысадас арнас  
вöлi збöй на.  
Пес и ва,  
и град вылын на зыр.

Еджыд вина,  
миян ногён водка,  
сёйом водзын  
юыштліс штоп-мёд.  
Но эз некор  
сэсся водзё содтыв.  
Юр висьём ни  
пöкмелля эз тöд.

Ачыс асьсо  
кутны-видзны кужис.  
А вот уджын  
съокыдысь эз пов.  
Гашкё-й, нöшта  
ёнмёдіс на уджыс.  
Верёс вöлі,  
чужтыліс квайт лов.

Медбörбяыс  
пес вайигён вöрзис.  
Шоныд жырийöдз  
туыйс вöлі кузь.  
Но и войбыд на  
ме мырси-гöрси.  
Микёлалы паныд  
мам эз узь.

Мен жё колис  
шуны сёмын: «Мамё!»  
Батьлён сэки  
дукус нин эз вöв.  
Сiё оліс аслас  
тöлкён-сямён.  
Мёд семьяён,  
быттьёкё, выль пöв...

\* \* \*

Муланьё нин ныра  
мамлён юрыс.  
Мышку вылас  
мегыртчома гёрб.  
Мыйта уль нöб  
кыскавны öд сюрліс.  
Мыйта лоис  
кыскалома гёр.

А удж бöрад —  
челядь да кык пöрысь.  
Mös и ыжъяс  
баксёны на тыр.  
Конда доддьён  
муртса локтас вöрысь.  
Гортгöрса уджыд  
оз и быр.

Мамлы шонта вольпась  
пöлать шöрын.  
Ог и тöдлы,  
унмовся и пом.

А кор садьма,  
аддза чечём бёрын:  
Пачводз дорын —  
мичаник, зэв том.

Виталий КУРАТОВ

Укватён нин  
ыджыд чугун кыскö.  
Пызан вылын  
руалö ид нянь.  
Ачыс быттис идсö.  
Сьёкыд изки  
йёз сарайын  
бергöдлывл ис ань.

Тшыг кынёмён  
некор ми эг водлöй.  
Сьёд сёяныд вöлi  
миян пыр.  
Вичмывл ис  
челядьлы йöвторыйд.

Керка юрысь  
оломыс эз быр.

А ёд куттис сёйс  
менам мамö  
отнас, веростöг,  
и тырмис вын.  
Онi тай со  
сёрнитö нин рама.  
Бöрддзылас,  
а киыс ий кодь кын.

Сьёлём потмён жаль,  
но мый нö керан?..  
Мортлон öти олём  
да и лов.  
Менам патераö,  
дерт, тэ тöран.  
Но ёд карас  
лун весиг он ов.

Чужанитöгыд тэ  
дзик пыр кулан.  
Öшинь увтö  
аддзыйтöг он узь.  
Дзирия öшиньöбыд  
Висер юлань  
дзоргигад со  
муртса нин он усь.

А кызд быттö  
оломыс эн пёт на.  
Яла ягыс жаль  
и парма вöр.  
А ми, томъяс,  
быттö тэнö вöтлам  
сэтчö, кытысь  
он нин во тэ бöр...

Иван думын паныда  
шында. Том мамлон  
жүттэль чужома, за то  
куйле болкынча нал.

Дана подругомы  
видыны. Калом

да көртөлбөн висе  
— Сьёкыд түже.

Но төхөн көлсөн  
алып шудай тарып  
оломыс эз быр.

Презде кесе көтөрүлгөн  
фармаки максыныс.

Мын төртүүлөн көтөрүлгөн  
Петр крамской

намтой, а шака на  
— Юрий кимми

жонце и дөл волчо  
шор армыла обдер

— Күннөмөсү ал  
жашыны молож

— Петров сан аны  
Ката.

— Катерина, мак  
жонце кимми мак

пыр водай жалдуу  
— Константин

— Константин  
сиктүй абу. — Том  
версюд бийдиги

— Башни-матито  
быттеб, окотым, сю

ни-шила косто езри  
Напар-сактый ю

уджаны, варошиб а  
медикусны, барагчи

пидди келди мак

— Он дозын, иш  
либо симые абу,

— Чуркаш-оччи  
вöчтөс приговор.

— Ми көйлүм  
Катаы забегло лон

пышмысынчындар  
дуннаа и сиистам, а

вöчтөн.

— Нынта во, Ю

\* \* \* A  
Илья Муромец

Мортыд колан, лор словиц  
кор тэ ачыд верман.  
Мёдлы сетан  
кокнилун да шуд.  
А кор дзикодз  
омольтчан да нэрман,  
быттьё тэнё суас  
страшной суд.

Мыжтёмыс  
мыжён и лоан,  
мый ас кадо  
муннысö эн куж.  
Тöдан кё, мый  
та выйдзыс воан,  
съолыштин да  
эн эсько и чуж...

\* \* \*

Эска, юкало.

Эска, висьо.

И оз кокньод нин  
меддона «кизьён»\*.

Тайё тёвсö,  
ме чайта на, олас.

Гажа тулысыс  
нёшта на волас.

Съёкыд толаыс  
визувтас шорён.

Ю выв ии чептыс  
бара на оро.

Быдмас дзоридз  
и лэбачыс сылас.

Петас паныд на  
мам кильчö вылас...

□ □ □

\* Лекарство.

## Ковтём жёник

### В И С Ъ Т

Катя чужтіс кагасо райцентру роддомын Иван лунлы паныда вой. Том мамлён мича лўз синъясыс воліны пыктомаёс дай ачыс жугышль чужёма, эз тёдчы кага чужтём бёрас кыпыйдуныс, радлуныс, куйліс больнича палатаын чёла.

Лина піоругаыс кывлома кага вайёмсо да пыр и локтюма райцентрю виддлыны. Юалом вылó Катя гусьоник косодіс вазьём син доръяссо да нор гёлөсөн висыталіс:

— Сьоқыда чужсис, быдлаті на висьё.

Но вежон кольём бёрын Катя локтіс гортас нюмъялан чужёма нин, шудён тырём синъяса, кыпыйд руа да кыв-вора.

Грездаяслы кага вайёмыс Катялон волі виччыстыом. Том ныв фермаын лыстысыс, эз тёдчыв нёбасьомыс. Нёрпалыштомуш ләч-чоидын больничао и со, кага вайёма.

— Мый нё нимсö пуктам? — юасьбын том мамлыш бать-мамыс.

— Петя армиясяныс гижис: пи кё лоё, поль мозыс — Юрайон нимтой, а нывка кё — Анастасияён.

— Юрик нимыд, шуам, олас, но рёдис налён... Вывті дыгыдось да нёшта и пеж вомаёс, — көритыштіс кага батьлыс семьясö мамыс, шёр арлыда збодер нывбаба.

— Күтшомош ай-мам, сэтшомош и ныв-пи, — содтіс эзыс пратъяса күшмыны мёдём юра батыс.

— Петяыс зэв шань морт, энö зонсö немёстö, — дорийсыны пондіс Катя.

— Катерина, муса ныв, эн дорийсь, батызд збыльтор висытало, — вомаліс нывсö мамыс, — армияас мунтöдз тэнад мусуқыд эз уджав, эз пыр водзö велёдчыны ни, коть эсъёш шёр школасö и помаліс.

— Кони мортыс уджалас? Совхоз кисис, мукод производство сиктын абу, — том мам венласис бать-мамыскöд, эз кёсйы сетны верёспуссö обöйтнү.

— Земля-матитö шонді баситö, а морттö удж краситö. Волі кё, быттьё, окотаыс, сюрис на, майбыр, вын-эбёстö песаніныд, — сюйсис эня-ныла костё сёрнинас и батыс. — Лесхозö по уджалысъяс колоны, Ниашор сиктын ю вомоныс выль пос кымын во вёчисны, коді кёсйис уджавны, нарошиö автобус новлётдліс, сэсся Потапов фермерлы позис медасылыны, батрачитёны тай некымын зон. Совхоз кё кисис, сы пыдди видз-му вёдитан артель вассис.

— Эн дёзмы, ныланö, мусуқыдлыс муссö сьоқыд уджыс зыртö, либё сямыс абу, — крапкис татчö мамыс.

— Чуркасö вочны тай сямыс тырмёма! — содтіс батыс, быттьё вочис приговор.

— Ми кёсйимö гётрасыны, но асыныд шуид: нёрөвитлö по, — Катялы забеднö лои верёспуссö немортö пуктомуш да мырдён кутіс пычкыссыс синвасо. — Кёританныд? Петя локтас армиясыс да мёд луннас и гижсямё, ачыс сізді кёсйö. Сэсся абортсö сійё жö эз тшокты вочны.

— Дыр-ё сылы коли служитнысы? — юаліс батыс.

— Нёшта во, Юрочкалы локтігкежлас арёс тырё.

— Катерина, батьтём кага вайёмыд некор ээ вёвлы ошкананён,— юрсо гогийдлёмён да кинас ётыштчомён шуис мамыс.

— А меным оз и ков некутшом ошком. Радейтана мортсян съекті да вайи свет вылас Енмён сетёмтор,— Катя босытіс зыбкасы няргёдчыс писо, разис ковта кизъяссö, ки пёвнас перийис морёссысы булки моз польтчом нёньсö, лосьёдіс кагалы ичёттик вомас. Мёдыс неуна ниргыштіс на, а сэсса и ланьтіс.

— Ме вёсна оз ков дёжнасьны, кагалыс абу батьтём. Во тыром бёрас локтас салдат да ми отывитчам. И йозылыс мейдз мед некутшом делю ээ вёв!

— Йөз вомтö ветъёкён он тупкы, чуркай кёритём на пи дорад мед оз вужъясь,— бара на лёдсаліс батыс.

Бать-мамыс Катялён паныд шуасисны сы вёсна, мый кага вайомыс наалы волі сээз лунё гымыштём кодьён жо. Нылыс быдмис лючки-ладнö, школа помаліс, велёдчыны ээ мун да скотёс дозьоритны вёзйисис. Удж бёрас шочиника петавліс войпукны. Гортас и йозын пыр волі серамбана, кывзысысь. И друг висьмис, воломкё, нобасьё, кага вайны больничаас ветлёма. Бёрыннас нин суседъясыс висьталісны: Терень Петякёд по унасы аддзывлім.

Быдтор тёдны окотитыс грэздса нывбабаяс, быдсяма мог пуктылісны, мед сёмын Зётинъясö волыны да пузчужом кагаёс видзодлыны. Коркё, толыс-мёд-каймёд кольём бёрын, внуксо видлыны воліс и Тереника, Петялён мамыс, ар ветымына, сельди бочка кодь кыз нывбаба.

— Тайё абу Петялён пи!— зыбкаын куйлыс вылё дыр видзодом бёрын нем виччысътёг крапкис-шуис сёйё, быттьо сёвзис. Сэсса бүгжыль синъяссö чөйтліс шойёвошом чужёма кага мам вылё да петігас нин содтіс:— Корсъомыд тэ, голубушка, бокыс.

Катя суаліс зыбка дорын вомсö паськёдомён да сёмын лапиёдліс синъяснас, кёсайис мыйкё шуны энъкапуыслы, но морёс кудсысы гёлөсис ээ пет. Тереникалён шоюмис том аньёс кынтіс места вылас, вөрззынысыс оз вермы, но регыдён сэсса сайкаліс жо, вир-сёныс личаліс, кельдёдлём бандзибъясыс алоймисны и морёссысыс волис петіс гёлөсис.

— Вот еретнича бабаыд! Абу по Петялён пи... А сылы нё кутшом мог сэтчодз? Чайтё: сыкод и кутам овны? Мед ог! Петялы коло волі кагалыс да со и вайёді!. Абу Петялён!

Нель-ё-вит толыс бёрын кагалён гён кодь небыд юрсиыс мёдіс гёрдён, асъя кыя моз портмасьны. Петялён юрсиыс сёйд, Катялён рудов, а дитяыслён быттьо чишкассьёма. Терень рёдрын ни Зётин рёдрын гёрд юраыс нэмнас абу волома. Сідзко по и кагалыслён батыс мёд, абу Петя,— шуасисны грэздасяс.

Шоғыд по ётнас оз ветлы, мёд притча коклябөрас нин Катялы тувччома. Тереника воломсян мусуксянысы дугдісны воливлыны письмояс. Энъкапуыс, тыдалё, суклялём маңысылы быдторсö, вот и ори зонма-ныла костын гижёда йитёдис.

Кадыс мунис водзё, и Юрик быдмис. Визув, мам мозыс жо серамбана, мичаник зонка. Джодж кузя кысъясъо пидзөсъяс вылас, ачыс нин пуксю. Квайт толыс тыригён бура нин тёдіс уска польсё, пёчсё, мамыслыс небыдик шоныд кияссö да весиг и гёлөссо.

Катялён пёдругаыс, Лина, асъя лысътысъомсö Ферманын помало да пыр и котортё сусед ордас. Том нывлы окота ворсыштны акань пыдди ичёттик Юракёд, ки вылас качёлдыштны, ки-коксö гильёдыштны, чачаён ворсодны. Отчыд тадзи ворсом бёрын Лина шую пёдругаыслы:

— Кагайд ёд и збыльыс оз мун Петя вылад, Терень пилён нырыс вёсныыд да кузь, синъясыс рудосяс, юрсиыс сёйд, а талён со нырторыс чангыля, синъясыс каройёс, юрсиыс рыхёй. Катя, висьтав весь-кыда, кыдзи пёдругалы, кагайд ёд абу Петялён? Эн пов, ме вомысы бокё оз пет. Миян сиктый Аркадей сёмын гёрд юраыс?..

— Чёв, кыдзи тэ лысътін сізд шуны!— Катялён синъясыс

повзёмны, вом доръясыс тіралёны, мича лўз синъясас ыпнитлёны би кинъяс.— Тэ тёдан, пöдруга, менам öти мусук волі: Петя... Горд юриа кё, чайтан, сöмын нин сylöñ?

— Ме көсъя шуны: кутшом койдыс, сэтшом и вотос.

— А ме шуа: кутшом кузнеч, сэтшом и накöвальня, кутшом доръясыс, сэтшом и вöчомтор,— вомаліс пöдругасö Катя, аслас гырыс синъясыс повзымёмыс абу на кусома.

— Йозыс шуоны: Зётин да Терень рöдас по горд юраис некор абу вöвлёма,— водзö ассыс долис Лина.

— «Пö»-ыс сизим чалля зорёд сёйлёма!— дёзмис Катя пöдруга вылас.— Тайё Петялён мамыс уdtö, мед ме пиыскöд торъялі.

— Эн лёгась, ме тэ дор жё. Локтас армиясыс, отлаын мёдам дорыйсыны, чайта, ассыс писё оз кут öтдортны,— майшасьом поздысис сёйлёмас и Линалы.— Кызвы, мый ме тэд висътала. Кывлі тайёс, кор Кировса шойчан керкä мёдёдлісны. Том дырийыс öти нывбаба ветлас море дорö курортö. Тöдмасяс сэні грузинкöд, пöттöдзыс гуляйтасны, узъласны. Гортас локтас да öкмис тöльс бöрын рöдитас еджыд юриа мичаник нывкаös. Верёсис еджыд юриа жё вöлёма да некод нем оз гöёрво. Курортö сylöñ ветлёмсяныс кызь во кольё. Кагаис лоё невестаён, петас верёс сайё. Чужтас сэсся дзик сёд юриа, мугов чужёма зонкаös. Верёсис мёдас шуны том гöтырсö гуляйтасыён, ториöдчыны мёдласны. Мамыслы жаль лоё семья торкёмыс да, яндзим кёть абу, ковмас висътавны ассыс грешитöмсö, кыздзи вермис лоны сёд юра зонкаис. Грузинислён генъясыс абу веськыда нылыслы вуджёмны, а сöмын кёлена бöрын.

— Тэ тайён висъталан, мый мамлён грек вöлі?— пöдругыслыс висътсö ас ногыс гöёрвоис Катя.— Сiё ветлывлiс курортъясö сöмын батькöд. Сэсся вай дугдам сёрнитны та йылысь. Мед менам муса пиыс горд юриа кё, кодлы кутшом делё, сэтшомсö кё Енмыс сетис. Окотитас кё батыс ми дорö локны — пöжалуйста, оз кё — öтнам быдга. Интернатö од ог сет татшом визув да авъя зонкасö...

Пöдругыслы Катя нарощё сiдз шуис, быттö сылы веськыдье Петялён. Но аслыс эськё сёйлём нюкыртмёныс шог вöлі, на дорыс кё Петя öтдортчас. Катя тшöкыда вöталö, кыздзи сiйёс мусукыс милуйтö да окалö, писё кисыс оз лэдзлы ни. Локтас да збылышыс кёсы выло оз гöтрась? Катялён од сэки сёйлёмис потö, йöймытöдзыс зонсö радейтö да. Весиг верёс саяс петтöдз со мывкыдсö воштылiс да узълiс сыкёд гусьён. Став рöднялы кörба лоё, оз кё вай сiёс Петялён. А больничаас мунтöдз Петя кымынысь гижлiс: чужты по кагасö и пом! А воас да мый шуас?

Пöдругыслён гортас мунём бöрын Юрочкаös мамыс нёньёдис, водтöдис зыбкаö, чёлiника небыд гёллёсн мёдис баййöдлiны:

Баю, баю, баю, бай,  
Сёйлёмшöрой, унмовсъ вай.  
Зарни ёкмыль, муса пи,  
Тэнö радейтамö ми.

Мед бёр оз паляв унмовсъис кагаис, кок чунъяс йылас кухнясянъ пырис Катялён мамыс. Матыстчис зыбка дорö да копыртчомён видзöдлiс внук вылас.

— Синъясыс лызкийöдлöны, регыд унмовсис,— муртса кывмён вашкодiс олёмаджык нывбаба.

Эния-ныла виччысыштисы бытасыслыс унмовсёмсö и сiдз жё чёла, кок шытöг, петисны кухняö, пöдлыштисны бöрсяныс öдзöссö.

— Аски Микитлён том гозъяис лэччоны асланыс машинаён карса вичкоö кагасö пыртны, гашкö, тэ накöд тшöтш лэччылан? Юрочкаыдлы квайт тöльс тыри, колö пыртны. Вежай-вежаныс согласосьс,— мам сёрниын кылiс внук вöснавыс тöждысъом.— Пыртан кё вичкоас, спаситель батюшкоис да богородица матушкаис видзасны лёк йозыс и лёк кывыйыс.

— Ме сы йылысь эг на и думыштлы,— котшасо мыссян доз доро мунігмозыс вочавидзис Катя, көдзыд ванас котодыштіс кияссө, чапкис чужомас да чышкасигмоз помаліс сёрнисо.— Паптогыс ог на кө пыртё-а, локтас да мый сій шуас?

— Батыслы кага пыртны оз ков, вежай да вежань си вылө эмось,— арлыда нин ань төдөджык олёмсө да со и туйдөдө нывсө. Та дырии син гуранъясас сылон ёндышка төдчони черань vez кодь чукыръяс.

Катя кыліс сьоломнас мамыслысь внуқ вөснаыс төждысъомсө, но Петятогыс ас вөляссыс мыйкө вөчны эз лысът.

— Вай папсө виччысылам, сытог кө пыртам кагасо, шуасьны, гашкө, кутас?

— Оти здук радость, да нэмөвойся көрба — вот батьтом кага вайомыд,— дозмискодь мамыс да дивитыштіс нывсө.— Ки-коктө быттью мусук дорад көрталома, нем сытог он лысъты вөчны.

— Да ог и вөч. Шулоны тай: кутшом баба, сэтшом и слава. Ме көсся Петялы бур гөтырён лоны!— пыркнитіс кудрия юрсо Катя.

— Мед жо тэнад вомсян да Енлы пеляс,— шуис мамыс.

Эня-ныла, гашкө, дыр на варовитісны, но пытшкос жырсян кыліс Юрочкалон дзердчом, и Катялы быт ковмис пырны кагасо буродны. Кудзалом рузумсө вежом борын кага бор унмовсис. Катя сэсса матыстчис стенын ёшалысь ыдкыд зеркалө водзө кудрия юрси пратьяссө лөсөдыштны. Зеркалосянь си вылө видзөдіс мичаник гөгрөс чужома гырысь лөз синъяса чангыльтчом ныра юмбыртчом вома, вылын мороса ныв. Зеркалө водзын Катя мыш-водзсө бергөдлыштіс, любуйтчыштіс аснас да вомгорулас артмис шуом: «Менамся бур да лөсъыд ныв Петялы оз сюр, мёдас кө, быттью, бөйрыссыны».

Юрочкалы нёнясигад мам йолыд медся на выниора вөлөма: быдмис визув, зумыд зонкаён. Регыд арөс тырё, а пошти эз и висьлы. Кок нин шеді, первой тапъяліс-ветлодліс лабич доро кутчысъомён, сэсса велаліс мыджсыытог мунны, дерт усялымыс уна жо вөлі.

— Папсө ас кокнас нин паныдалас,— нимкодясъо Катя.— Регыд по тай локтас, гортас виччысыони нин.

Вежон кольом борын підрогыас Катялы виссталіс: Петялд по төрьт локтому, виччыс по, локылас эня-пиаос видлыны. Та борын коли лун, мёд дай быдса вежон, а Юрик батылон нырыс Зотинъясын сізд и эз мыччысылы. Катя некымын рыт кильчо помас петаліс, йоз син сайын суалаліс, виччысис мусуксө, гусьбонкөн синвасо чышкаліс да эз төд мый вөчны. А Петя нарощио эз көсібы аддзодчыны Юрик мамкөд, пышъяліс. Отчыд лавкаын паныдасисны. Петя вина сулея ньобис да петіс ывлАО, Катя вөтчис си борся, но ывлАО понъясысь отдор некод нин эз вөв — пышйома керкаяс сайтыс.

Шулоны тай: гора гөракөд оз паныдась, а мортыд морткөд пыр нин вочаасыс. Вөлі кутшомкө праздник, том йоз чукөрён ветлодлісны грезд кузя, няръялісны-ворсісны гудёкөн да голькийисны частушкаяс.

Катялы сьоломыс төдома, көні вермас паныдасыны Петякөд. Мичаджыка пасьтасис да тшотш петіс улич вылө. Ывлаас вөлі рөмдө нин, но ныв ылісін на казяліс йоз чукөрсь салдат паськөма зонмөс. Сьоломыс тәрыбдажыка мёдіс тілкыны: «Петя» — сомын и петіс морос кудсыыс ышловзъом. Катя матыстчис йоктысъылышас доро, сибодчис мышсянныс мусук дорас, кыскыштіс сойдьыс.

— Петя, видза олан, чоломала гортад бор вөймө!

Салдат бергөдчис, төдіс нывсө да паськыда нюмъевтіс, быттью аддзисъомыслы зэв рад лои.

— А-а, Катерина, видза олан, кыдзи кагаыд быдмө?

— Петя, вай бокө кежыштлам, сёрни эм.

— Колокө, кежавлам,— зон дінись ёна кыліс вина дук, но сій зілис сулавны веськыда.

— Петя, ме кывлі, вежон сайын нин локтомуид.

— Так точно!

- Лавкаын эсъё паныдастьлім, да эгö слоймö сёрнитныс.  
— Так точно, ме тэрмаси!  
— Мый тэ, муса зон, рочасян, коми кывсо вунёдін?  
— Так точно, эг на!  
— Тэ талун гажакодь да верман-ö көть бура сёрнитныс?  
— Так точно, верма!  
— Господи, абу нин öд тэ салдатын,— терпенньёыс мёдіс бирны  
Катялён.

— Так точно, абу салдатын!— быд тадзи шуигён сувтліс «смирно»  
команда дырый моз. Морттö, тыдалö, прамоя бонзьёдёмны служитігас.

— Петя, менам съёлём потны мёдліс, письмоястö дугдін ыставны  
да. Мый лоис? Ачыд тай гижлін: локта по да мёд луннас и гётрасым,  
а оні ныртö он мыччёдлы, пышъялан, полан меясь биысь моз. Эн на  
весиг видзёдлы аслад кага вылö, сэтшом öд мичаник да мусаник,  
арёс нин тыри, мужик! Лок, ветлам миянö,— Катя шамыртчис ичотик  
кабыръяснас Петялы сояс, мёдіс йöz дінсыз кыскыны.

— Вола мёдысъджык... Шуоны: пиыд гёрд юра по... Ми тэкёд абу  
рыжойёс, а кытыс друг чужис сэтшомыс?

— Чужис тай! Сэтшомёс Енимыс сетёма. Эн падъяв, откодълуныс  
тэкёд уна жё, волан да видзёдлан гуг и бан.

— Видзёдла, дерт,— Петя вештіс руд синъяссö ныв вылысь, кутіс  
видзёдны муас, тупли нырнас гудйö туй вылысь лыасö.

— Муса зон, эн менё омольт, ме тэнад медводдза волі, ачыд тай  
сізд шулін, эн йозыслыс сёрёмсö кызвы, эски меным. Көсъян кё, Ен  
водзын шуа: эг веж тэнö некод вылö.

— Ладнö, вай мёдыс сёрнитам, талун праздник, коло гажёд-  
чины,— и Петя вештіс том йöz дорö.

Мёд луннас Катялён пöдругаыс, Лина, бара локтіс Зётиңъяссö,  
пыригас на вомыс шешъялö.

— Аддзыслід тай тöрүт Петялёнкёд, мый сёрнитід?— туплисö  
пöрччигмоз юасыны мёдіс гостя.— Ме том йöz чукорас жё волі да  
нарошнö эг матыстычы, мед ог торк сёрнинытö.

— Сёрнитім. Первой попугай моз «так точноасис», сэсся кори  
миянö волыны.

— А сiйö?

— Кёсайисис волыны... Бöрынджык по сомын...— Катя тёдіс  
Линалыс модасö: томантöг кутё кывлёмторсö, да эз и кут став  
сёрнисö висъставны.

— Эз и кутлы, эз и окышт тэнö?

— Мёдарö на, синъяссö дзебö.

— Господи! Мыйсама и зонъяс? Ылодласны ми кодьёмсö, а сэсся  
потём мач моз чужъясны,— дугдіс вашъяломуыс Лина.

— Мамыс сiйöс ме дорыс кёдзёдö. Петя волас писö видзёдлыны  
да, гашкё, вежсаяс йой руыс?— Катя лача на кутіс мусук вылас,  
мёвпнас и съёлёмнас виччысис зонлыс волём, эз кёсай эскины, мый  
сiйöс мач моз чужъясны.

— Тöрүт нывъяс водзын тшапитчö, сирасть Пашко Галя дорö,—  
стрёга артмис шуомыс Линалён.— Отиöс кёмёдіс, а сiйö мывкыдён  
и мёдöс эновтас.

— Эн сэтшома зонсö вид,— дорыны пондіс Катя.— Сiйö öд сомын  
на армиясь. Но, кутыштліс кодёскö... Мый сэні дурыс?

— Но, но, ог мёд сэсся. Синъяс сертиыд тöдчö: ёна сiйöс радейтан!

— Радейта, дерт.

— Но и бур. Кёні Юрочкаыд, вай ме сыкёд ворсышта?

— Сомын на водтöді, мед узыштас.

Та бöрын пöдругаыс бöр мунис гортас.

Петялён армиясь локтёмсянъ коли толысь, а сiйö эз тэрмасы  
волыны Зётиңъяссö писö видлыны. Катялён быри терпенньёыс  
виччысъёмсыыс, ачыс кёсайис пиысқöд Теренъяссö ветлыны, но поліс  
энъкапусыыс, ёсь кывъя да збой ныvbабаыс. Ковмис виччысъыны

бурджык помка. И сійё сюрис — пиыс мөдіс нёрпавны. Бать-мамсо зэ окотит нокас көвъявны, корис пöдругасö ветлыны Петясö да висставны пиыслён висьом йылысь.

Лун-мöд мысти Петя локтis Зётинъясö, кор Катялён бать-мамыс муномаось нин вöлi удж вылö. Петя вежома салдатас новлан пасъкомсö: сьод ной пальтоа, тöвся кынь ку шапкаа.

— Видза оланныд, козяева! — чоломасис.

— Козяеваыс... ми сомын Юрочкакöд, мукöдыс удж вылынöс. Локыв, локыв, муса морт, важён нин виччысям, — нюмъялёмён паныдаліс локтысъбс козяйка.

— Висьо по тай пиыд?

— Жарыс талун лэдзыштis, писти по вöлöма. Пыдi жырыын кийlö, — том мамлён вомыс радысла оз пöдласьлы. — Пöрччыс, пырам горничаас, видзöдлан.

Зон пöрччысис и бöр лои важкодыс, кутшомён тöдлiс сiйöс Катя армияас мунтöдз на: ыджыд тушаа, кузьмös чужёма, вöсныдик ныр улас быдмёма чепольё шедмён сьöдник ус, сомын руд синъясыс, мыйлакö, абу важ кодыс мелёс, а быттьё полёны веськыда ныв вылö видзöдомыс, гусясысылён кодьös. Зон руд костюмсыс кизъяссö разялiс, кёсийис пöрччыны, но мыйкö думыштis и эз пöрччыс.

Пыдi жырыын Юрик узис пасъкыд вольпась вылын. Шебрассö вывсыыс шыбитöма, ки-кокыс күш. Петя копыртчомён дыр видзöдiс ичötик морт вылö, сэсся веськöдчис да шуис:

— Ноко, садымöдлы.

— Муса пи, сьёлёмшöр, папыд локтis, восьты синъястö, вай кекёястö, — Катя небыдика инмöдчылiс кага сойö, пальбöдiс писö. Ичöt морт восьтis синъяссö, нюжмасыштis, сэсся чургöдiс кияссö мамыслы. Мамыс небыдика топöдiс кагаöс киняулöдys да матыстiс морöс бердас.

— Юрочка, муса пи, зарнитор, видзöдлы пап вылад, то сiйö суалö кутшом ыджыд да ён, локтöма тэнö видлыны, — нимкодьпрысъ шуалiс том мам. — Слава Богу! Локтis миянö, гажтöмтчома тэис, од эз на чужёмсяныд аддзыв, любитыштыны тэнö кёсий.

— Но, мужик рöд, локыв, инё, ме ордö, — Петя чургöдiс кияссö кагаöс босьтöм могыс, но мёдис ёндыхыка топöдchис мам дорас да дзебис чужёмсö.

— Первойыс на аддзö да отдортö, — правдайтchис Катя. — Тшöкыддыхыка кё мёдан волывлыны — велалас, оз мёд повны.

— Пиыд ёндыхыка тэ вылö мунё, не ыштö ме вылö, — донъялiс кагасö Петя.

— Быдмас, быдлатi на вермас вежсыны: юрсыыс еждöдны, карой синмыс — рудёдны.

— Ог тöд, ме абу тун, — пыркнитiс юрнас Петя.

Катя лэдзис кисыыс кагасö джоджö, мёдис кытшиля кокъяснас тапсöдiс öшинь дорö, чачаяс дiнас. Том ныvbaba матыстchис зон дорö, сывыйштis мусуксö сылiöдys, вильыша мёдiс видзöдны сылы синъясас да сьёлёмсянны петись кывъяс кутiс вашкöдны.

— Кылiс Енмыс менсым кевмёмös, вайöдiс тэнö, муса зонмös, миянö. Ме ёна нин гажтöмтчи, быдвой на тэнö бöталi, чöссыд вомдоръястö окала. Виччысöмла рытъяснас кымынысö и петала жö кильчö помö, гашкö, мися, локтiн да виччысян. А тэ, муса зон, век абу и абу. Мый тэкöд лоис, кодi тэнö ме дорыс кёдзöдö? Ачыд шуин письмöад: локта по да мёд луннас и гётрасын. Вежин кытö, дугдiн, тыдалö, менё радейтны? Йöзыс висьталiсны: колльöдчан по Пашко Галякöд.

— Катерина, веськыда тэныд висьтала: миян дружитöмсянь кадыс уна коли и мёд ногдыхыка кутi олём вылас видзöдны, — Петя мунтöдchис ныв сывыйыс, вешийштis бокö. — Сьёлём оз кёсий проститны Аркадийыдкöд ветлöмись. Сiйö горд юра, пиыд чужис горд юра жö.

— Йой, ме ёд сыкод аддзысылывлі тэёдз на, а борынас сэсся менам некод эз вёв. И тэ ачыд тёдан... Ме ныв на волі...

— Армияо муном борын по сыкод, ноксымыд и.

— Вот крест!— том мам пернапасасис.— Поръяся кё, мед Енмыс көтү кызды мыждас менё.

— Катерина, кора тэнг гёгрвоны, гётрасыны тэ вылø ог вермы. Аракша улын куйлём бабайд по тэныид абу пара — шюй мам.

— Тэ эскан бызгомыслы?

— Мамоэ эскодны ог вермы, мый тэ гректом.

— Көсъян эновтны миянос, Пашко Галя вылø гётрасян?

— Ог на тёд, но эм ётиор, мый серти вермам тёдмавны пыылдысь рёдствосё.

— Мый сэтшомыс?

— Коло каро леччывны, сетны анализъяс, мед тёдмалоны, лёсляйны-ё батыскод пыылён генъясы.

Катя лапийдліс синъяссö, көсийис вежортны, кутшом генъяс йылысь сёрнитö зонмыс, сэсся борындыхык гёгрвоис жо да шуис:

— Коди нин татшом йойталана мёвпсö юр вежорад тувъяліс? Татшом кёдзыднас мёда тай зарни пиос кынтауны!— дозмис Катя. — Мед, инё, висьмас? Эг на йоймы!

Юрочкалён чачаяснас ворссыма да бёр варгыльтіс мам дорас, кутіс вөйысыны моздорас, тыдало, кыномыс сюмзьома.

— Пыыл пажнайтын кёсий, ог мёд мешайтын, муна сэсся,— мёдіс пасьтасыны зон, порог доро сувтліс да сэтысян нин шыасис:— Аяпиалён кё ёткөдьось лоёны генъясыс, миян гётрасыом вылø мам, гашкё, и согласитчас. Мёвпышты та йылысь, Катерина...

— Петя, ме тэ вылø пыр на лача куті да он жо эновт миянос. Кагаанас ёд тэнад тшоктомён лои. Көтү шочиника, волывлы жо видлыныд, Юрочкалёт гажтотчам ёд,— Катялён син доръясыс вазисны, тыдало, съёломуыс кыліс: мусукыскод водзö аддзысылытом лоё.

Вочавидзом пыдди Петя гогнитіс юрнас, кимёдзнас лап-лап керис Юрочкалы и саяліс ёдзосёд.

Генъяс больничаын тёдмаломыс Катяос дзиқодз шого уськодіс. Петялён да Юрочкалён генъясыс, дерт, некызд оз мёдны лёсияны. Сідзкё, гётрасыом йылысь нином и мёвпавны, но волі нөшта ѿти петан туй, коди вермис артмом мытшёдсö, зэлыда корталом гёрдесö разъны.

Роддомас куйлігөн на Катя тёдмасыліс кага чужтысь нывкод. Ертасылі по зонкод, гажётчим-узылім отлаын, а съектом борын сыкод янсалім. Висьталіс, көні олө зонмыс, обликсо висьталіс...

Гёрдесö разъом могысь и вөйысис Катя бать-мамыслысь, ветлыны по могён коло Ниашор сиктö, а мыила? Эз висьтав. Ныв висьталом серти Катя ёдй аддзис колана керкаас. Посвоздзас пыром борын мёдіс кывны керкаас гудёкөн ворсом шы. Ныв тотшкодчыштис ёдзосас да восьтом борас юаліс:

— Позьё тіянö пыравны?

Жыръяс, пызан дорын пукалісны кык том мужичой. Ётиыс ар комына, гудёкөн няжгис-ворсіс. Пёсялёма, пукаліс майка кежсыыс, моросыс подушка кодь, кыз соясыс вевттысыомаось читкыля съёд гёнён. Юр чукус күш, быттөй ыргон таз. Мёдис, чужём вылас, кызысыс жо нин петом зон, пукаліс пызан дорас да панясис. Ныр улас усторыс, синкымыс, юрсиыс пёрөдом пожёмлон шонді водзын косьмом лыс кодь.

Люся, кодкод и куйлісны отлаын больничаас, лочки висьтавліс, кутшом облика волома сылон укажорыс — рыжой Ёльшыс да Катя эсек сорсытот шуис: «Тайё!»

— Милости просим, красавица, а гашкё, «Графиня де Монсоро», а гашкё, «Королева Марго», а гашкё, «Просто Мария»,— кинофильмъясысь да сериалъясысь босьтом нимъясон, рока-комиён

ыдждöдліс пызан дорын пукалысь гудöка мужичойыс да рочалыштис:— Мы к вашим услугам!?

— Эдик, эн киқимеритчи, повзöдан гöстясö. Локтöй, сибöдчöй матöджык, пыринныд кö, гöстяён лоанныд,— вомаліс ёртсö Ольёксей да корис Катяös пуксыны.

— Ме, эсько, эг гöститны лок, мoga, но абу, тыдалö, колана часö татчö пырсöёма, тиян со кутшöмкö праздник,— Катя видзöдліс пызан вылас, кöні сулалісны кык тыртöм вина сүлея да кутшöмсюрö сёянтер.

— Абу праздник. Эдикос со колльöда карö. А тиян кутшöм ме динö могныд? Ме абу код, верманыд висьтавны, юавны...

— Ме кöсий, эсько, сёрнитышты тиянкöд,— Катя збоймыштис, матыстчис пызан дорö, пуксис.— Позъю кö, ас костын.

— Свидетельтöг тайö шусьö,— Эдик бара мёдліс ышмыны, но казяліс кöзяиниыслыс дöзмöмён видзöдлёмсö да чужёмсö бергöдіс öшиньлань.

— Эдик, тэд, зонмö, сёрнитігкості ковмас ыркöдчышты ывлайын,— индіс чуньнас öдзöсö Ольöш.

Эдик чеччис, синмалыштис томджык ёртсö да петігас нин кыдъярочаліс:

— Вам достаточно час джын, а сэсся бёр пыра. Ывлаас кöдзыд.

Эдик петöм бöрын зон чышкыштис посялём ныр-вомсö, судзöдіс пызан помыс папирос пачка, öтиöс тойыштис гöрд ус улас, би чуткис. Лöз тшын вомсыс пуркнитöм бöрын дорыйштис ывлАО петöм ёртсö:

— Эдик абу омоль морт, но юыштöмё ышмывлö. Миян грездö во куим-ö-нель сайын локтис, кор ю вомён бетон пос вöчисны, уджаліс ош моз, уна сьём кöсийис нажöвитны, сэсся тöдмасис танi öти нывкöд да зять пыдди пырис на ордö овны. Мортыс сяма, быдтор вöчас, уджач и. Во бöрын аслыныс выль керка лэптисны. Со берег дорас сулалö. Пывсян вöчис, юсян труба пыр моторён васö керкаас и пывсянас качайтö. Кöсийис вужъясöмён овмöдчыны, но пос вöчомыс помасис, удж эз ло, совхоз киссис, нажётка некытыс оз во. Гöтырыскöд деньга вöсна эз мёдны ладмыны. Вот и кöсий лэччыны карö пöрыс бать-мам дорас. Нажöвитлöм сьёмсö ставсö сбербанкыс босьтöма и коймöд лун нин кодалö. Гöтырыс вöтлöма гортсыс да миянын узълö. Мыйлакö оз вермы карас лэччыны, тыдалö, жаль гöтырсö кольны, кöть челядьыс и абу.

Катя кызвіс зонлыс лабутнöя висьтасьöмсö и силы кутіс ка-житчыны, быттö сiйöс важысянъ тöдö: сьёлём сертиыс зонлон сёрнитанногыс, олём да войтыр вылö видзöдласыс да сыкöд, тöдтöм морткöд, тадзи, кытшлавтöг варовитомыс. Том морт прамёя ёртыскöд даръясöма, но зiлис кутчысыны том ныvbaba водзын веськыда, мывкыдсö вoштавтöг.

— Мый нö пыр на ме висьтася,— кватитчис сэсся сiйö да чигарка помсö табак пöим дозёй зульбöдис:— Ме весиг нимтö на тиянлыс ог тöд. Вайö, либö, тöдмасям. Ме — Ольöш.

— А ме Катя. Сöдзьёль керöсись.

— Тöда сикттö, дас вит кымын верст лоö. Нимыд, инö, Екатерина, мича ним пуктылёмны бать-мамныд.

— Гортын Катеринаён шуöны.

— Но, висьтася, инö, кутшöм мог сусис татшöм мича нылöс рыхёй Ольöш дорö, кыдзи менö ыдждöдлöны кодсюрö.

— Кыдзи тi тöдмасинныд Люсяыдкöд?— веськыда юаліс ныв.

— Кытыс тi тöданныд Люсясö?— вочавидзöм пыдди юаліс зон.

— Отлаын больничайын куйлiм.

— Дивö тай. Пачыс сомын на кысём тупöс көдь ныв и друг висьмёма. Абу жö од лёк висьом көвъялёма?

— Абу.

— Но и слава богу! А тöдмасим ми танi, пос вöчигас. Мостостройлон автобус ветліс райцентрсаянъ, а танi том йöзыс вöлi уна, вот и

велалёмны вит-ё-квайт нын быд субёта войколён волыны татчö. Сэки жё ме и тёдмаси Люсякёд. Во кымын дружитим. Пос вёчомыс помасис и дружба миян Люсякёд ори. Во сайё нин нырсо оз петкёдлы, воши кытчёкё. А райцентрысыс адрессо сыйлыс' ог тёд. Оні ти висътасьой, кыдзи-мый сий ол?

— Ог тёд, кысянь и панны сёрнисо,— вочавидзис Катя.

— А ти бёрсянныс пано сёрнито, кыв көртёдеяныс,— Ольёш бара босытис папирор да сізд жё гулсикс горд ус улас.

— Бёрсянныс кё и бёрсянныс,— довкнитис юрнас Катя да веськыда видбёдліс зонлы синъясас.— Ме тэнсызд кагато быдта. Арёс нин лоё.

Пызан дорын пукалысылён весиг кисыс истёгыс уси. Зон быттёй кынмыліс места вылас, гипнозис моз киыс ёшиыліс сынодас, син гёптас видбёдласыс вежліс рёмсө, чужомыс горд нин винасыс волі, да нёшта на гордодіс, мыкставны кутіс.

— К-кыдзи к-кага? Шуисны кё оні, мый Комиын аски лоё землетрясение, ме, эсько, эски, көть сэтшом дивоыс тані некор на абу вёвлома, но кывны дзик тёдтөм аньсянь татшомтор? Вежёро оз пуксыны татшом юорыд! Тэ нё мый? Он-о сёйм кёсий пычкыны менсым?

— Сізди тай артмис, мый тэнсызд кагато ме быдта,— мёдись сточмёдіс нын.

— Энло, нином ог гёгорво, юорсызд мено со ставнас посьёдіс. Он-о ти мено мёдкод сорлало?

Нем виччысытём юорсыс коркө том морт сайкаліс жё да выльись юаліс:

— Кыдзи ме батьнас лои, висътало көть вай?

— Кагасо вайис Люсяйд, но сий сылы волом оз ков. Эновтіс. Ме чужті жё, но шой. Фермаын ѡш дойдліс да кості веськалі больничаас, толыс кыкён водзджык... Но вот... Меным коло волі кагаыс да босыті... Со и быдта тэнсызд питортё... Зэв шань да визув...

— А месянь күтшом отсёг коло? — оні нин тёждёнмоз юаліс Ольёш.

— Волы миянёт питё видлыны да менам жёникпұлы юорт, мыйла менам кагалён юрсыс горд. Отдортіс миянёт, коло по генъяссот тёдмавны, откодбёс-ё сыйкёд...

— Вот немортыд! Аски жё вола, талун гажакодь да ог некытчо вёрзы. Бать-мам локтасны да накод тиштеш коло тайо бур юрнас юксыны и.

Катя муном борын Эдик пырис керкаас, шешъялёт, вомыс пельясодзыс.

— Но мый?

— Пуд вый! — Ольёш эз кёсий больгыны ёртыскод кывлом юорывсыс. Сэки од вежон на нёшта гортас оз путьмы ләччыны.

— Синъясад би и чужомыд гордодома! Мый красавицаис висъталіс? — Эдиклы телепит волі тёдмавны нывкод сёрнисо.

— Аддзысылёма больничаын Люсякёд да сийос и висъталіс. Висьо по. Аски муна видлыны,— поръявліс гажа мортос Ольёш.— А тэ вай жё ләччы талун гортад. Автобусыс регыд воас...

Аскинас Катя лунтыр виччысис Ольёш: оти ёшинсян мёдө уськодчылас, дзоргө мир туй вывті ветлыс йоз вылёт, но зонмыд сіздээз и лок. Катя сьёлёмнас дзикодз уси, войнас омоля узис да пыктём синъясон и аддзис шонді петомсө. Мамыс пыр и казяліс нылыслыс майшасьом-дзуглясьюмсө да юаліс:

— Тэ, ныланёт, эн-о висьмы?

— Туй вылас тёнлун яя пирёг ньоблі да войбыд кынём гудрасис,— ылодліс мамсө нылыс.

Катя эз кёсий Ниашор сиктө ветлёмсө висътавны. Кадён по ачыс ставыс явё петас, а сыйодзыс ниномла войпныс.

Мёд луннас, муртса югдіс да Катялён бать-мамыс артелью мунісны уджавны, регыд локтіс и Ольёш.

— Юасьомён аддзи керкато,— висъталіс гость,— кык нын па-

ныңасында налысъ юалі, мися, көні Зётин Катериналён керкасы? Юалёны, тә пö коді, мися, ме Юрикыслон бать. Нывъяс первойсö шай-паймунлісны, сэсся тай қызды мöдісны гöрдлұны-серавны, қымын пö сылён батыс? Ме ногён, öшибка вöчи, эз ков висътасьны батьён.

— Мед, съёрвнö вед қывласны, грездад быд пу пеля. Талун и кутасны нин бызғыны: Юралён пö мöд бать аддзысьома. Но и мед, корам Петяös да тә ставсö сылы висъталан.

Грэдса челядь съорысь юёр Катя қыкысь Петялы мöдöдліс, мед локылас Зётин ордö, но мöдыс ыстысъома эштытöм вылö. Челядь висъталом серти, жöникпүыс горт гöгöрыс пö шландайтö, кöть нином пö эштытöм уджсо оз аддзы.

Сидзи и бёр ковмис лæччыны Öльюшлы гортас рытъя автобуснас. Кёсисе волыны суботаö, бать-мамыс кö вörö песла оз мöдöдны.

Аскинас Катялён пöдругаыс лысътысъом бöрас бара локтis Зётинъясо, пыргомозыс и окайтны да акайтны мöдіс, лысътысъысъяс по миян шензыныс оз вермыны, кодыр тэ вевъяломуид мöд сиктса гöрд юра зонсо крукышты? А мамыс пö Петялён лавка шöрын кокнас зымöдö джоджас да горзö: Катя пö быд гача бöрысь вётлысис, а миян зöлötä пи вылö пö чуркасö мöдліс вожöдны. Ачым пö ме медвозд казаял: абу сылён пыыс. Терень рöйтö пö он на ылöдлы, то пö налы,— кучкис пö кыз сітанас.

Ичöтик сиктад олomyд тай сэтшöм: öтар сикт помас кö кодкö несъяс, мöдар помас кылö нин.

Зётин Катя пилён мöд бать локтöмыс вöлі бомба потöм кодь. Қык нывбаба кö уличын паныдасясны, сы йылысь и варғоны, быдён ас ногыс лоёмторсö донъялö да ассяныс на мыйсюрö содталö. Эз, дерт, кытшолён ордйöд татшöм юёрис и Катялысъ бать-мамсö. Рытнас найö локтисны удж вылысь зумыш чужöмаöс да стрöг видзöдлласаöс. Ужын бöрын и панис мамыс сёрнисс.

— Ми тэнö, ныланö, ичöтсиян быдтимö лоны кывзысъысъон, яндисъысъон, овны пöръясътöг да не аснырасыны, ыдкыдöс и ичöтöс пыдди пуктыны, йöз водзын не ышнясны да вылö не пуксыны, бать-мамлышы пример босътны. Тэд, муса ныв, таво кызь арös тырис да эн сöмын ай-мамтö пöрёйдлы, но и став бур йöз водзас янöдін. Первой нöбасъётö йöзысъ дзеблалін, сэсся висъом уло лæдчысис, больничаö водін, а сэтысъ моздорад гортö кага вайин. Первой батьнас шуин Терень Петяös, а талун қывлім: батьыс дзик мöд вöлöма. Висъстав, ноко, ныланö, қызды тайös бать-мамыдлы гöгöрвоны?

— Сидж жö, қызды эм. Батыс Öльюксей, коді талун воліс миянö,— чуклясътöг, веськыда висъталіс Катя.

— А мамыс? — водзö скóраліс олöма ань.

— А мамыс — ме.

— Не зра Тереника лавка шöрын горзöма: Зётин рöд пö — страмина рöд, зöлötä пиös пö чуть эз страмитны!

— Сиё эсъко ачыс Тереникаыс сітöсъ бёжа мöс кодь,— дорыйштис нывсö батыс.— Клессысъо қывнас öтарö-мöдарö. Оз кёсий казаяны, мый аслыс синмас майöг пырёма. Йöзыс од эз на вунöдны, қызды верöсис гётрасъом бöрас нин бабаяс бöрся қыскасис да бокö колис қык чуркаös. А Тереникаыс дитя жö вайлöма верös саяс мунтöдз на. Пыр вот кулöма, а эсъко қык батысъ жö семьяс челядьыс вölісны.

— Ме ог шу, мый Терень гозъя гректöмös, а яндзим сыясь, мый муса нылыд қык мужик вылö лача кутлöма,— вомаліс верöссö мамыс.— Öтиыс кö оз вай, мöдислы позьö уськöдчыны сывъяс.

— Мам, шуан жö нем абусö,— дöзмис татчö Катя.— Петяös ме радайта, сы вöсна и пелкся-вийся, мед ме вылö гётрасъ.

— А этiйö, коді талун волöма? — некызд эз инасъ сёлöмис мамыслон.

— Öльюксейсö ме мöдисъ на сöмын аддзылі. Войдёрлун да талун.

— Нем ог гётрво,— пыркнитіс юрнас олöма нывбаба,— лючки висъстав, қытысъ тэ сiйös тöдан.

— Регыд ставыс лоö кымörtöм лунö моз ясыд! — эскöдны кöсийс ай-мамсö нылыс. — Мöд субöтаö бара волас да тi асынды ставсö юастьö, а сыöдз ме нем ог висьтав.

Вой саридзянь ёна нин кылïс кöдзыд лов шыыс, корсюрö лымъялïс, но талун асывсянь енэжыс вöлi мича, шондïа дай ывлаыс ульдöма. Катя пуксöдис писö кöляскаö и мир туй вывтi мöдöдчисны Терень Петяяс керкалань, думнас кöсийс аддзöдлыны мусуксоö да ставсö сылы висьтавны, кытыс друг лои мöд батьыс? Терень керка öшинь увтi кöляска мам ветлïс öтарö-мöдарö, гашкö, дасысь, но зонмös сiдз эз и аддзыв. Кылïс эсъкö лäбулас черён керасьом шы, но вермис сэнлионы и Терень дядь, Петялон батьыс.

Оти керка сайсянь быльс-петис туй вылö Пашко Галя, тыдалö, аддзылöма Катялысь каганас ветлöдлöмсö да нарошнö лöсъöдчома сылы паныд.

— Тэ, Зöтин Катя, кык бана шаньга: кырсалöмыд кутшöмкö рыхжöй зонкöд, а чуркатö гижöдны кöсъян Терень Петялы, оз удайтчы! — пырмуннigмоз ярскöба шуис паныдастьис ныв, быттьö помой ва койыштis Катялы чужöмас. — Петяис со менö коралö, а тэ колян эндöм бöбылькайö!

Катялон паськыд вома Галя вылö пузылïс вирыс, кöсийс шуны зэв дойдана воча кыв, но думыштis: чоколайка нылыдлы поö шуöмьд оз мörччи да пиняссö мурч курччöмён, нем шыавтöг мунис ныв бокти.

Субöтаö Öльöш локтis обедöдз на, вайис пиыслы юмовторъяс, кутшöмсюрö чача. Бать-мамыс талун Катялон нарошнö уджавны эз мунны, виччысисны Юрикльсь батьсö.

Öльökсей пырис керкаас, здоровайтchis быдönкöд, сэсся матыстchis джоджын суалысь пи дорас, босытis моздорас да зэв гажаа юалis:

— Но, муса пи, кыдзи олiн-вылïн колян вежонсö?

— Зэв бура, шу, — пи пыддиис вочавидзис Катя да видзöдлïс ай-мам вылас, мый найö содтасны.

— Вот и бур, кывзысыны колоö пöль-пöчыдлысь, сэсся мамыдлысь, но и менсым, кыдзи батьлысь, — Öльöш зэв гажаа серöктis.

— Öльökсейён, буракö, тiянöс шуöны, — ылысянь сёрни панис мамыс, — кытыс асынды лоанныд?

— Тасянь абу ылын, Ниашор сиктыс, кытчö тай бетонись ю вомён пос вöчисны.

— Тöдам, — юрнас гогнитis батьыс, — суседъяс на лоамö.

— Тiян mestаясыд меным кажитчисны жö, но миян сиктыс ю дорын да нöшта нин гажа. Шондï петiгас да пуксигас кö юсайса парма вылö видзöдан, чайтан: кутшöмкö майдын олан, — ошыйсыны пондис гöсть.

— Но, сiйö мед, — сёрнисö торкёмкодь артмис мамыслöн, — тэ, муса пи, висьтав миянлы, кыдзи тэнад кагайдлы мамён лои менам ныв?

— Ме ачым си йылысь тöдмалi вежон сайын на сöмьин, кор Катеринаыд волис миянö, — зэв прöстöя артмис висьталöмыс гöстьлöн, быттьö быд лунъя удж йылысь сёрнитis. — А сыöдз ме нывтö эг аддзывлы...

Катя зэв тэрыба писö пасьтöдис и ывлаö петiгмозыс шуис:

— Ми ывлаас гуляйтыштам, а тi сёрнитö.

Бöрсö Катя пырис час кымын ветлöм мысти и пыр жö казялïс бать-мамыслысь вежсöймсö, синъясыс ворсöдчисны, вомъясыс кутисны пычкысысь нюмсö, а чужöмъясыс ыпъялïсны радлунён.

— Ми öni ставсö тöдам, муса ныв, водзвыv кö мам-батьыдкod юксин лöймторнас, Тереникаыдлы эсъкö лавка шöрас немтор йылысь вöлi горзынысö, — асысö дорыйштöмкодь вöлi мам шöомас, сэсся ачыс и босытis Юрочкаоб ныв моздорссыс, мый водзтi гежöда вöчлïс.

— Ме кöсий тасянь янöдыштны Петяöс, а артмис мöдарö, — веськыда висьталis Катя.

— Питё Ольёксеј кёсёй гортас нүёдны,— ныв дорас шыасис батысы пызан вылыс папирос босытігмоз,— мый тэ, Катерина, шуан? Петяылды сій со оз ков!

— Энлө, кызды нё сіздзи? Арёса дитяös мам дорыс торйёдны?— паныд сувтіс Катя.— Гашкө, Петякөд öти кывиö на воам?

— Ме сізд жё чайта, вайо нöшта виччысылам. Вежон-мёд бöрын бара вола, сэтчöдз, гашкө, гудырмылём вайс бöр сöдзас.

Ольёш шуомён ставыс согласитчисны.

Öні ставыс вöлі Петя сайын, сяммас-ö сійö Катялыс сьёлём дойсö кывны да бöр восытыны нитшсявны мёдлём радейтчомсö?

Ольёксеј волёмсянъ лун-мёд кольём бöрын дас ароса юр вундись кодь зонка, Зётинлён суседыс, вайис Катялы Петясянъ гижёдтор, кёni вöлі пасиёма сöмын некымын кыв:

«Нöшта кё локтас, зонъяскöд зульёдам! Нином менё янёдны!» Гижёд помас абу некутшом кырымпас. Ольёксејос повзьёдны кёсийис тадзи Терень Петя. Сідзкө, сійö абу на дзикöдз эновтчома Катялыс.

Катя ыстіс тшотш зонка сьöрыс татшом гижёд: «Пётр Терентьевич, запискатö вайисны, но Ольёксејис ниномён тэ водзын абу мыжа, медым сійös зульёдны. Эм кё нöшта ме дорö кутшöмкö посылун, ыкшалунтö шыбит, локыв ме дорö и ставсö тэныд Енлы моз висытала. Ме век на сэтшом, кутшöмös коркö первоысытö окавлін. Мёд суботаö Ольёксеј бара локтас, колё сæk кежлö думыштлыны, кольёдны-ö Юрочкäös ас дорö али сетны батыслы нуны гортас. Öні нин кёсийис нуны, но ме шуи, мися, вай нöрөйтламö, тэкöд сёрнитам да вöлисти артмас, кызды мый? Ме тэнö важ моз на радейта, кёть и гётрасян пö мёд вылö. Катя.»

Водзёссо Петя бара ыстома гижёдтор, öні ыджыдджыкös нин. «Ме тэныд эсқыл, а босытін да пöрйёдлін. Отчыд кё пöръялан, мёдись тэд оз эсқыны. Питё сетан, кызды гижан, «батыслы» али он — сійö тэнад делö. Ме тэкöд орода ставсö, мый миянös коркö йитліс. Пётр.»

Кызды и кёсийис Ольёксеј, коймёдись локтіс стöч субота асылö медводдза автобуснас. Гортас сусис на Катялыс бать-мамсö, кодъяс вöлі лöсъöдчöны мунны кык вöлён аслыныс турунла. Том морт оқыштіс узысь пысылыс небыдик чужёмсö да пыр и корис: вай пö ми кык мужик турунлаыд ветламö, а мамыд шойччас. Мамыс мёдліс жё пыксыны, но батыс лои Ольёш дор, кык мужик пö öдйёджык эштамö.

Рытнас локтісны сёрён нин, рейсöвой автобусыс мунома нин вöлі, да батыс шуис:

— Аски выкоднöй, абу уджалан лун. Войсö миянын узьёй, мёд лун ләччанын.

Ольёшлы лои сетчины, радöссе лоины и эня-ныла. Рытнас ужнайтігön мамыс ләптіс мужикъяслы аскур штöп.

Катя войнас ывлАО петаліс и аслас синъяслы эз эсқы: кухняс пукалісны лöz тшын пыын кык мужик да гусьоник килькийисны-сералісны, а самöкур дозыс вöлі куш.

Бöскресенниöнас гöсть рытöдзыс на эз мун. Лёбулас машина пес коркö арнас вайлёмны да öнöдз на вöлі поткёдлыштöм. Том морт татшöмтортö эз терпит, некодлысююасьтöг поткёдчан чер аддзис да обедöдз школкайис-поткёдліс став пессö.

Рытнас зон муном бöрын батыс шуис:

— Уджач зон, оз ков, небось, тшöктöм, ачыс уджсö аддзö. Бур и верös кодлыкö лои, бабаыс нэмсö мёдас красуйтчыны.

Та бöрын сэссе кымынсы и воліс Ольёксеј, некод эз куж висытавны. Быд пöрйö вайліс пысылы юмоттор, чача, а мамыслы, Катялы, то юр көртöд, то вом дор мичмёдантор, то дуки. Некод эз чайтлы, гадайтлы, мый гöрд Ольёш лои Зётин рöдын ас мортон. Коркö, Выль во бöрын нин, кор луныс мёдіс нюжавны да лов шыыс кыліс нин тулыслöн, Ольёксеј шуис Катялы:

— Воан суботаö ми вежай-вежанькöд корасыны локтамö, лöсъöдчы.

Катя дзик пырсö нем ээ шу, сёмын нюмъёттис да зэв вильыш синъясон видзодлëс зон вылö, сэсся дыр мысът вёлись шуыштис:

— Кыздзи бать-мам шуасны.

А рытнас бать-мамыс юалисны нылыслысь:

— Кыздзи тэ ачыд, радейтан-ё водзö Петятö?

— Сыкёд ставыс ори и бурасьом вылö надеяыс абу. Локтёмсяныс сизим тёлысь коли, а сийötötti отчыд убёлиттis волыны. Пашко Галляёс по коралё, кёсёй сы вылö гётрасьны,— веськодя шуис Катя.— Ольёксей дорö ме велалi да, чайта, бурджык верёс не корсыны.

— Правильнö вочан, петан кё Ольёксей сайё, мортис, тыдалё, шань, абу ыджыдö пуксысь дай челядьös радейтö,— ошкыны мёдис зятыпсö мамыс.— А дыш рёдсö, дыгыд рёдсö да пеж вомаяссö вунёд, Терень Петырыд абу тэнэдара. Армиясыс локтис да пыр на тёв чужъялö, некёнi оз уджав, сэтшом верёс дорад тшыглы кулан.

Суботаё, лун шёр гёгёр, журкнитисны Зётина ёшина улодз куим легкёвой автомашина — сватъясыс. Порог вуджом борын локтысьяс пернапасасисны, и вежайыс шуис:

— Локтимё ньобасьны, тиян по тай дона тёвар эм.

— Тёварыс эм, кызь во нин дасьтамё вузёс вылö, но ёд лёсялёт-о ньобасьысьясылы,— вочавидзис пызан дорсян Катялён вежайыс, коди тёдёмён локтис Зётина.

Сватъясоц корисны пёрччысыны да пуксявны пызан дорö. Вузасьом-ньюбасьом пансис. Ольёксейкёд локтёма тшётш Эдик, карас лэччылёма, вежон олёма бать-мам ордас да гажтёмысла бёр локтёма гётыр дорас. Онi олёны по гозъя лючки да шаня. Карсыыс локтём борын Эдик том йёзысь котыртёма вёр пёрдьысь бригада, Ольёшс босьтёма вежьысь пыдди.

Невестаёс вузалём-ньюбалём мунис кызджо дзуртёмёнмоз да гажтёма, сэсся, пызан вылö кор лэпталисны фольгаён юрсö гартом шампанской сулея, самокур дозъяс, шаньгаяс, пирогъяс, черинянь — вёлись гажаджыка кутис мунны сёрниыс, кыптис серам-гаж.

Гажмыштём сватъясыд важ обычай вылö видзёттöг Ольёксейс корисны невестасоц окыштыны, мед по лоё чорыдджыка йитёма корасьомсö да невестасыслён соглас сетёмсö. Свадьбасö шуисны ворсны нывбабаяслён праздник вечерняё — март 7 лунё.

Сийёт жё луннас кывлёма корасьомсö Терень Петя, но оз тёд, согласитчис-о Катя лоны сылон невестанас, да лун-мёд кольём борын ачыс локтис Зётино Катя дорё.

— Корасьысьяс по тай волёмын,— пыригмозыс и панис сёрнисё Петя.

— Кывлин кё — збыль, мый юасян сэсся? — зэв коса вочавидзис Катя, сьёлёмсъыс радейтчан биыс кёдзалёма нин да нем вёлi ворсёдчынысö вёвлём кавалерыскёд.

— Тэ соглас лоин? — пёрччис юрсъыс шапкасö, лэдччысис порогдорса уллöс вылö.

— Кык во тэнё армиясыд виччыси, воёмыдлы сизим тёлысь тыри да отчыд убёлиттis миянё пыравны, а онi юасян? Виччыси жёникоц моз, сьёлём потны вёлi кёсёй, дырджык кё письмотё оз вайны. Локтём борад кымын рыт кильчо вылын пукалi, лов шы пёдтёмён кок шытё кывзi.

— Ме эг тёд, мый кагаыс абу тэнад, — чукрёдлëс ныр-вомсö зон, — а менам кёнi? Тэ ёд гижлiн: абортсö по ог вёч?

— Вёлi и быри, ёгён тыри, — сидж жё стрёга вочавидзис Катя, водзё олёмисы сыкёд оз ло да ээ мёд яндысыны.

— Кулi али мый? — зон голёсисын кылыштис майшашьом.

— Сизим тёлыссыёс нин ёти асылö лыстысыгён ёш люкыштис. Сы борын лун-мёд нёрпалi и ковмис лэччыны больничао, куломаёс вайи. Гижин, эн по абортсö вёч, быдты по кагатё. Сэки больничаас Ольёксейлён пёдругаыс, Люся нима, кагасыыс ёткажитчис да ме и босьтi сыллыс ассым пыдди...

- Мыйла нө водзджыксо эн висътав,— күтіс майшасьны Петя.  
— Ме тэныд, зонмө, висътавны көсий и не ётчыд, но кывзін сөмын мамтö,— көрітіс зонмөс Катя.— Сизим толысьён ётчыд волін!  
— Дугдін менё радейтны?  
— Күтшом нин радейтчом тадзинадтö? Пашко Галяös по коралан, мый нöшта тэд колö?  
— Ме Галяös ог радейт, прёста сёрни. Эн пет гёрд юра Ёльёш саяс!  
— Киссьюм ватö бёр он курав,— Катялён синмас некутшом жальлун зон дорö эз тыдав дай събломыс забеднöысла волі ии тор кодь.

Пес моздорён ывлавысь пырис мамыс, зывёка видзёдліс kortом гость вылö. Мёдис гёйрвоис: зык пансытöдз колö мунны и петис.

- Мый сылы ковмома?— пач дорын кияссö шонтігмоз юаліс мамыс.

— Прёститны корö, эн по Ёльёксей саяс пет,— веськодыпрысь вочавидзис Катя ыджыд зеркалö водзын юрсыс бигуди перъялігмоз.

- Колі шуны: мамыд по миянöс мир пасьта янöдіс, сійös по тöдан он?

— Эг шу. Сöмын висъталі, мый Ёльёксей сайö пета.

— А сійö?

— Тэ пырин да пыр тай и мунис.

Свадьба кежло лöсъёдчом мунис кыкнан семьяс. Сур пуйсны, вийдісны аскур, ныvbабаяслы лавкаусы ньбалисны небыдик гёрд вина. Сватъясыс ю дорын олісны, чериыд пыр волі заптыштöма да свадьба кежлас юксыштисны и Зётинъяскöд. Яй да вай волі асланыс. Свадьбасö шуисны вочны кыклалын, медводз гажöдчасны ныв оланнин, сэссе став свитанас лëччасны рytнас жёник ордö, Ниашор сиктö.

Кыздзи и волі сёрнитчома, гостьяс Зётин ордö чукортчыны мёдісны асывсянъ, жёниксö да сылысь роднясö эз жö ков дыр виччысыны, бара журкнитисны Зётин ышинь улöдз некымын легкёвой машинаён. Свадьба вылад тёвъянсö и гожъян керкаас волі ломтöма, волі коні гажöдчыны. Пызанъяссö лöсъёдісны тёвъян керкаас, гостьяс тёрисны ставыныс.

Чоломалёмъяс да том гозъялы бурсиомъяс бёрын и заводитчис пирыс. Ю, сёй, кодлы мыйтöм колö.

Свадьбасы волі тыр гажын, кодыр керкаас пырисны куим том морт, шатласигтыр матыстчисны пызан дорö, коні пукалісны жёник да невеста.

— Тэ, вай чеччи менам мestaыс!— чургöдчом морёса зон индіс чуньнас жёник вылö, кывъясыс öдва артмалёны.

Керкаын ызгöмыс лёнис, коди шойёвошомён, коди повзьомён видзёдісны кытысько локтöм зонъяс вылö. Куим том мортис конкё юёмаоьс да локтöмаоьс свадьба вылö тешитчом ради али збыльыс кёсёны жёниклусы мestaос босытын?

— Теренъ Петыр, öвсы, тані öд свадьба. Юин кё, мун гортад, шойччи,— öлöдны пондісны гостьяс вельмом зонмös.

— Ог мун, ме кёсъя этiё мestaо пуксыны,— бара индіс чуньнас Ёльёксей вылö.

Мёд кык том мортис воліны гажаоьс жö, но найё кыв ни джын некодарö эз шуасьны, сулалісны Петякёд орччон.

— Ме кёсъя жёникнас лоны, Катякёд орччон пукавны,— педзис мesta вылас kortom «жёник».

— А тэ, любезнöй, тöдан-ö, коди сэні пукалö?— кыліс гёлосыс Эдиклён.

— Тöда, менам невеста, ме сы вылö армияодз нин кёсий гётрасьны,— долис ассыс Петя.

— Он тöд. Жёникискöд орччон пукалö красавица Антонелла,— Эдик шўмын кыліс шмонь.

— Кёдi?— Петялён синъясыс баргысисны Эдик вылö.

— Графиня де Монсоро,— серам сорён содтіс Эдик.  
— Күтшом ешё графиня?— нем гёйрөвтөг пельпомъяссö лэп-  
тышліс «жёник».

— Но, абу кё графиня, сідзкё, королева Марго.

— Абу тані некутшом Марго, а ме кёсъя Катерина дорö  
пуксыны,— Петя збыльысь кутіс вештавны кияснас пызан сайын  
пукалысъяссоц.

Эдиклысь шмоньсö свадьбуйтысьяс гёйрөвоисны да мёдісны се-  
равны.

— Абу кё тані королева Марго, эм, сідзкё, царица Екатерина  
треття,— Эдик оні наян зон вылын гы-гы-ОН сераліс.— А царицаös  
трон вылысь вёрзьбодны оз позь, орчён пукалысъыс сылон слуга —  
Ниашор сиктысь медся сюсь да шань зон Алексей Гаврилович.

— Ме сийё местаö кёсъя, лэдзö менё!— оні нин ышмём зонмыд  
да винанас этшсö воштöмайд збыльысь грözитчис пырны Ёльёш дорö.

— Тэнад местаыд, «жёник»... Ноко, зонъяс, тодмышкалö тайояссоц,  
ылалёмны керканас,— Эдик макнитіс сыкод локтысь зонъяслы, и  
вит-ö-квайт том морт звирикнитісны пызан сайысь, кватитісны сой-  
бордъяссоц кортöм гёстяяссоц да кильчö вывсянныс гири-люки то-  
йыштісны тола пио.

Рытнас, кор керкасын öзийисны нин лампочкаяс, Зётин ордысь  
жёник да невестаöд петісны унджык гёстяыс, кодъяс окотитісны  
тшötш ләччывны Ниашор сиктö, свадьбуйтігмоз видзöдлыны Зётин  
Катялысь выль оланінсö.

Пир тан ешкэ     
Зин нин тезкебдінен шындауынб   
Оада, салмет штöшиңимокто   
Сылб лонь, кызы, алғашкында   
илем бояк каяжды   
Пасыкын сандык сабетом атыс!   
Бонда — дынэт бол жаңада   
Гәйре салмет мөмбөз остана   
Биатл зорын бирыншесе   
илем бояк   
Сынан таңынан таңынан тачы   
Мед көтү өзөвдиң шын мөмбөз   
Мадам спасынде таң мөштөг таң   
Тона — таңтаңкын жек меним   
илем бояк

\* \*

— ...Беркешіл түнжö аспеккында  
шымыттың мёдінде  
Мыңғызматасынан штöшиңимокто  
Болын тұфын дәресте, бірақ  
Мөмбөз болғанда анын  
Күйдән бол жаңада  
Мыңғыз  
Оқтағыпкес күншынан  
Сәсеке сабактарынан жаңада

Сәхнен жаңаңнан жаңада  
Күнин шында таңдарда жаңада  
Сәхнен жаңаңнан аса-шын  
Дегенде киелтілген да сабак



Алёна МАЛЬЦЕВА

## Тэ меным век на муса

Тэ меным век на муса,  
Тэ меным век на жаль.  
Тыртö-дзебö мусö,  
Скёралö февраль.

Тэ öнi месянь ылын,  
Но сьёлёмын тшöтш эм.  
Ме чайтi: мuna, сыла,  
И бурджык лöб мем.

Дай бурджык лöб тэньид,  
Кöть вошлö вöвлöм дой.  
Ме пырлi аскöд венö  
Да вöлi выйтi збой.

Но бисö nem эз кусöд,  
Кöть кутшöм му эг таль.  
Тэ меным век на муса,  
Тэ меным век на жаль.

\* \* \*

...Векныид пыжö эськö сола —  
Эмышт öмидz мёдлапöлас.  
Маръямольысь сикötш вöча,  
Водла турун пöвстас, рöчас.

Мёдлапöлö изъяс лыйла.  
Кытчö-й коли ставыс?  
Мыйла?  
Öкта йöрысь купальница,  
Ставсö сьёлём пытшын видза.

Сьёлём джынйöй сэтчö коли,  
Кöni нимтö тэнсыид доли.  
Сьёлём джынйöн ола-выла,  
Важсö казтыла да сыла.

\* \* \*

Дадьён ислялоны челядь.  
 Төвзя накёд, быттьё ньёв.  
 Нырёс чеплялёт, а пельё  
 Шутёвталёт вильыш тёв.

Кызд и коркё, съёлём чеччё,  
 Лолёй сёстёр, кыпыд, пёсь.  
 Тадзи бара вола сэтчё,  
 Кёні мёвпён тшёкыд гёсyt.

\* \* \*

Вожа туйяс. Помтём олём.  
 Кольё лун да воас вой.  
 Абу — быттьё, век жё, колё.  
 Эм кё — кайтчём да дой.

Выльсо виччысян да олан,  
 Съёлём вывсыд чышкан бус.  
 Коркё-й асътё кыян — полан,  
 Оз-ё важыс дзикодз кус?

\* \* \*

Пыр тай енэжын лэбала-сыла,  
 Зэв нин гежёда лэччывла муас.  
 Овлё, сыланой кыпыд да мыла.  
 Овлё, лоңь, кодыр гажтёмыс сулас.

Паськыд енэжлён сёстёр отыс!  
 Вошла — отсог сэк кора, овлё.  
 Тайкё съёлёмой сэки потас,  
 Выйті съёкыд инасътём ловлы.

Сёмын увланыс ог тай лэччи,  
 Мед кёть борд пёлён тёллыс нуас.  
 Медым съёлёмой полё-чеччё,  
 Тода — гажтём сэн лоё, улас...





Анжелика Елфимова  
выйдет замуж  
брак в ближайшее  
августа.

## Анжелика ЕЛФИМОВА

Анжелика Елфимова чужлёма Кёрткерёс района Маджа сиктын.  
Помалёма искуствояс Сыктывкарса училище, ёні уджалё Кёрткерёсса  
«Звезда» газетын, оттшотиш велёгчö Сыктывкарса государственной  
университетын.

\* \* \*

Ломты пачтö,  
Пузьёд чайтö,  
Перый гёбоч джаджсыд  
доз.  
Вунёд лёгтö,  
Чукост менё,—  
Пукалыштам  
Важся моз...

## Чужан кывлы

Пузчужём кагаён  
Моростё корся.  
Кула кё, кула.  
Ловзя кё, ловзя.  
Пола, мый отдортан  
Бергавтём кылсысь.  
Мый тэныд ме кодь  
Рочасысь нылсысь.

Мыйла нё аддзысим  
Тэкёд нэм помын.  
Медьюмов кампетён  
Сылан ёд вомын.  
Тшёктан кё — кывбурёс  
Ойтитёг сота.  
Олёмёс жалиттёг  
Вой джынён лота...

\* \* \*

Помтöг эсъко  
тадзи мунны  
Тöв шöрöдys.  
Гусьёникён кывтор шуны.  
Дырён — мёдöс.

Кок түйнүмөс  
венчайтöны  
Лым чиръасыс,  
Колльöдöны сэтчö, кö  
Садьмö асыв...

\* \* \*

Бёрсянь локтысьяс,  
Водзё мунысьяс,  
Коркё казтыштлой  
Менсыым ним.  
Сэтшом долыд мем лолас мёдараас,  
Быттьё петавлас муса лым...

\* \* \*

Сöмын öтнад он öтдортчы меýсь,  
Кöть нин кутшöмöн  
йöз пöвстас кывся.  
Лэччан котöрён  
ломтыны пывсян,  
Муртса инмöдчас  
туйбокса пельсь.

Тэнд ётнадлы кывъяс  
Ставсö «восьтасны»  
събд рёма синъяс.  
Лолой грекъасысь  
личалас-мынас.  
Менам Ен оз мудз  
вёлёдны-овны...



бұлар есептесінде

міннен недет

жылдардың

шынындағы жаңынан

Георгий ТОРЛОПОВ

жылдардың

## Нэмён вунёдлытём друг

Роч йөз шуломаёсь: «Старый друг — лучше новых двух». Тайо сізді и әм: важ другыдкод уна кузь туй талялому чизыр төв паныд, зэр да слот улын. Важ другыдкод пöрысъладорыд небыд диван вылын варовитіг-кургигад этшасы сулоны неми-нучаясыд.

Меным тайо торйон ясыда воссис 1995 вося январын, кор колльёді бörбя туйё медся бур ёртъясысь да другъясысь медбörбясо — Иван Васильевич Изъюрово. Сыодз 14 во водзджык съёлом дойос пыкөмөн прöщайтичи Илля Васькод, а 24 во сайын — Жугылькод (Н.П.Поповкод). Тайо жо воясас унаён мунисны гижысьяс котырысь. Съокыд весиг и лыдьёдлыныыс...

...1934 воин ме вои Сыктывкар. Локтёмөс оформитігөн пасийисы: «вöвлём тракторист-ударник, оні комсомолын уджалысь». Но комсомолын эз дыр ло уджаломыс — вештисны. 1935 воин пыри уджавны Коми госиздато. Сэні и тöдмасим Изъюр Иванкод. Издательствоас медся ыджыд да югыд жыръяс пукалім квайтён: Иван Вокан, ме, Иван Изъюров да Михаил Шестаков, художникъяс Валентин Поляков да Михаил Безносов. Сэн жо вöлі и коми гижысьяс котырлон да «Ударник» журналлон прöстой съод пызан. И, дерт жо, мияно быд лун волисны писательяс союзын да журналын уджалысьяс Шыладорса Миш, Выль Паш да Сим Вань. Быд вежон öтчыд либо кыкысь пыравліс и Нёбдинса Виттор. Сийо, бурако, сәки уджалис на Коми облоно бердын күльтпросвет отдельын.

Сийо кадсянныс коли 65 во.

\* \* \*

...Иван Васильевич Изъюров гижны заводитіс Сыктывкара шёр школалын велöдчигас на. Медводдза кывбур — «Кык пельёс» — печатайтіс «Ордым» журналын 1927 вося марта. Буретш тайо тöлжасыс Изъюр Иванлы (тадзи кырымаліс кывбурс) тырис 17 арос. Кывбурыс сы йыллысь, кыдзи пионер Ен ув пельёскод орчён лöсёйдіс «Пионерпельёс». Сийо жо воас журнал печатайтіс мёд кывбур «Ылі мусынъ», а сэссе очерк «Выль ногён» (комсомольской свадьба йыллысь) да неыджыд висыт «Мöсъяс баксоны». Тайо висытсо авторыс, бурако, кöсёйма пасъкодны — 1931 вося 9-од номера журналын эм содтöд «Өстаплон туй» («Мöсъяс баксоны» гижёдьс).

Журналлон 1928 вося 9-од номерын Изъюр Иван йöёдліс нöшта оти кывбур («Пöрысъ мамлён сылём»), а сэссе дугдіс «поэзиян ноксыомысь», кыдзи ачыс шулывліс. Но гижны заводитчомсянныс петкодліс ассыс кыдзи ёсь' пероя публицист да критик и сэк жо кыдзи активной общественник.



Тайёс ставсö артыштöмён позьё шуны: Иван Васильевич Изьюровлон литературной творчествыс да писательяслён котырын общественной уджыс вермасны лоны коми литература сёвман историяён, дерт, гашкё, и не сэтшома, кыдзи, шуам, Илля Васьлон, Нёбдинса Витторлон, Тима Веньлон, но век жё, век жё...

Дас öти воён (1927—1937) Изьюр Иван йозёдис 46 гижёд «Ордым» да «Ударник» журналъясын (1931 вося мартсянь «Ордым» пыдди заводитис петны «Ударник»). Эз, дерт, быд во откодь вёв активностыс, но 1931 воын вёлі йозёдома 14 гижёд; а 1932 воын дасос. Тайё висътъяс, очеркъяс, статьяяс и кык повесть — «Тималён бригада» да «Доменълон мыж». Тайё коми литератураын медводдза гырысь прозаической гижёдъяс (на динё колё содтыны и Г.Фёдоровлыс «Сиктса асыв» повестьсö).

1937 воын, кыдзи и воддза воас, журналын Изьюр Иванлон петис сёмын кык гижёд. Тайё вёлі медбörтäя творческой во. Сэсся лоис дас вося кост. Медбörтäя статьясö — Сыктывкарса писательяслён собрание йылысь отчёт — йозёдома «Ударник» журналын 1937 вося апрельын. Отчётсö нимтöма «Овладейтын большевизмён, бырдны беспечность». Собрание вылас, а сиджё и сы йылысь отчётас лёк ногён сакёма «народлысь врагъясос» — Илля Васьос, Сим Ваньос, Сан Антусос, Парма-зонös, Омраос (В.Н.Фроловос).

Тайё вёлі 1937 вося апрельын. Августын на динё содтисны Нёбдинса Витторос да Жугыльос, а октябрин да ноябрин Тима Венос, Шыладорса Мишос, Выль Пашос, К.И.Туркинос...

Сэк жё, октябрь 8-ёд лунё, пуксьёдисны тюрьмаö и Изьюр Иванос. Судитисны куим во кежёл да мёддёдисны Воркутавомса лагпунктö. Иван Васильевич гортас бёр воис 1940 вося ноябрин. Творческой удж йылысь сэки, дерт, и сёрни эз вермы лоны. Пырис уджавны горпромкомбинатö бухгалтерён. Уджалис сэні 1941 вося октябрин фронт выло мобилизуттöдз.

Радёвой И.В.Изьюров воюйтис Карельской фронт вылын. Меным öти письмёын гижліс, ме по некымын сурс километр кузя советско-германской фронт вылын медся веськыдвыв флангас, Мурмансксян нылын Баренцево море берегын.

Фронтовик Изьюр Иванкод ми ёна гижасим. Сысянь волис 16 письмо. Ставсö ме бура видзи. Иван Васильевич фронт вылад, дерт, эз вермы видзны матё нёль во чёж менсым письмёяссö да кыскавны найос вещмешёкын. Сэтчо салдатыд медводз пуктö медся коланасо. Да, письмёяссö Иван Васильевич рочён гижліс. Тайё, ме чайта, военней цензура вёсна.

Сийо кадсö, кор ми письмёасим Иван Васильевичкод, оз позь вунёдны. Быд письмёын быд кыв шүёма съёлёмсян. Съёлём дойыс и радлуныс восьса, ловъя. Сийо и онi, весиг, чайта, некор оз кус, оз дугды тіпиктыны съёлёмын, колё сёмын босытны киад другыдлысь письмёсö. Со и ачыс сийо абу, а мёвпъясыс, кёсйомыс да зильомыс ловъяось, кытчöдз ловъя лоё миян Йеджыд Чужан Муным!

Армияясь Иван Васильевич воис 1945 во помасигён. Олёмын местасö сийо шедёдис Рёдина вёсна косьясын. Писательяс союзö коть и эз восстановитны 1956 воёдз, но уджалис во дас кымын «За новый Север» газетын, коди 1953 воын нимсö вежис «Горд знамя» выло (мыйкё дыра сийо петис коми и роч кывъясыс вылын). Во кызы Иван Васильевич уджалис «Войывив кодзув» журналын, писательяслён союзын, телевидениеын...

Уна туйяс ми талялім Иван Васильевичкод ётлаын. Ме сэки уджалі газетын, а сэсся радиоын да «Войывив кодзув» журналын. Волім Эжва кузя Вольдінёдз. Ветлім Висер йывса вёрпунктö. Кайлім и Лёкчим кузя Иван Васильевичлон чужан сиктас, Позтыё, дай ылдзджык на. Удайтчис волыны Емва кузя Турьяёдз. Волім Изьявын и Мылдинын, Ыбын и Куратовоын, менам чужан сиктын — Пальын.

Став тайё ветлёмъясыс тёдчисны Иван Васильевичлон творческой

уджас. 1946 вося январын заводитіс петны «Войыв кодзув» журнал. Журналыслён мёд номерас нин (февральын) йөзөдома Иван Изъюровлыс «Война воясся висътъяс: Мам; Кыздзи сійо лоис». Журналлон 3—4 номеръясын висът «Иван Тишин — санитар», 5-өд номерын — висът «Моряклон трубка», 12-өд номерын — «Мужество йылысь висътъяс: Морякъяс сопка вылын клятва; Кык друг; Ыджыд кёсім». Тадзи Иван Васильевич Изъюров мёдіс портны олёмө аслас фронтобой дружъясылыс наказсө, мый йылысь гижліс меным письмойн. Но тақод тшотш писатель эз вунод и 30-өд воясся Изъюр Иванлыс сямсө: събломнас кывны быд лунъя олёмлусь шысб да горсө. Журнал 1946 вося 9—10 номеръясын заводитіс йөзөдны республикаса знатной йоз йылысь очеркъяс. Иван Васильевич восьтö тайо рубрикасö Михаил Налимов йылысь очеркён, а журналлон 11-өд номерын — знатной бор лэдзыс Антон Лапшин йылысь очерк. 1946 вося журналъясын жо йөзөдө нöшта зэв аслыссикас висът «Изваса майд», а сиджжо Серафим Поповлон «Фронтобой туй» поэтической сборник да том гижысъяслён висътъяс йылысь статьяяс.

Оти воён дас кык гижёд: 8 висът, 2 очерк, 2 статья. И тайо сомын журналын. А Иван Васильевич од уджаліс газетын, нүодіс медся пось да колана уджсө, кыздзи зэв мобильной корреспондент... Сий и 1947 воын печатайтö журналын вит очерк да кык висът. А быд очеркла коло ветлыны ой-ой ылодз, и унаусь подён, гежёдика сомын вёлён. Автобусъясыд од сэки эз ветлыны.

И тадзи война борын 45 во чёж. «Войыв кодзув» журналлон 1990 вося 3-өд номерын — «Юбилиярлон сёрни». Сий воас Иван Васильевичлы тыри 80 арос. Гижис сёрнитö И.М.Ванеевакод аслас олём-вылём йылысь, чужан мулён да коми войтырлон судьба йылысь. Тайо «Войыв кодзув» журналын Изъюр Иванлон медбрөрья гижёд. Ставсö война борын И.В.Изъюров гижис да йөзөдіс. «Войыв кодзув» журналын 14 повесть, 49 висът, 35 очерк да 28 статья. Сылён ставыс петаліс 20 сайо книга.

1927 вося марта 17 ароса том морт Ѽзтіс творческой би и 80 ароссöд эз лэдз сылы кусны, пыр содтіс бипурыслыс ыпъялыш дэирдалыс йёсө да вынсö.

И таись ыджыд аттьё шуасны коми йоз!

Тавося тёв шёр тёлышын тырис сё нелямын во Антон Павлович Чеховлён чужан лунсянь.

Оз көв висътавны, кутшом пай сийд пыртіс аслас кувлытом гиждәяслон роч да Ставмирса культураб.

Ыджыд роч гижысылы чужан лунсяныс сё нелямын во тырёмсö и пасыйштам тайё висътъяснас.

А.П.ЧЕХОВ

## Полян

Козъя сук ворыслон съокыд жарлунсыс жаялёма, пасъком вылас лыс да черань vez, петис вёр дорас Дементьев хуторыс приказчик, Мелитон Шишкин. Дамка поныйс — сеттер нисьо улич пон,— зэв омёлик, кынёма, ва бёжсо кок вож костас дзебомён крёвликтис козянин бёрсяыс да быд ногыс видзис бытшомыс нырсо.

Водзын, кёни помасис козъя сук пармасыс, сулалисны кыдзяяс, на костод югзис руа восьсан. Кодкё кыдзяяс саяс ворсис ас вочом польянон. Ворсысыс вит-ё-квайт нота и босытліс, да дыша нюжодис найёс ёти ворсанногёйитны зильтог, и век жё полян чипсомас кыліс мыйко и скёр-зумыш, и висътавны позытом шаг.

Кор пармасис шочмис, и козъяс сорассисны кыдзяясон, Мелитон аддзис гортса пемосяслыс ыджыд котыр. Увъяснас трачкодчигтыр вөвъяяс, мёс-ыжъяяс ветлодлісны поноль повсттис да исалисны ватуренс.

Вёр дорас, ва кыдз пу бердё нёровтчомён, сулаліс кос мыгёра поль, пемосяссё видзысыс, киссым пасъкома, шапкатом, мый йылыс кё мёвпаліс муас видзодомён, да думайттог ворсодіс польянсо.

— Чолом, дедо! Мед Ен отсалас! — чоломаліс сийос Мелитон вөснүйдик чиром гёлосон, коди ньоти эз мун сылон ён тушалы да ыджыд ныра пасъкыд чужомлы. — Лосьыда чипсасян! Кодлыс нё стадасо видзан?

— Артамоновлыс, — неокотапырыс вочавидзис видзысыс да сюйис польянсо питшогас.

— Сідзкё, и ворыс Артамоновлён? — юаліс Мелитон да койкнитліс ётарё-мёдаро. — Сылон и эм висъталом борад... Муртса дзикодз эг вош... Став ныр-вомёс козъяниас гыжъялі.

Сийо пускис му вылас да босытчис гарнны газет торыйс чигарка.

Тайо мортыслон чиром гёлосыс моз немтор эз лосяв ён тушалы да пасъкыд чужомыслы; и нюмыс, и посни синъясыс, и кизъясыс, и госа, шыром юр чук вылас дзоляник картузыс.

Кор сийо сёрнитис-ньюмъяліс, бритом гёгрес чужомбанас, дзоньнаас мыгёрас волі мыйко нывбабасянь, кутшомко лосьыдтом полёмлун да рамлун.

— Поводдяыс, Ен мед видзас! — шуис сийо да катлодлышипс юрсо. — Йозыслон зёрийс на идратом, а зэрыс быттю медасьома, Ен сыкодён.

Мёс видзыс видзодліс буситис енәжас, вёр да приказчиклон ва пасъком вылло, думыштыліс, но немтор эз шу.

— Став гожомыс татшом волі... — ышловзис Мелитон. — И музикъяслы лёк, и господалы некутшом долыдлун...

Мös видзысь нöштась видзöдліс енäжас, да быттьö быд кыв няклялёмён шуис:

— Ставыс öтилаö... Бурсö эн виччысь...

— Кызды тані тiян?— юаліс Мелитон чигаркасö пестiгмоз.— Тар котыръяссö эн казявлы Артамонов керассыс?

Мös видзысь эз тэрмась воча кывнас. Сiё бара видзöдліс енäжас, ас гöгöрыс, думыштылiс, синъяссö лапиöдліс...

Ассыс кывъяссö сiё, буракö, ёна вылö донъялiс, и тайö донсо нöшта на кыпöдыштöм могысь зiлис сёрнитны тшапа, кывъяссö нюжийöдлёмёнмоз. Чужöмыс сылон, кызды и овлö пöрысьяслон, ёсымёма, ныр гöчыс гуранакодь, та понда ныр розъясыс видзöдöны вылö, и дзонынас чужöмыс кажитчис зэв мудерён.

— Эг, эг, буракö, аддзыв. Миян Ерёмка кыйсысынным висьталiс, быттьöкö пö лэптылi öти котыр Илля лунö Эжмёминыс, да чайта, сöрö. Этша пöткаыс.

— Да, другö, этша... Быдлаын этша! Не вöралём доныс. Пöткаыс этша, а мый эм, зэв на посни, и киястö лякösитны оз сулав.

Мелитон шпындыс да öвтыштiс кинас:

— Мый и вöчсö таладор югыdas, серам да-й сомын! Пöткаыс кутшöмкö вежöртöм, кольк вылас сёрен пуксö, мукöдыс Петыр лунö на пöжсöёны. Сё ей-богу!

— Ставыс öтилаö,— шуис мös видзысь чужöмсö вывлань лэптомён.— Таво пöткаыс этша вöлi, а во вит мысти и дзикöдз бырас. Ме чайта да, регыд непöштö пöткаыс, а некутшöм лäбач оз коль.

— Да,— нылыда шуис Мелитон мёвпыштылöм бöрын.— Сiё-тö сiзд.

Мös видзысь курыда нюмъëйтiс да довкйöдлыштiс юрнас.

— Шемöс!— шуис сiё.— Кытчö ставыс воши? Во кызы сайын, помнитсö, танi и дзодзöгъясыд вöлiны, и туриясыд, и уткаясыд, и тарьясыд — быдса кымöръяс! Локтасны господа кыйсыны, сомын и кылан: пу-пу-пу! пу-пу-пу! Енмеж кодь ловъясыд эз бырлыны, а вадор кайыд да жыдачыд — лыдтöм-тшöttöм! Пышкай-ябыр мында жö! Кытчö ставыс воши? Весиг лёк лäбачсö он аддзыв. Кутшъясыд, и сөзъясыд, и варышъясыд — ставыс бырины... Да и вöрса пемöсиси чинi. Койныд да ручыд весиг шочмис, ог нин шу ош либö анча йылыс. А водзджыксö весиг йöраяс овлiсны... Нелямын во чёж нин воысъ воё аддза да гöгöрвоа — ставыс öтарланьб бергöдчö.

— Кодарланьб нö?

— А лёкланьб, зонмö! Чайта, бырам ставным... Кад воёма Ен улын став олысылы бырны.

Пöль картузасис да пыкис енäжсö видзöдласнас.

— Жаль!— ышловзис сiё чöв олыштöм бöрын.— И кутшöм жаль, Енмöй! Дерт, кызды Енмыс шуёма: эг ми таладор олёмсö лёсöдлöй, а век жö жаль. Пу косьмас либö мös кулö, и то жаль, а ставыс кё, шань мортöй, бырö! Мыйта колана бурыс, господи Иисусе! И шондiыс, и енäжис, и вöръясыс, и юясыс, и ловъя ловыс — ставсö чужтöма-овмöдöма öta-мöдислы лёсяланайён. Быдтор лючки вöчома и ассыс ин тöдö! И ставыслы бырны ковмас!

Мös видзысь шога нюммуныштiс, кутiс лапиöдлышны синъяснас.

— Шуан — пом ставыслы...— шыасис Мелитон мёвпаломён.— Гашкö, и збыль регыд бырас таладор югыдыс, да оз позь тайöс шуны пöтка серти. Öдвакö пöткаыд тайöс висьталас.

— Оз сомын пöтка,— шуис мös видзысь.— И вöрса пемöс, и гортса, и мазiяс, и чери... Менем он эски, пöрысьдыхик йöзлэлсъ юав, быдён шуас, мый чериыс абу нин важся мында. И саридз-тиясын, и юясын воысъ-во чинö. Миян Песчанкаын, помнитсö, аршын кузя сиръяс шедлисны, и налимыд олiс, и ёдiыд, и сыныд, и быд че-ри синмад шыбитчанаён вöлi, а онi весыт кузя сирпи либö ёкыш шедi — и сыйсъ Енлы аттьö. Прамойдыхик йöрш весигтö абу. Быд

во лёкджык, и лёкджык, недыр мысти дзик черитёмösөс лоам.

А юяссö кö босътам... Косьмёны юясы!

— Косьмёны тай эсько да.

— Сийö и эм! Пыр ляпкаммёны и ляпкаммёны, важся йиръясыд абуось нин... Кустяссö аддзан? — индёмён юаліс поль. — Важёнджык сэні юыс волі, сэні менам бать дырии Песчанканым визувтліс, а оні, видзöдтö, кытчö омольясыс вештöмайс! Вежлало туйсö, и вежлалас... косьмитöдзыс. А кытöнöс кургасовсайса нюръясыс да прудъясыс? А шоръясыс кытчö лоины? Миян тані вöрас сэтшом шор визувтліс, мый гымгаасылсны, а оні и тулыснас ичöt ваа... Да, вокö, кытчö он видзöдлы, быдлаын лёк... Быдлаын!

Чёв усылсны. Мелитон мёвпыштчис да öти чутö сатшкис видзöдлассö. Сылы окота лои дум вылас уськöдны вöр-вались кöть öти вöрзьёттом на ловъя пельёс. Ру вылас, зэр визъяс вылас еджыд, стекло вылын моз, кутсны ворсны-йёткыны югыд серъяс, но пыр жö пемдисны-кусисны — тайö кыпöдчыс шондайыс зилис писькöдчыны кымёръяс пырыс да видзöдлыны му вылас.

— Да и вöръясыс тшöтиш... — нурбыльтис Мелитон.

— Вöръясыс тшöтиш и... — шуис сы бёрся мёс видзысь. — И кे-  
ралоны, и сотчоны, и косьмёны... А мый быдмыштас, сийöс бара  
здуён бырёдёны, талун петис, а аски кераломаёс нин — и век  
тадзи, кытчöдз дзикöдз оз ло. Ме, бур мортöй, вöля сетöмсяныс нин  
мёс видзысь, да и вöля сettöдзыс на господалысь видзи, йирсöдлі-  
танi, казытыла да, быд лун. И мый Енмыс вöчö, ставсö казяла. Видзöда,  
став пöлöс быдмёгыс чинны-бырны кутис. Кöть зöр, кöть дзоридз,  
град выв пуктас — ставыс.

— Йöзыс сы пыдди бурджыкёс лоины, — шуыштис приказчик.

— Мыйён нин бурджыкёс?

— Вежёраджыкёс.

— Вежёраджыкнад вежёраджыкёс, да мый сыыс? Кулём водз-  
вылад вежёрыд эм кöть абу. Мый вöралысылы вежöрсыс, немтор кö-  
кыйнысö? Ме сидзи чайта: Енмыс вежёрсö йöзыслы сетис, а эбёссö  
мырддис. Менö кöть босътам... Ме, гашкö, грэздын и медтуйтöм  
мортыс, грöш донöй — а, зонмё, эбёса на. Тэ видзöдлы сёмын, сизимöд  
дас вылö вуджи, а кызь ур вылö быдса лун йирсöдча, да-й войнас  
видза-дöзьорита, и узыныс ог узь, и ог кынмы; пиой меysесь ве-  
жёраджык, а пукты ме пыдди, аскинас жö содтöд дон корас либö  
бурдöдчыны мунас. Со öд мый! А ме нянь кындзи ог и сёй немтор,  
мед сёмын няньыс быд лун чуктис, и батьёй нянь вылас олис, и  
польёй, а талун айуловыдлы и чайыд колё, и роч винаыд, и еджыд  
няньыд, и узыны мед кыасяян кыаöдз, и бурдöдчыны, и уна мукöд-  
тор... А мыйла? Да жебмис, оз вермы терпитнысö. И рад узтöгыс  
овны, да синъясыс асыныс пöдлассыёны — немтор он вöч.

— Збыль, — бара нылыда шуис Мелитон. — Кизьёр оні айуловыд.

— Немтор и соссынысö, воысъ во жебмам. А господа йылысь кö-  
сёрнитны, найё и нöшта на жебджыкёс. Быдториö велöдчома, быдтор  
тöдö — а видзöдлан вылас, да сёйлётмö чепöльтö. Косиник, висылöс,  
быттьö кутшöмкö француз ли венгерец ли, и синмад оз шыбитчи, и  
тшаплуныс ньёти абу, сёмын шусьб баринён. Абу сылон, коньёрлон,  
удж ни места, и он гёйгрво, мый сылы колё. Либö сийö вугыр шатьён  
чери кыйё, либö вывлань рушкуён книга лыддöй, либö мужикъяс  
пöвстын тапикасö да кывнас изё, а коди тшыг, сийö писаравны  
медасьö. Сидзи и олö немтор абунас, а прамöйтöръяс оз кутчысы.  
Важён унджыкыс на пыись генеральясöн волини, а талунъясыс —  
кызыс лöп!

— Гольмисны ёна, — шуис Мелитон.

— Сийö и гольмисны, мый Енмыс эбёснысö мырддис. Енлы паныц  
он мун.

Мелитон бара кутис видзöдны öти чутö. Ышловзис, кыдзы ышлолов-  
лöны аслыныс донсö тöдьись ыджыд вежёра йöз, довкйöдлыштис юрсö:

— А мый понда ставыс? Грекё ёна войтчим, Енсо вунёдім... И кад воис ставыслы помасьны. Олыштім — коло и яндзим тёдны.

Мös видзысь ышловзис, мед быттьö мустом сёрнисö помавны, вешийис кыдз дорсыс да кутіс синъяснас лыддыны мösъяссö.

— Ге-ге-гей! — городіс сйö. — Ге-ге-гей! Ловъя юрён мынтомторъя! Пыртісны лёкинас омольясы!

Сйö вёчис скёр чужом да муніс кустъяас пемösъяссö чукортны. Мелитон чеччис, ньожйоникон мёддочис вёр дородыс. Видзёдіс аслыс кок улас, зіліс уськодны дум вылас, мый бердö эсько эз на инмёдчыв куломыс. Визён ләччыс зэр вылас бара кутісны петны юғыд чутъяс; найö қыпöдчисны вёр йылас да вошины ва коръяс пиас. Дамка сэк кості кустъяас увсыс аддзис ёжёс да омлялёмён утёмён корис ас дінас козяинсö.

— Шондіыс тіянын бердліс эз? — кыліс кустъяас сайсянь.

— Бердліс! — вочавидзис Мелитон.

— Быдлаын элясъёны, бердлөма пö! Сідзкё, воканой, и енэжас абу ставыс лючки-ладнö! Эз öд весьшöрё... Ге-ге-гей! Гей!

Пемösъяссö вёр дорас чукортом борын, мös видзысь нёровтчис кыдз бердö, тэрмасытöг қыскис питшогсыс полянсö да босытчис ворсны. Сйö важ моз ворсіс лöсъöдчытöг — думайттöг, вит-ö-квайт нотаись унджык эз босытлы; и шыясыс юргисны кыдзи веськалö да эз йитчыны-кысыны öти ворсанногö, быттьö поляныс медводдзайс на веськалома киас, но оломыслон помасьом йылыс мёвпалыс Мелитон кыліс ворсомсö зэр гажтёмён, отортанаён, зывоктанаён, эз вёв окота и кызвынысö. Медся ёсь, тіралан да оръясян шыясыс быттьö буродны позытёма бордісны, и чайтис, мый поляныс вись да мыйысъёк повзьёма, а медся улыс гластьясыс казтылісны ру, жуглясыс пүяс, руд енэж. Татшом ворсомыс лöсяліс и поводдяыслы, и польыслы, и сylöн сёрияслы.

Мелитонлы лои окота кодлык норасьны. Сйö матыстчис поль дінö, сylöн шог да öттшöтш теш паса чужом вылö видзёдіг кутіс намöдчыны:

— И овнысö лёкджык лои, дед. Терпитны позытём сьокыд овнысö. Урожайас оз артмыны, гольлун... Скöt помся усьё, висьомъя... Топодіс гольлуныс...

Приказчиклон пыктём чужомыс гёрдёдіс да дзик нывбабалён көдь лои.

Сйö вёрёдыштіс чунъяснас, медым лöсяланаджык кывъясон висьтасьны, да водзö нүодіс:

— Кокъямыс челядь... и мамё на ловъя, а мынтоны сомын дас шайт аслам сёян-юанён. Гольлун вёсна гётырой ош көдь нин скёр... а ачым лёк ногён юа. А öд ме велöдчом, авъя, лабутной... Гортын эсько пукавны, а ме пон моз лунтыръясон пищальён шойта. Сы выйодз гортой мустоммис!

Сэсся сйöс казялём борын, мый кывыйыс ковтёмтор нин больгö, приказчик өвтыштіс кинас да курыда чөйтіс:

— Вошны кё став мирыслы, мед эсько öдйöджык! Немтор кадсö қысыны да ѫёзсö майшöдлыны!

Поль босытіс том доръясыс полянсö да син пöвсö читкыртёмён видзёдліс пёлялан розяс. Шог чужомсö сылыс, синва моз, вевтисны гырыс зэр войтъяс. Сйö нюмъётёмён шуис:

— Жаль, воканой! Да нöшта кутшом жаль. Мусыс, ворыс, енэжыс... быд сикас ловъя лолыс — ставсö вочома-чужтёма, öта-мёд бердас лöсъöдома, быдёнлон вежортор эм. Ставыс сідзи и вошас. А медся ѫёзсö жальёс.

Вёр пытшяныс шыён матыстчис гырыс войтъяса зэр. Мелитон бергöдчыліс зэр шыланыс, кизяліс став кизьсö да шуис:

— Довга грэздланьё... Прощайты, дед! Кыдзи тэнö шуёны.

— Голь Лукаён.

— Но, прощайты, Лука! Аттьё бур кывсыыд. Дамка, иси!

Мös видзысыкөд янсöдчом бöрын, Мелитон мунис вöр дорöдьыс, сэсся веськöдчис вочасын нюроö вуджысь вида вывті. Кокъяс улас болсакыліс ва, и век на вежöдьыс да улис сім эжöрыс водліс му вылас, быттьö поліс талялöмысь. Нюр саяс, Песчанка берег вылын, суалісны бадъяс, а бадъяс саяс, ру пытшкас, лöзвидзис господской рыныш. Кыліс сійо кадыслён венны позытöм матысмöмыс, кор ыбъяс пемыдöс, мусыс кöдзыд да няйт, кор шогалысь баддьыс петкöдесö нöшта шогон, да пучер кузяыс лëччö синва, и сöмын турияс пышшиöны ставсö шымыртысь неминучасыс, да и найö оз петкöдлыны до-лыдуннысö, жугыля да гажтöма сылёны вылісянь, полёны дойдны шогö усьём вöр-васö.

Мелитон довгис юлань и кывзіс, кыдзи мыш саяс ньёжийоник ылысмисны пöлян шыясыс. Сыллы век на телепит вöлі норасыны. Сійо жугыля кыйкнитлывліс öтарö-мöдарö, и терпитны позытöм жальось лоины и енәжыс, и мусыс, и шондыыс, и вöрыс, и Дамка поныйис, а кор пöляныслён медся ёсъ, вöсни да тিрадана шыыс бöрдьыс мортлон гöлөс моз лэбыштіс сынöдас, сылы лои сэтшöм забеднö вöр-ваас пансысьс нелючкияссыс.

А ёсъ шыыс тিрадана да пöлян ланьтіс.

## Зонкаяс

— Володя воис! — городіс кодкö öшинь увсянныс.

— Володечка воёмаөсъ! — сёян жыръяс котёрён пыргимоз тёвөстіс Наталья. — Енмой-енмой!

Королёвъяслён семьяыс — найö часысъ часö виччысисны Володянысö — уськöдчис öшинъясö. Кильчö поманыс суаліс пасъкыд рöзваль, и сиö доддялём куим еджыд вöсиян сука паркийис ру. Доддыыс вöлі тыртöм, си вöсна мый Володя суаліс нин посводзас да гöрдöдём-кынмом чунъяснас разис башлыксо. Гимназияс ветлан пальтоыс сylён, фуражкаыс, колоштъясыс, кёсичаас юрсиыс гыё-раломаөсъ, и сиынъ, юр вывсянныс да кок улöдзыс, öйтіс сэтшöм чöскыд кöдзыд ывла кöрён, мый вылас видзöдигöн нин окота вöлі йирмögасыны да шуны: «Брр!» Мамыс тьёткаыскöд уськöдчисны кутлыны-окавны сійос, Наталья чепёйис пöрччыны гын сапögъяссö, чойясыс чирэсны, öздöсъясыс клопъялісны да дзуртисны, а Володялён батьыс, жилетка кежсыс, киас ножича, петіс дорисыс да повзьомён городіс:

— А ми тэнö тöрыт на виччысим! Бура воин? Лючки-ладнö? Господьи-Енмой, да сетой сылы батыскöд чоломасыны! Ме нö бать али абу?

— Гав! Гав! — кыз гölöсöн увтчис Милорд, зев ыджыд сьöд пон, бöжнас стенъясас да шкап-улöсъясас кучкалігтыр.

Ставыс гудыртчис öти гажа шыö, коді юраліс минут кык. Кор медводдза ыззылöмыс лöнныштіс, Королёвъяс казялісны, мый Володя кындзи дориас суаліс чыштъянъясö, шальясö да башлыкъясö гарчом нöшта öти гыёralöм дзоля морт; сійо вöрзöдчытöг суаліс пельёсас, ыджыд руч пась вуджöрын.

— Володечка, а тайö нö кодi? — гусьоник юаліс мамыс.

— Ак! — кватитчис Володя. — Тайö, рад тöдмöдны, менам ёрт Чечевицын, мёддöк класса велöдчысъ. Вайи аскöд гоститышты миянын.

— Зев нимкодь, видза корам, — долыда шуис батьыс. — Эн дивитöй, ме гортса ног нин, сюруктöм да... Пройдитöй! Аттö жö господьи-Енмой, Наталья, отсав господин Черепицизынлы пöрччысынысö да вöтлой нин понсо. Наказанньй!

Недыр мысти Володя, Чечевицын ёртыскöд, шума паныдаломсыс

век на шойёвошомаёс, ывла бёрас гёрдось на, пукалісны пызан сайын да юисны чай. Төвся шондыйс писькодчис лым да прёшиасьём ошинаяс пырыс, купайтіс сөстөм югоръяссö пожъясян чашкаын. Жыръясас оняліс шоныд, и зонкаяс кылсны, кызды шоныдыс да көдзыдыс вермасисны наён вир-яйын, эз сетчыны оти-мёдныслы.

— Но вот, регыд и роштво! — нюжийдлёмён сёрнитіс батыс пемыдгорд табакыс чигарка гартигмоз. — А важён-о гожём волі, и мамыд бёрдіс тэнö колльёдігён? А со тә локтін нин. Кадыд, зонмө, төв нырён лэбб. Он и тёдлы, пёрысьман. Нуръяссый, господин Чибисов, энö яндыссый. Миян прёстёя...

Катя, Соня и Маша, Володялён куим чой — медыджыдыс дас оти ароёса — пукалісны пызан саяс да синъяснас сейисны выль тёдсанысö. Чечевицын Володялён коды арлыда, судтанас сэтшом жё, но кос-ньюддыхык и пемыдджыхык вир-яя, беринёс чужёма. Сійо пукаліс зумыша, чола, и ньётчыдыс эз нюмды. Нывкаяс сы выль видёдігён пырысътём-пыр гёгрвоисны, мый сійо, бурако, ыджыд вежора, велодчом морт. Сійо пыр мыйкё ассыс юрас бергёдліс и мёвпъясас сы выйодз воятчыліс, мый немтор эз кыв, сомын тір-тірмунліс, кор мыйкё юавлісны да корліс нёштаясь юавны.

Нывкаяс казайлісны: и Володяныс, век сёрниа да вашъялыш, тайо пёртъя этша варовитліс, эз вашъяв да бытъё эз и радлы гортас воымыслы. Чайсö юигён сійо ётчыдыс и шыасыліс чойяс дінас, и то кыдзкө тешкода. Чуньнас индіс самоварында шуис:

— А Калифорниянын чай пыдди джин юёны.

Сійо мыйкё ассыс жё мёвпаліс, и став сертиыс, тайо мёвпъясыс зэв ёна лёслясны Чечевицын мёвпъяскод.

Чай юём бёрын ставон мунісны челядь жырий. Батыс нывкаяскод пукисине пызан сайо да бара босытчине ёлка чачаяс вочалан уджас, коди торксылыс зонкаяслон воымысь.

Тайо волі өзтана да шыя-гажа удж. Уна рёма кабалалыш вочом быд выль дзоридзлы нывкаяс долыда горёдлісны, а мукоддышылыс повзёмпрысы, бытъё дзоридзыс енәжсяныс усылі; батыныс ним-кодясыліс жё да кадыс кадо ножичсö, ныж по да, скорыс чвачкыліс джоджас. Мамыс, зэв тёждысяна чужёма, котрён пыраліс челядь жыръяс да юавліс:

— Коди менсым ножичсö босытіс. Бара тә, Иван Николаич, менсым ножичсö босытін?

— Господьёй-Енмой, ножичтö нин оз сетны! — бёрдана, шызыём гёлөсөн вочавидзліс Иван Николаевич да весьшорё дойдом морт моз шыбитчыліс улөс мыш вылас, но здук мысти бёр бурастьліс да бара нимкодясис.

Воддза волігъясас Володя босытчыліс жё ёлка чачаяс вочалан уджас либо котравліс видёдны, кызды ошина улас кучерныс да мёс видзысыныс лымъя чой вочоны, но оні и сійо, и Чечевицын колины дзик веськодьёс ёлка чача вочаломас, и конюшняс эз ветлыны, а мыйкё вашкодчине ошина дорас пуксъомён; сесся восьтісны география атлас да ётвылыш кутісны видёдны күтшомкё карта.

— Медводз — Перымо... — вашкодіс Чечевицын... — Сэсянь Тюмень... сесся Томск... сесся... сесся... Камчаткао... Тасянь самоедъяс пыжъясон буджёдасны Берингов пролив пыр... Со тэныд и Америка... Сэні уна дона куа зверыд...

— А Калифорния? — юаліс Володя.

— Калифорния улынджыхык... Мед сомын Америкаас веськалам, а Калифорнияыд абу сизим нёрыс сайын. Овны кутам кыйсъём да грабитём помысь.

Чечевицын лунтыр ётдорчыс нывкаясыс да видёдіс на выль бугжыльён. А рыйтая чай бёрын кыдзкө коли накод ётнасөн. И чөв овнысö бытъё эз вөв лёссыд. Сійо скорыськодь кызёктіс, зырыштіс веськыд ки пыдёснас шуйга кисё, зумыша видёдліс Катя выль да юаліс:

— Ти лыддылінның Майн Ридös?

— Эг, әг лыддыв... Кызвой, а ті кужанның конъкиён иславны? Аслас мөвліясо вайтчома, Чечевицын эз вочавидз юалом вылас, а сомын ыджауда польтліс бар бокъяссо да сэтшома упкобтіс, быттың пәдіс жарысла. Сәссе бара ләптыліс синъяссо Катя вылө:

— Кор бизон чукёр төвзөй пампасъясад, сәки мұыс тірало и весьбөрөм мустанғыас чужъясыны да гөрдлөны.

Чечевицын шога нюммуніс, содтіс:

— А сізджо индеецъяс усьласьбыны поездъяс вылө. Но медся лёкыс москитъяс и термитъяс.

— А тайё мыйя?

— Бордъя кодзувкот сямаөс. Атто ёна курчасьёны. Тоданың, коді ме?

— Господин Чечевицын.

— Абу. Ме Монтигомо Варыш Гыж, вермыны позытмъяслён юрнуодысь.

Маша, нывқаяссың медся дзоляникис, видзёдліс сы вылө, сәссе ўшиняс, код сайын рытъя рөмүд нин пуксис, шуис мөвлапломон:

— А төрт миян чечевица пулісны.

Чечевицынлөн гёгөрвотом сёрниыс, Володяқод дугдывтөг вашкодчымыс, и сійө, мый Володя эз дур-ворс, а век мөвлапіс — ставыс тайё волі зэв тешкодьён. И кык ыджауджык нывқаис, Катя и Соня, күтісны сюся кыйбачыны зонкаяс бөрся. Рытнас, кор зонкаяс лөсьодчинсны узыны водны, нывқаис өдзөс пырыс гусьоникон кызвісны налысса сёрнисо. О, мый найё төдмалісны! Зонкаяс лөсьодчомаөс пышайны кытчоқо Америкаө зарни перыйыны; и туяс налён ставыс нин дась: пистолет, кык пурт, кос нянь, ыдждодан стеклө (би перыйыны), компас и нёль шайт съём. Нывқаис төдмалісны, мый зонкаяслы ковмас мунны некымын сурс верст, тышкасны тигръяскод, дикаръяскод, сәссе перыйыны зарни да судзодны слонёвой лы, виавны вөрөгъяссо, лоны саридзса рөзбойникъясон, юны джин и медбөрын гөтрасыны мича нывъяс вылө да уджавны плантацияяс вылын. Володя и Чечевицын сёрнітісны зэв пося, ёта-мөднысө торкаломон. Асыссо Чечевицын шуис «Монтигомо Варыш Гыж», а Володяөс — «кельыд чужома менам вок».

— Тә смотри, мамалы эн висьтав,— өлдіс Соняөс Катя, кор мөддөчинсны узыны водны.— Володя Америкасыс ваяс миянлы зарни да слонёвой лы, а мамалы кө висьталан, найёс оз ләдзны.

Куття лун паның Чечевицын куз лунтыр видзёдіс Азиялысса карта и мыйкө пасъяліс, а Володя, күтшомкө ньожмыд да польтчом, быттың мазі чушкомуа, зумыша ветлодліс жыръясті да немтор эз сей. И ётчиңд весиг сувтліс челядь жыръын образ водзо, пернапас чөвтөмөн шуис:

— Господьой, прости менё, грешнойойс! Господьой, видз менсым конъёр, шудтөм мамаөс.

Рытланыыс бөрддзис. Узыны мунігас дыр кутліс мам-батьсо, чойяссо. Катя да Соня тодісны, мыйын делёыс, а ичотик Маша дзик немтор эз гёгөрво, сомын думыштчыліс Чечевицын вылө видзёдлөм бөрын да ышловзьомон шуліс:

— Видз дырий, шуо няня, коло сейни анькытш да чечевица.

Куття лун асылы Катя Соняқод гусьоникон чеччинсны вольпасыныс и мөддөчинсны видзодлыны, кыдзи зонкаяс кутасны пышайны Америкаө. Шышъяс моз матыстчинсны өдзөс дорас.

— Он, сідзкө, мун?— скорысса юасис Чечевицын.— Висьтав: мунан он?

— Господьой!— лоңя бөрдіс Володя.— Кыдзи нө ме мунан? Мамаөс жаль...

— Кельыд чужома вокой, мунам! Ачыд эскодін менё, мый мунан, менё ышодін, а кадыс воис да повзин!

— Эг повзыы... А мамаөс жаль.

— Тә висьтав: мунан он?

— Муна, сёмын нёрөвитышты. Меным гортын окота олыштын.  
— Сідзкө, ме ачым муна! — чорыда шуис Чечевицын.— Тэтёг овсяс. А көсийн тигръяс вылёр кыйсыны, тышкасьны! Вай либо менсьым пистонъяссо!

Володя сэтшом курыда бёрдзис, мый чойяс ээ вермыны кутчысыны да тшотш бёрдзисны. Пуксис чөв-löнь.

— Он, сідзкө, мун? — нөшта отчыд юаліс Чечевицын.

— Му... Муна.

— Пасьтась либő!

И Чечевицын Володяös ышёдём могысь быд ногыс сылы ошкис Америка, тигр моз эргис, аснас петкодліс паразод, видчис-пинясис, көйисис сетны Володялы став кыйём тигрыслыс да левыслыс күсö, став слёнёвой лысö.

Чорыд юрсия, беринёс, косиник да съёдіник тайё зонкаыс житчис нывкаяслы висътавны позытом чуймоданаён. Тайё волі герой, немторийс повтому морт, и эргис сійё сідзи, мый өдзёс саяс суалігён и збыльыс позис чайты тигрён либő левён.

Кор нывкаяс воисны ас орданыс и мёдісны пасьтасыны, Катя синвата тыра синъясöн шуис:

— Ак, ме сэтшома пола!

Кык часодз, пажнайтны пуксытодз, ставыс волі чөв-löнь, но пажнайтігас казялісны, мый детинкаяс абуёс. Істайлісны корсыны слуга-казак оланінö, конюшняö, приказчик дорö флигеляс — неконі найё ээ вёвны. Мёддлісны сиктö — и сэтыс ээ сюрны. И чай сэсся юисны зонкаястöг жö, а кор пуксисны ужнайтны, мамныс зэв ёна майшасис, бёрдіс весиг. А войнас бара ветлісны сиктö, корсисны, ветлісны понаръясöн ю дорö. Енмой, кутшома ставон шызисны!

Аскинас воліс урядник, кутшомкё кабала гижисны нуръясян жырын. Мамныс бёрдіс.

Но со кильчо дорас сувтіс рöзваль, и куим еджыд вёвсян пуркайис-кайис ру.

— Володя воис! — городіс кодкё öшинь улас.

— Володечка воома! — тёвостіс Наталья, сёян жыръяс котёрён пыригмоз.

И Милорд бара увтіс кыз гёлөсөн: «Гав! Гав!» Вёлёмкё, зонкаясöс кутомаёсъ карас, Гёстиной дворын (найё сэні ветлодлёмаёсъ да быдёнлысъ юасьомаёсъ, коні порок вузавсъ). Володя дориас пыром бёрын и уськодчис мамыслы голя вылас. Нывкаяс тірзисны да весьбопрёмөн думайтисны, мый оні лоё, кывлісны, кыдзи батьныс пыртіс аслас кабинетö Володяös да Чечевицынöс и дыр сэні накод сёрнитіс, и мамныс сёрнитіс жö да бёрдіс.

— Тадзи оз позы! — эскодіс батьныс.— Ен мед видзас, кывсяс кё гимназияд, вётласны кыкнантö. А тіянлы яндзим коло тёдны, господин Чечевицын. Абу мича. Ті тайёс панысыс, и чайта, батьмамыд велодасны. Тадз өмөй позы? Ті коні узинныд?

— Вокзал вылын! — тшапа вочавидзис Чечевицын.

Володя сэсся куйліс, и ю бердас сылы пуктылісны уксусөн кётодём ки чышкод. Істісны кытчоё телеграмма, мёд луннас воис Чечевицынлон мамыс да нуис ассыс писо.

Мунігас Чечевицынлон чужомыс волі ыкша да нюмпастом, и нывъяскод янсöдчигөн сійё кыв ни джын ээ шу; сёмын босытіс Катялыс тетрадь да колис казтылан пас: «Монтигомо Варыш Гыж».

## Шуштёмлун

Рытъя рёмыд. Гырысь, васёд лым чиръяс дышиника гарчоны уличывса сёмын на ёзтөм понаръяс гёгор и небыдика поньталёны йёзлесъ шапкайссо, пельпомъяссо, керка вевтъяс да вёвъяслысъ

мышъяссö. Коллысысь Иона Потапов лым сюръя кодь. Сiйöй иёжгылтчома да додь водзас пукалö шы ни тёв, вörзьöдчывтöг. Вöлыс сылон еджыд жö, дзик вöв мыгöра преник кодь, кодос тай быд пельбесин öти урыс вузалöны. Ассыс жö, буракö, мыйкö юрас бергöдлö. А кыдзи нö он мёвпав-майшась, ториöдисны кö гёрсыс, сиктса руд серпасьясыс, кодъяс дiнö велалöмыд нин, шыбитисны тайö уна бияса, шума-гама да жуясь йöз тыра вабергачас.

Иона вöлыскöд важён нин сулалöны. Петисны гортсыныс лун шöрдзыс на, а панассö на ээ вöчны. И со карсö шымыртö рыйтъя рöмыд. Тайö рöмыдас пöнаръяслöн биясыс быттьö ловзьöны, лöны югыддыхыкös, а уличывса шыясыс содöны.

— Коллысысь, Выборгской вылö! — кылö Иона. — Коллысысь!

Иона тир-тирмунö, и лымийессöм син лысъяс пырыс аддзö капюшона шынеля военнойöс.

— Выборгской вылö! — мёдьись шуё военной. — Узян али мый? Выборгской вылö!

Иона согласа тракнитö вöжжияссö, сылон пельпомъяс да вöв мыш выльись пластон-пластон гылалö лымийис. Военней пуксö доддяс. Коллысысь чупнитö, юс моз нюжöдö сылис, да ёнджыкасö мода вылас, велалöма нин да, öвтö орснас.

Вöлыс нюжöдö жö сылис, жöдзыштö и кыдзкö родигтырии вörзьё.

— Кытчö зыран! — пемыдсыс пырысътöм-пыр жö кылö горёдомъяс Иона. — Кытчö тэнö омольясыс нүёны? Босыт веськыдвылö.

— Ветлöдлынысö морт туйыд абу! Веськыдвылö босыт! — скоралö военней.

Видчö каретаса кучер, скорысь видзöдö да сосъяс вывсыс лымсö пыркöдö туйсö вуджигён вöв нырё зурасьём морт. Иона емъяс вылын моз пукалö, йёткасъё гырддаяснас, — кодзлалö синъяснас, быттьö кольмёма и оз гёгöрво, кёни да мый керё.

— Кутшöм наянёсъ ставён! — шмонитö военней. — Сидзи и кыйдöны зурасьны либö вöв улас пырны. Тайö найё сёрнитчомаёсъ.

Иона бергöдчомён видзöдlö сы вылö да тяпкöдö вомсö. Мыйкö эсъё, буракö, шуны кёсёй, да немтор оз пет пытшсыс, нускё сёмын.

— Мый? — юалö военней.

Иона зильё нюммунны, зэлöдчылö да кывмён нин нускё:

— А менам, барин, мыйкö... пиёй кувсис тайö вежон.

— Гм... Мыйысъ нö кувсис?

Иона бергöдчö став тушанац да висыталö:

— А код тёдö? Биа висьомысъ кё-а... Куим лун куйлис больничайын и кувсис. Кыдзи Ен шёума.

— Кеж, дявёл! — кылö рöмыдас. — Синъястö воштiн ли мый, пöрысъ пон!

— Мун, мун... — шуё доддяс пукалысыс. — Тадзтö ми аскиёдз огвой! Тэрмёдлыши!

Извозчик бара нюжöдö сылис, кыпöдчыштö да сьёкыда-пырысъкодь öвтыштö орснас. Сэсся некымынысъ видзöдlö мыш саяс пукалысъ вылö, но мёдьис синъяссö кунтыралö, оз нин окотит кывзыны. Сiйöс Выборгской вылö чеччöдöм бöрын бара иёжгылтчö воддза пуклöс вылас да вörзьöдчывтöг тытвидзö. Ва лымийис выльись еджöдö и ассысö, и вöвсö. Кольё час, мёд...

Туйбокса моски кузяис колошъяснас гораа тотшкёдигтыр мунёны куим том морт: кыкыс кузь да вöсни мыгöраёсъ, коймёдис — ляпкыдик да горба.

— Коллысысь, Полицейской пос дiнö! — кутшöмкö зёлякылан гёллöсон гораё гёrbayis. — Куимнаннымёс... Кызь ура.

Иона тракиö вöжжисö да гурйöдлö. Кызь ураыд, дерт, этша жö, но Ионалы öni веськодь... Мый шайт, мый вит ура — мед сёмын кодкö мунысыс вöлi-а... Том йöз, ёрчём сорён да öта-мёдсö тойлалигтырии, матыстчоны додь дiнас да куимнаныс öтпирё зильёны вожасыны пуклöс вылас. Пансö зык: код кыклы пукавны, а кодлы

сулавны. Дыр вензьём-пинясыём-ыджалом бёрын кыв көрталоны: сулавны гёрбасылс, сій медся ляпкыд.

— Но, вётлы! — зёлякыл гёрбас, доддяс лосьбичгозыс Ионалы балабёжас лолало.— Рез! Но и шапка жо тэнад, друго, лёкджыкс Петербург пасьтасыс он адзы.

— Гы-ы... гы-ы... — гигзю Иона.— Кутшом эм...

— Но, тә, кутшом эм, ѡддзёд! Тадзи и кутан кыссыны? Да? А сыліад кё?

— Юрой пото-висьё... — шуё кузяс писыс ѿтиыс.— Торыт Дукмасовъясын ми Васъакоид кыкён нэль доз конъяк юим.

— Ог гёйрво, мыйла пёръясынс! — скорало мёд куз тушаас.— Скотина моз пёръяс.

— Ен мед ёрас, пёръяс кё. Сё збыль!

— Той несъялам көдь жо тэнад збыльыд.

— Гы-ы! — шешъял гёрбас.— Гажа войтыр!

— Тыфу, мед тэнё Омольясы... — пузю гёрбас.— Тә, пёрысь выжыв, ѡддзёдан он? Тадз мой ветлоны. Вурышт сійос орснад! Но! Но! Мёрччанаджыка сійос!

Иона кыл, кыдзи став тушанас гыбало да гёлоснас зельбичо гёрбас, кыл сійос быд боксян кырссём-видомс, аддзё ѹзсө, и мороссö личкыс ѡткалуныс вочасон лэдзыштö. Гёрбас пиняссы сы выйодз, мый тшокмунё да семдö кызомысл... Кузясын паноны сёрни кутшомк Надежда Петровна йылыс. Иона бергёдчыл налань. Виччысыштö сёрни косталомс да негораа висьтала:

— А менам тайё вежонна... мыйк... пиой кувсис...

— Ставным кулам... — ышловзю гёрбас семдылём бёрас вом доръяссö чышкалігтыр.— Но, вётлы, вётлы... Господа, ме сэсся ог вермы... Кор ми воам?

— А тә сійос збомёдышт... сыліас!

— Кылан, пёрысь колера? Тәча сыліад! Тіянос кё жалитны, подён ковмас шняпикассын!.. Кылан он, Змей Горыныч? Али тәд веськодьось миян сёрниясны?

И Иона кыл — ёнджыкас пельяснас,— кыдзи сылы сыліас варталоны.

— Гы-ы... — гигзю сійо.— Гажа войтыр... мед Ен дзоньвидзалун сетас.

— Тә гётыра? — юасю кузыс.

— Ме? Гы-ы... Гажа войтыр! Менам ѿни ѿти гётыр — кыз мусы... Хи-хо-хо! Гу, мёд ногён кё. Пиой со кул, а ме ловъя... Смертыс ѡдзёснас сорсёма. Ме пыдди пи доро локтому...

Иона бергёдчо пукалысъяланыс, медым лючки-ладнё висьтавны пи кулём йывсыс, но гёрбас кокныдика ышловзю, мый Ен сыкёдён, воисны. Кыз урасё босытём бёрын Иона дыр на видзёдис мунысъяс бёрысыс, кодъяс сэсся дзумгысисны пемыд подъездö. И бара сійо ѡтнасон чёв-лоняс. Недыр кежёл пышылём пом ни дор съёд шогыс мороссö важ дорсыс на ёнджыка чашкодö пытшкобсяныс. Поткодас кё мороссö, сэки, чайтсю, став таладорс аснас ойдёдас... и век жо сійо оз тыдав... И сэтшом ичёт кытш тёрёдчома, мый луннас биён он адзы.

Иона казяліс киас тубраса дворникос да мёвпыштіс сыкод сёрнитышты.

— Кымын час нин лоё? — юало сійо.

— Дасод... Мун, мый татчо сувтін!

Иона вешийштö, ѹёжгыльтчо да бара вётчо шог пиас... Йёз дінас весьшпрөсö оз нин кёсіы шыассын... Но некымын здук бёрын сійо веськодчо ыджыд дой кылём бёрын моз, пыркнито юрнас, тракнито вожжис... Сылы висьтавны позытём събкыд.

«Гортö, — мёвпало сійо.— Гортö!»

И вёлыс, быттю сылыс мёвпяссö кылёмён, кутё рёдтыны. Часондженйён кымын мысти Иона пукало нин ыджыд да няйтсём пач

дорын. Пач вылас, джоджас, лабичъяс вылас — быдлаын шкорғоны... Сындыс събықыд да тшына. Иона видзёдö шкоргысыас вылö; сïйö кайтчö нин гортас водз локтöмысь...

«Весиг вölöйлы зёр вылас эг нажёвит,— мёвпалö.— Сысыс и шог... Ассыс уджсо тöдись мортлон... коди и ачыс пёт, и вölыс оз тшыгъяв... съёлёмис век места вылас...»

Оти пельёссыс чеччö том колльысысьс, унзïля кызöктыштö, нюжöдчö ва тыра ведралань.

— Горшыд косьмис?— юалö Иона.

— Косьмис, сïдзк...  
— Но... На здоровье... А менам пиой кувсис... Кывлïн? Тайö вежон, больничаын... Со мый лои...

Иона видзёдö, кутшома вörзьёдас сылён юёрыс ва юыссыс, но немтор сэтшомсö оз казяв. Том мортыс шебрасьома юр выйтïыс да узьö нин. Пöль ышлолалö да гыжъяссы... Том мортыслён горш косьмом кодыс жö сылён сёрнитнысö окотитöмыс вölі.

Вежон нин коли пи кулёмсянныс, а сïйö некодкöд лючкисö ээ на и сёрнитлы. А колö эсъкö — тэрмасытöг, косталёмъясён. Колö висытавны, кыдзи пыыс висымис, кыдзи майшасис, мый шуалис кулём водзвылас, кыдзи кул... Висытавны дзебём да больничаас пыыслён пасыкёмла ветлём йылысь. Грэздас колис на Анисия ныв... Сы йылысь колö жö сёрнитышты... Этша öмёй на сёрнитанторыйс? И мед эсъкö кызыссыс ышлолалис, окайтис да акайтис, лыдьёдлёмён лёвтышталис... А нöшта бабаяскöд бур сёрнитны. Найö кöть и веҗörtöмёс, а кык кыв бöрын и бöрдзёны.

«Петавны вölöс видзёдлыны,— мёвпалö Иона.— Узьнытö удита. Пöttöдз на узьсяс...»

Сïйö пасытасьö и мёдöдчö конюшнялань. Мёвпалö зёр, турун, поводя йылысь. Пи йывсыс öтнасан оз нин вермы мёвпавнысö... Кодкöдкö сёрнитышты сы йылысь позьё, но мёвпалёмыс да син водзас сылыссы мыгёрсö сувтöдöмыс весьбöртö-повзьёдö нин.

— Няклясян?— юалö Иона, вölыссыс югъялысь синъяссö аддзис да.— Няклясь, няклясь... Зёр вылад кö эгö нажёвитой, турун сёян да-ай... Да... Пöрыс нин ме лои колльысынты... Пилы эсъкö колльысыннысö ме пыдди... Сïйö прамой колльысысьс вölі... Овны на эсък...  
Иона мыйкö дыра кежлö чёв усылö, сэсса бара шыасьö:

— Сïдзи тай, кöбылочкай... Абу Кузьма Ионычны... Дыр овны тшöктис... Босытис да кувсис весьшöр... Со, шуам, тэнад чибук, а тэ сылы мам... И нем виччысytöг кувссы чибукуыд... Жаль öд?

Вöлыс няклясьö, кывзö, лолалö кöзяинислон кияс вылö...

Иона вароммö да висытасьö сылы...

## ШМОНЬ

Сэзь тёвся лун. Пашляк лыйсö, кöдзыд, и менö сойбордийд кутыссы Наденькалон эзысса гыёralома кёсича гёгёр юрсыс, вылыс пар весьтас муртса тöдчись сïясыс. Ми сулалам джуджыд чой вылын. Миян кокъяс дорсянъ чойыс зэв кузя да ныывкёса увланъ лэччö, и ныывкёс вылас рёмпöштанын моз ворсöдчö шондi. Миян дïнын югыдгöрд нойён эжём дадь.

— Исковтамöй, Надежда Петровна!— кевмысса ме.— Сöмын öтчыдись. Немтор миянкöд оз ло!

Но Наденька полö. Ставнас йиа ныывкёсис, Наденькалон ичöтик колошъяссынныс да муртса тыдалыссы помöдзыс, кажитчö весьбöртана джуджыдён. Съёлёмис сувтöлö, и лов шыыс пытшас йöрмýлö чой

улас видзёдігён, кор ме сылы сомын на вёзъя исковтнысö, а мый лоö, збймёдчес кё да тёвзыштас улас. Кулас ли, йоймас ли.

— Исковтам! — шуа ме. — Оз ков повны. Оз ков лоны сэтшом польсыён.

Наденькалы век жё имитö менам кевмёмой, но ме чужём сертиыс казяла сылысь поломсö. Ме сийös, коньёрös, тіралысьös, пуксьода даддяс, топодышта киён, и ми тёв ныр моз лэччам чой нылыдыс. Миян дадьным лэбзьё пуля моз. Сыён поткёдом сынёдыс кучко чужёмбанö, шутъляло пельясын, чеплясьё скёрысла, муртса юрös оз нетшышт пельпомъяс вылысь. Сэтшом ён, мый пёдтö, лолавныто ниномён. Быттьё Антусыс нин сывъяліс миянös да кысқö ад гуранас. Миян гёгёр ставыс йитчö кузь да бёрланьё зэв ёдё колысь оти визьё. Чайтсö: нёшта здук — и ми пасьмунал.

— Ме тіянös радейта, Надя! — вашнита ме.

Дадьным ёдсö вочасон чинтö, толыслон ыргомыс да дадь сювъяслон дзуртомуыс абу нин сэтшом повзьёдана, и со ми чой горуласось. Наденька кулома нисьё ловъя.

— Мёдьись сэссе немторыйыс от исковт, — шуё да видзёдё ме вылё повзьё синъясон. — Дзик немторыйыс! Ме муртса эг кув.

Здук мысти сийö сайкалыштö да юасяна нин видзёдё менам синъясö: збыльысь ме шуи тайё нёль кывсö али воча тёв шыыс ылодліс? А ме сулала сы дорын, куритча да сюся видзёдала чуня кепысысöс.

Сийö крукуыштö менö сой кусыньёд, и ми дыр ветлодлам чой пёлөнис. Кывломаис сийös шызыьёдö. Збыль шуи кывъяссö али эг. Шуи эг? Шуи эг? Тайёс оні бытть колё тёдмавны.

Надя, терпенниьосыс петомён, видзёдлывлö чужёмё, лёсявтöг вочавидзалö меным, виччысö, ог-ö ме ачым висьтась. А кыдзи ворсöдчö сылон чужёмис, кыдзи ворсöдчö! Ме аддза, мый сийö вензьё аскёдыс, мыйкö кёсёй шуны, мыйкö юавны, но колана кывъясыс оз сюрны, сийö и полё, и радлё, и мыйыськö яндысыштö...

— Тёданныйд, мый? — шуё ме вылё видзёдтöг.

— Мый? — юала ме.

— Вайё нёшта отчыд... тёвзыштам.

Пос кузя каям чой йылас. Ме бара пуксьода поломыслы тіралысь да кельдёдыштöм Надяös даддяс, и ми бара лэбзямо пыдёстом гуранас, бара толыс ыргё воча, и дадь сювъясыс дзуртёны, и ме тайё шыяслас вашкода Наденькалы:

— Ме тіянös радейта, Наденька!

Кор дадьным сувтö, Наденька чётвлö видзёдлассö чой вылас, сэссе дыр видзёдё менам чужёмё, сюся кывзысьё менам веськодь гёлөсö, и ставнас, ставнас — весиг муфтаыс да башлыкыс, ставнас мыгёрыс сылон петкёдлёны сылысь дзикöдз шойёвошомсö. А чужомас быттьё гижома: «Мый тайё? Коди нё тайё кывъяссö шуис? Прёста кылсны?»

Тайё тёдтöмлунис шызыьёдö и дёзмёдё сийös. Жалюк, менам юасьомъяс вылё чёв олё, зумышмё и дась бёрдзыны.

— Гашкё, гортланьё? — юала ме.

— А меным сьёлём вылё воис! — вочавидзё, а ачыс гордёдö. — Нёшта отчыд тёвзыштам?

«Сьёлём вылас воис», а даддяс пуксигён ёдва лолалö поломыслы. Ми исковтам коймёдьись, и ме казяла, мый сийö кыйёдö нин менö, видзёдё меным веськыда вомё. Но ме ляска вом дорё состём носёвой чышъян, кызоктыштала, а чой джынъяс удита вашнитны:

— Ме тіянös радейта, Надя!

И нёдкывыйис кольё нёдкывыйён! Наденька чёв олё, мый йылысь кё мёвпалё. Колльёда гортас, сийö зильё мунны ньожёдьжика и пыр виччысö, ог-ö ме шу сылы тайё кывъяссö. И аддза, кыдзи майшасьё сылон лолыс, окота шунысö да: «Оз вермы лоны, медым толыс вашкёдис. И ог кёсйы, медым толыс!»

Аски асывнас меным вайёны гиждотор: «Талун кө чой йылас мунаныйд, пыралой мела. Н.»

И тайё лунсяныс ми быд лун ветлам Наденькаюд исласьны, и даддяс чой нылыдыс төвзигён ме век шёпкода:

— Ме тіянёс радайта!

Вочасон Наденька ториёдны позытёма велало тайё нэль кывъяс. Натёр и овныс оз вермы. Дерт, чой йывсяныс исковтныс оз важ моз полё, но тайё полёмис да ыдъясымбыс вёчёны нэль кывсё нёшта на мусаён да коланаён, ловсё нёшта на ёндыхка майшёдланыён. Нёдкывыйс тёдмавтём на, ме али воча ыргыс тёлыш вашкодч, но Наденькалы веськодь нин, кутшом дозайтыс юны, мед сомын коддзыны.

Коркё отчыд лун шёринас ме мёддочи исласяннас ётнамон; йоз чукёрас пыром борын ме казялі, қыдзи чой дорас матыстчо Наденька, корсю менё синъяснас... Сэсся полігтырий кайо пос кузяыс... Сэтшома полё ётнасон исковтныс! Лым кодь еджыд, тірало, быттью мунё ловсё босытаннё, но век жо мунё и мунё — сувтлытог, бергёдчытвтог. Быть кёсий тёдмавны: ётнасон исковтігён кыласны оз шемёсмодана кывъясыс. Ме аддза, қыдзи весьбөрёмысла восьса вома, быгалом чужёма, пуксью даддяс, кунью синъяссю, и, быттью мусыскод век кежлө янсөдч, ѹйткыштч. «Жжжж» — дзуртёны дадь сювъясыс. Мыйкё кылёт оз Наденька, ме ог тёд. Аддза сомын, қыдзи сійо, дзик эбостом, чеччө дадьсыс. И чужём сертиыс тёдч: сійо и ачыс оз гёгөрво, мыйкё кывліс ээз исковтігас... Мырддылёмма полёмыс сылыссы кылан сямсө.

Со рака тёлыш, тувсовъя тёлыш воис. Шондыйс меліджык нин. Миян исласяннным съёддё-пемдё, вошто рёмпощанлыс югъялан рёмсө, а медбөрти сылёт. Ми ог нин исалай. Коньор Наденькалы некони кывны сійо кывъяссю, да и вашкодныс некодлы: тёв ныръяс дзебисин-лонисны, а ме лосьёдча Петербург — гашкё, и век кежлө.

Коркё, муном водзвылын лун-мёд, рыйтъя рёмыдас пукала садиқын, а садиксю да Наденькалыс керкасю ториёдё джуджыд көрт потшёс... Биркыд на, куйод чукёръяс улын лым на еджыдвезд-куйлө, пүяс узьёны на, но ывлалыс тулыс кёра нин, рыйтъяснас, узыны лосьёдчиганыс, чёв-лоньсё шызыбёдёны съёд ракаяс.

Ме матыстча ѹёр дінас да дыр видзода потшёс костёдыс. Аддза, қыдзи Наденька петё кильчо помас да жугыля видзёдё енвевтас. Тувсовъя тёвруыс польтыштало блед чужомас. Тайё тёвруыс казтыло ныр-воманым ыргыс сійо тёвсю, код дырий Наденька кывліс съёлёмсө вёрзёдана нэль кывсё, и чужомыс сылон лоё шогсыс-шогён, синваис бар бок кузяыс исковтё... И сійо нюжёдё кияссю тёвланыс, быттью корё нёшта отчыдыссы вайёдлыны съёдз тайё кывъяссю. И ме, кор тёлыш польтыштало сылань, вашкода:

— Ме тіянёс радайта, Надя!

Енмёй, мый тайё здукас вочьсю Наденькаюд! Сійо горёдлө, вашъялө став чужомнас да бара нюжёдё кияссю тёв паныдыс, долыд, шуда, рочакань кодь мича.

А ме муна лосьёдчыны туйё...

Важён нин тайё волі. Наденька оні верёс сайын; сетісны-о, ачыс-о петіс — көтүссе ыдъя... Куим челядьёс быдтё, верёсис — дворянской опекаись секретарь.

Миянлён отувъя исаломным круг чой йывсяныс, «ме тіянёс радайта, Наденька» кывъясыс, кодъясоц вайёдліс вилыш тёлыш, сылон абу вуномаис; тайё сылон оломуын медся югыд, медся шуда, съёлёмсө медся вёрзёдана казтыломъяс.

А ме оні, ыдъяджык арлыдаси да, и ачым ог тёд, мыйла сійо кывъяссю вашкоді, мыйла шмониті...

# Налим

Гожся асыв. Івла вылас — шы ни тёв, сөмын ю дорас кёнкө чирк сылёр да вылісін ләбач шыасълёр. Енәжас төврутом лёныыла оз кывтны, а суалалоны едкызд кымёр чиръяс, бытты лым кисьтома... Купайтчанін стройтанінын, бадъяс улас, ва пиас ыздочо плотник Герасим, кузь да косінік мужичой, гордоват кудрия юра, гонсялом чужома. Сійө съоқыда кашкө, ышлолало да зільомыса синъяссө лапийдлөмөн мыйкө судзодо ва пыдоссяныс кайысь бадь пу вужъяс увсыыс. Герасимсян гоз воськов ылнаын, голяйдзыс ваян, суало плотник Любим, горба айлов, том на, куим пельбоса чужома да китаечлон моз муртса потыштом синъяса. Кыкнаныс, Герасим да Любим, дәрәм-гачаобсь. Баас чассыс дырдыхык нин пукаломысь ләздомаобсь.

— Мый тә ётаро кинаад зуродан? — горзә горба Любим, а ачыс тірало, бытты биа висъомөн висъо: — Тыртөм юр! Кут сійөс, кут, уйкнитас, югыд бугыльыд. Да кут, мися!

— Оз уйкнит... Кытчо сылы уйкнитныссо? Кокора улас пырёма... — кысъко рушкусыс писъодчыс кыз голёсөн вочавидзё Герасим. — Нильёг, сотанаыд, кватитныссо некыздзи.

— Тә сійөс нәкчимъясадыс, нәкчимъясадыс.

— Оз сюрны нәкчимъясыс да... Энлы, мыйодкө кватиті... Лъобиодыс, буракө... Курччасьо!

— Эн кыскы лъобиодыс, ләдзан. Нәкчимъясадыс, нәкчимъясадыс! Бара кутіс кинаас зуродны! Но и идортөм жо тә морт, прости господи! Кватит нин!

— «Кватит», — неро сійөс Герасим. — Лөсүзд камандуйтнытö. Лок да кватит ачыд, горба чорт. Мый суалан?

— Кватиті, позис кө... Кыдз нө ме джек судта тушанас джумас сувта?.. Сэн джуджыд.

— Немтор, джуджыд кө. Варчыштан.

Горба ёртыс шеныштö кияснас, варччо Герасим доро да шашаритчо бадь увъясас. Видло сувтны кок вылас и пыр жо дзумгыссо ва улас.

— Шулі, джуджыд меным! — шуо сійө Герасим вылө синъяссө скорысь сувтөдомөн.

— А тә кокора вылас сувт. Тані кокоралыс зэв уна, вевся, пос вылын моз позьо сулавны.

Горба ёртыс корсю кокляборнас кокора да бадь увъяссө кисыс ләдзтөг сувтö сывлө.

Лючки-ладнö крепыда сувтөм бöрын, копыртчо си выйодз, мед вавыс вомас эз жо пыр, да веськыд кинаас кутö лукыйны ва пиас кокораяс гёгёрыс. Здук-мёд мысти сиылыс кисо ёс клемшняяснас бытшкө рак.

— Тэнö нöшта эз аддзывны татысь! — шуо Любим да лёкысь чивгö раксо кыр йылас.

Медбöрын Любим аддзё Герасимлес кисо да сылён ки кузя воодчо мыйёкө нильёг да көдзыд.

— Со көні сійө, — шешмуні Любим. — Ён, сокъя тшак! Нолтö, личодышт чуньястö, ме сійөс... нәкчимъясадыс... Энлыв гырдзанад, ме оні сійөс, мед сөмын веськалас кабырё-а... Пыдё кокора улас пырёма, оз и сюр ки улад... Көн на по и юрыс... Кынёмис сөмын вильсъялло... Номсо голя вылысь ви — золитö. Нолтö, нолтö... ме сійөс нәкчимъясадыс... Пыр боксяныс, тойлы сійөс, тойлы. Чуньнад тойлы...

Горба ёртыс, лов шыссо пытшас йортөмөн, бап бокъяссө польтөмөн да синъяссө быльдомөн, буракө, пырё нин чуньяснас черилөн нәкчимъяссо, но бадь увъясыс шуйга ки увсыыс тайо здукө чегёны, и сійө кокора вывсыыс бузгыссо ваас. Кырсяныс, бытты повзьомаобсь,

ю шёрланыыс котёртёны кытшъяс, а усьёмин весьтас ва веркёсас кайёны вабольяс. Мыччысыо сэсся ва увсыыс и гёрбасы, васо съолалигтыр шашаритчо увъясас.

— Воян ешё, лешак, кыв кутны сэсся тэ вёсна ковмас! — киргё Герасим. — Мун татысь, чörту! Ачым кыска.

Пансыо зык... А шондыйыс пёжо... Дженьдаммёны вуждёръяс, а сэсся и дзикодз ас пытшканыыс пырёны-вошоны, лёльё-бобо сюръяс моз. Яр шонді улас шоналём турунсяныыс сука кайё чёссыд ма дук. Лун шёр нин матысмё, а Герасим да Любим век на бадь улас польдёнчоны. Кык голёс дугдывтöг торкалёны гожся чёв-лоньсö.

— Кыскы нёкчимъясадыс, кыскы... Энлы, час ме сийос вётла! Да кытчо нё кабырнад! Чуньнад, а эн кабырнад! Боксяныыс пыр, шуйгавысяныыс, веськыздылас гуран... Васаыслы пажын вылô веськалан. Кыскы льбийёдыс.

Кылô орсён шлочкодчом шы... Алькосинтыйс вадорас дышпрысы лэччо стада. Видзысыс, Епим поль, син пёла да пёллөс вома, довгö мёсъяс бёрсыыс кок улас синъяссö лэдзёмён. Медводзён юёны вёвъяс, сэсся ыж-баля, сэсся мёсъяс.

— Улісяныыс тувкодышт! — кылô Епим Любимлесь голёссо. — Чуньтö сюй! Да пельтём ли мый тэ? Тыфу!

— Кодос нё ти сэнi? — горзё Епим.

— Налимёс! Некызды кыскыныс ог вермой! Кокора улас пырёма. Боксяныыс пыр! Пыр, пыр!

Епим синсö читкыртёмён здук-мёд дзоргё чери кыйысыас вылô, сэсся шыбитö коксыыс никомъяссö, пельпомъяс вывсыыс — нопторсö да пёрччö дёрёмсö. Гачсö кульны сылён ээ тырмы терпенньёыс и сийö, пернапас чёттöм бёрын, гачнас и пырё ваас. Воськов ветымын мунё нюйт вывтыйс, сэсся варччö.

— Виччысылой! — горзё сийö. — Виччысылой! Энö кыской весьшёрсö, пыштья! Күжёмён коло!

Сийö ётувтчо плётникъяскöд, и найё куимён водзö ноксёёны, пинясым сорён, ёта-мёднысö гырдзаяснас да пидзёсъяснас зурбдигтыр. Гёрба Любим тшёкмунё, и ва весьтась лоньсö торкё сылён гораа кызомыс.

— Кон нё мёс видзысыыс? — кысянъко кыркötш вывсяныыс кылô городём. — Епим! Кон тэ? Мёсъясыд садыё пырисны! Вётлы, вётлы сад пытшсы! Да кони нё сийö пёрыс кутшыс?

Кылёны мужичой голёсъяс, сэсся нывбабаяс шыасъёны. Барской садлон решётка сайсы петкодчо козяини — Андрей Андреевич, персия шальсы халата, киас газет... Сийö дыр видзёдö вадорлань, кытысянъ кылô куим ёртлон сёт-матыыс, и сэсся ёдёй веськодчо сэтчаньё:

— Мый танi? Коди горзё? — стрёга юалё сийö кустъяс пырыс чери кыйысыаслыс ва юръяссö аддзём бёрын. — Мый танi луасянын?

— Ч... Чери кыям, — броткё Епим юрсö лэптывтöг.

— Ме тэд петкодла чери! Мёсъяс садыын, а сийö — чери! Кор купайтчаниныс дась лоё, чортъя! Кык лун уджалад, а немтор на озтöчы.

— Вочам, — дзуртö Герасим. — Гожомыс кузь, вашескородие, удитам на мыссынытö... Пфrrr... Налим со некызды ог вермой кыйны... Кокора улас тувъясёма, да отарё ни мёдарё.

— Налим? — юалё барин и синъяссö сылыс быттö югыд лакён мавтыштöны. — Кыской ёдёйджык!

— Ветымын ура сетан?.. Пыдди пуктёмсыыд... Ён чери, тшёгом купеч гётыр кодь. Коло ветымын урыд... ноксёмсыыс... Эн чабрав сийос, Любим, виан... Улісяныыс пык... Вывсянъ кокорасо кыскы, бур морт... Кызды тэнö? Вывлань, а эн увлань, еромакань. Кокъяснад эн ызбдчой!

Кольё вит минут, дас... Баринлон бырё терпенньёыс...

— Василей! — горзö сiйö усадьбаланыс бергöдчöмön. — Васька!  
Василейсо корой ме дорö!

Которон локтö Василей кучерыс. Сiйö мыйкö няклялö да кашкö.

— Пыр ваас, — тшöктö силы баринис. — Отсав налимсо кыскыны...  
Налимтö оз вермыны кыскыны!

Василей öдий пöрччысыö да пырö ваас.

— Здукöн! — броткöдчö сiйö. — Конi налимис? Ме здукöн! А тэ,  
Епим, мунiн эсько. Немтор тэнэд, пöрысь мортлы, ныртö быдлаö  
сюйни... Конi налимис? Ме здукöн... Со сiйö! Киясöс лэдзöй!

— Да мый — киясöс лэдзöй? Асынам тöдам: киясöс лэдзöй! А тэ  
кыскы!

— Да тадзтö мый кыскан? Юрöдьыс колö!

— А юрыс кокора улас... Тöдам — дурак тэ!

— Эн нимтысь, а то сюрас... Сволочь!

— Господин барин дырий татшöм кывъяс! — шöпкöдö Епим. — Оз  
шед тiянлы, другъясö... Вывтi нин бура сэтчö дзебсöма...

— Ноко, ме ачым... — барин тэрмасьёмöн пöрччысыö. — Налимтö  
нёльён кыскыны он вермой.

Пöрччысыöм бöрас Андрей Андреевич ыркöдчыштö и пырö ваас.

— Кокорасö керавны колö! — медбöрын вöзий Любим. — Герасим,  
ветлы черыслы! Черсö вайой!

— Чуньяснытö эн кералöй-а! — öлöдö барин кокорасö кералiгöн  
нин. — Тэ, Епим, мун татысь! Энлöй, ме кыска налимсо... Тi энö...

Кокорасö кералöны, сэсся кералöминтöс чегöны, и Андрей  
Андреевич радпырысь кылö, кыдзи сылён чуньясыс пырёны налимлён  
нёкчимъясö.

— Кыска!.. Сулалöй, эн жöдзöй... кыска!

Ва веркösас кайö налимлён кыз юрыс, а сы бöрся — аршын  
кузта сьöд тушаыс. Налим сьöкыда нюгльбöдlö бёжсö да зильö мез-  
дысыны.

Чери кыйыссыасыс чужомъяссö быттьö маён мавтыштöны. Здук-  
мöд найö чöла дзоргöны налим вылö.

— Ёнкодь налим! — пельпомъяс гёгорсö гыжъялiгмоз шыасьö  
Епим. — Пунт дас лöй.

— Н-да! — нылызыда вочавидзö барин. — Мускыс польдчома. Сидзи  
и вöзийсö пытшсыс. А...ах!

Налим нем виччыситöг пескыльтчö, öвтыштö бёжнас... и чери  
кыйыссыас кылöны ызгысьюм шы. Найö паськöдöны кияснысö, но сёр  
нин; налим — быттьö абу и вöвлöма.

## Госпожа NN-лён висьт

Во öкмис сайын, рытъявылыс нин, турунpunktigöñ, ме да Пётр  
Сергеевич, коди сэки нүöдис судса следовательлыс уджсö, верзьёмöн  
мöддöчим станция вылö письмоясла.

Поводдяыс вöлi зэв гажа, но бöрсö локтigöñ кутiс гымавны,  
енэжöдис миян весьтö мöддöчис сьöд кымöр. Кымöрыс локтiс миян-  
лань, а ми мунiм сылань.

Кымöрыслён сьöд вылын еджыда лёсталисны миян керканым да  
вичко, эзыссын — джуджыд оржаяс. Öвтышталiс зэрöн, ытшкöм турун  
дукöн. Менам туй выв ёртöй вöлi ёна кыпалома ловнас. Сiйö сералiс,  
помся мыйкö висьталаис-сöрис. Эз по эсько вöв лёк, миян туй вылын  
kö паныдасис сюзьясöн овмöдöм нитшсялöм замок, а мед ми эсько  
сэтчö дзебсим зэрссыс да сэнi миянöс виис гым-чарднас...

...Но со рудзöг да зöр гызисны медводдза тöв нырысь, и сынöдас  
гартолён качöдчис бус.

Пётр Сергеевич серёктіс да ѡддзёдіс вёвсо.

— Лосьыд! Зэв лосьыд!

Ме ёзий жо сылён гажысь и мёвпсыс, мый котася оні боръя sunisodz да вермас на и чардыс кучкыны, тшотш куті серавны.

Тайо бушковсыс и ыджыд мунан ёдсыс, кор воча төвсыс пёдны кутлан и кылан асты лебачон, шызыл морос пытшыд. Кор пырим ми асланым керка йёрө, толыс эз вёв, и гырысь зэр войтъяс totshkodchisны турунас да керка вевтъяс. Конюшня дорас некод эз вуджрас.

Пётр Сергеевич вёвъяссö ачыс лэдзалис и нүодіс-пыртіс стойлаас. Сийос виччысигмоз ме суалі порог дорас, видзёді визьён киссысь зэр вылас; турун дукус тані ёндыхыка на нырад чапкис ывлавывса дорсыс; кымбръяссыс да зэрсыс рёмыдкодь вёлі.

— Чорыда косыштіс! — шуис Пётр Сергеевич, кор вывті нин ёна гымыштіс, быттьё енәжыс шёри поті.

Сийо суаліс мекод орчон порог дорас да верзъомнас ыджыд ёдён муномсыс съокыда лолалёмён видзёдіс ме вылло. Ме казялі, мый сийо нимкодясь мейн.

— Наталья Владимировна, ме эсько ставсо сеті, медым дырджык тадзи сулавны да видзёдны тіян вылло. Талун ті чуймодана мичаось.

Синъясас сылён вёлі и ыджыд чуймом, и кевмом, чужомыс блед, и весиг дзиридалыс зэр войтъяса ус-тошкыс тшотш быттьё видзёдісны ме вылло радейтёмён.

— Ме радейта тіянёс, — шуис сийо. — Ме радейта и шуда, мый аддза тіянёс. Ме тода: ті онё вермой петны ме сайо, но ме немтор ог и кёсйи и меным немтор оз ков, сомын тёдой, мый радейта тіянёс. Чөв, эн шуюй немтор, а сомын тёдой, ті меным зэв донаёс да лэдзой нимкодясьны тіянён.

Сылён кыпидлуныс и ме тшотш шызи. Видзёді сылён долыд чужом вылло, кызві сыйлыс голёссö, коди сорассис зэр шыкод, и, быттьё туналома, эг вермыв вөрзьобчыштын.

Помтог эсько дзорги сылён дзиридалыс синъясо да кызві.

— Чөв оланныд — и зэв бур! — шуис Пётр Сергеевич. — И водзё чөв олой.

Лосьыд вёлі меным. Ме серёкті долыдлуныс да уськодчи ведраясь моз киссысь зэр увтыйс гортланьо; Пётр Сергеевич серёктіс жо да мёддочис ме бёрся...

И кыкён ми челядь моз шыён-гажён-серамён, котасьомаось, котортомнымла тыром лолаось, лэбыштім жыръясо. Бать да вок, кодъяс ёнасö эз на аддзывлыны менё татшом кыпиднас да ыzzьоманас, чуймомён видзёдлісны ме вылло да серёктісны жо.

Гыма кымбръяс мунісны, Пётр Сергеевичлон тошкын век на югъялісны ва войтъяс. Ужынодз сийо рытывбыд вёлі кыпид руа, сыліс, шутьляліс, шыён-гажён дурис-ворсіс понкод да жырийс жырий си бёрся котралігён муртса самовар вайыссыс кок вывсыс эз уськод. А рытъя пызан сайын уна сейис, шмонитіс-сөрис да эскодіс, мый свежой ѡгуреч кё төвнас сёян, вомсыд тулыс көр сесся кыл.

Водом водзылын ме ёзті сись да гурыйв восьті ёшиньо, и кутшомкё гёгөрвотом майшасьом поздысис лоло. Дум вылло уськоді, мый менё некод бердо на абу көрталома, мый ме озыр, знатной, мый менё радейтоны, а медтодчанас, дерт, сийо, мый озыр да знатной — Енмой, Енмой, кутшом бур тайо!.. Сесся, вольпасын садайсъ сөдзтысъ сыйлаа ыркыдлунсыс йёжгылясигтыр, ме зили гёгөрвоны — радейта ог Пётр Сергеевичо. Да сідзи и унмовси тайо ѡгөрвото.

А асывнас, кор аддзи вольпась вылысъ ворсыс шонді тор-пиргъяссö да пу вожъяссян усысъ вуджръяссö, менам вежёрын бара ловзис төртъяыс. Оломыс петкодчис меным озырон, уна сера-ромаён, долыдён. Негораа сылігтыри ме ёдй пасьтаси да котрён петі садио.

А мый сэсся бўрыннас волі? А немтор эз. Тёвнас, кор карын нин олім, Пётр Сергеевич шочиника волывліс миянё. Тёвнас сиктса тёдсаясыд джынвыйё сўмын шаньбось, мусаёс да съёлём вылад воанаёс гожся сертийд. Кор чайён найёс юкталан карад, сэки кажитчо, мый наён пасынис йоз пельпомъяс вылысь да мый вывті нин дыр чайсо гудралёны. И карас Пётр Сергеевич висъталіс радейтём йывсыс, но мыйлако тайё висътасъомыс артмыліс кутшомкё мёд ногаён сиктын висътасъом дорысь. Карас ми ёнджыка қылім ѡта-мёд костысъ стенсö: ме нималана рёдясь да озыр, а сийё голиник, да абу дворянин весиг; дъяклон пи, уджало судебной следовательён и сўмын; и кыкнанным аддзим тайё стенсö вывті кызён да джуджыдён, а сийё миян ордын мырдён сорён моз нюмъявліс, омольтліс миян кытшысъ озыр да нималана йозёс да зумыша чўв оліс, гостинойын кё сы кындзи нёшта кодкё волі. Жугёдны позътом стенмыс абу, но талунъя йоз радейтігас сэтшом рамёсъ, дышёсъ, быдториёсъ полысъёсъ, мый зэв ёдйо кутёны шуны асънисо удайтчытём да олёмнас пёръялом йозён; тышкасъом пыдди ставсö кутёны омольтны, ставсö лыдъёны мывкыдтём оласногаён и оз казявны сийёс, мый олём омольтёмныс асланыс лоё мывкыдтёмён.

Менё радейтисы, и чайтис, мый шудыс орчча; ме олі, позъё шуны, сылгитырии, эг думыштчыв, эг тёд и эг зиль гёйрвоны, мый виччыся да мый кёсъя олёмсъис, а кадыс мунис и мунис... И мунисны ме дінті радейтисъ йоз, лэбзисны шондіа лунъяс да шоныд войяс, сылісны колипъяс, ѿйтіс турун кёрон — а тайё мусаис, съёлём вёрзёданаис ёдйо исковтіс да меён лочки донъявитоғ ру моз и сывліс, кольлісны сўмын шензъёдана казътылёмъяс... Кытчо ставыс лои?

Кувсис батьёй, и ачым пёрысъми. Съёлём вылё воаныс, шонтана меліаланаис да лача сетанаис — зэр-гым шыясыс, шуд йылъисъ мёвпъяс, радейтчом йылъисъ сёрнияс — ставыс лоины сўмын казътылёмъясён, а ме аддзи ас водзысъ помтём тыртёмин; сэні ловъя ловабу, а ылын, енэжтасас — повзъёдана пемыд...

Зёлькнитём қыліс... Пётр Сергеевич локтёма.

Кор тёвнас аддза пүяс и казътила, қыдзи найё вежёдісны меным гожёмнас, ме вашкода:

— О, менам мусаясой!

А кор аддза йозёс, көдъяскод ме колльюді ассыым тувсов кадёс, ме и шоғо усьла, и шонавла да тайё кывъяссё жо вашкода.

Пётр Сергеевичос важён нин, менам бать вёзйомён, вужёдісны каро. Неуна пёрысъмыштёма, неуна омольтчыштёма. Важён нин оз сёрнит аслас радейтчом йылъисъ, оз нин шмонит, и уджсо оз радейт, мыйонкё висъёдчо, кинас ѿтыштёма став вылас да быттьёко мырдён сорён олё. Со сийё пукисис камин водзё; чёла видзёдё би вылас. Ме ог тёд, мый шунысъ да юалі:

— Но, мый?

— Нином... — почавидзис сийё.

И бара чўв-лёнъ. Би югръясыс ворсісны сылён шог чужём вылын.

Ме гораа бёрді, зырышталі кёсичаяссо да шуалі:

— Енмой! Енмой! Эштёма олёмой...

А сийё чёла пукаліс и эз бурод менё: «Эн бёрдой» — гёйрвоис, мый воис синва кисътан кадыс. Синъяс сертийс ме аддзи, мый жалито менё; и ме жалити тайё шудтём мортсö, коді эз вермы лосядны ни менсым, ни ассыис олёмсö.

Дориас сийё нарощнё дыр пасярис, медым кадсö нюждын. Қыкысъ кымын чёла оқыштіс менсым киёс, кузя видзёдіс синваёс чужёмё. Ме чайта, тайё здукъяас казътыліс сийё гожся бушковсö, визъён-визъён киссысъ зэрсö; миянлысъ серамнымёс, менсым қыпид чужёмбанёс... Мыйкё эськё кёсийс шуны меным, и рад волі шунысъ, но немтор эз и шу, а сўмын довкйодлыштіс юрнас да топыда кутліс. Ен сыйкёд!

Колльюдём бўрын ме локті кабинето да бара пукси каминводзвысва

ковёр вылёт. Ќырыясыс чусалісны да вевттысисны поймён. Кодзыдыс нёшта на скордышка кутіс таркодчыны ёшинассо, и толыс жугыля шыасис камин трубаас.

Пырис горничнойм, чайтіс менё унмовсъёмён, чукостіс...

## Дась нянь сёйысьяс

Мещанин Михаил Петров Зотов, сизимдас арёса, ёна нин ропмуномётка поль, садымис кодзыдсыс да пёрысь вир-яй юкаломсыс. Жырыяс волі пемыд, но образ водзас лампадкаыс ээ нин бэйи. Зотов ләптыштліс ёшина тупкодбө да видзодліс ёшинас. Енэж со кытшалом кымбрьяс едждодны нин күтөмайс, и сыйндыс вочасон лои пырыс тыдаланаён — сіздкө, вит часыс абу унджык.

Зотов кызокталыштіс, ружталыштіс, и кодзыдсыс йөжгүлясигтыр чечис вольпассыс. Дыр суалаліс образъяс водзас да юрбитіс. Лыддис «Отче наш», «Богородица», «Верую», казтыліс уна ним. Кодъяслон тайё нимъясыс, сійо важон нин вуннодіс, да казтыліс сіздзи, вираз пырома да. Сы понда жо, дась велаломён, чышкис жырсо да посводзос и пуктіс пузьбодны горд ыргон самовар.

Самоварыс вочасон ломзис и нем виччысътөг кутіс гораа ыргыны.

— Но, ыргыны кутіс! — ропкыштіс Зотов. — Ыргы аслад юр вылёт.

Тайё здукө польлы уси дум вылас, мый колян войё сійо пач вёталіс, а пач вёталомыд шог водзў.

Сёмын нин вётъяс да приметаяс вермисны ловзьбодны сыын мөвпаломссо. И тайё пёръя сійо торйон нин любопырысь вётчис мөвпаломас: мый водзё ырго самоварыс, кутшом шог тунало пачыс? А вотыс пырысътём-пыр жо и имитіс: көсійс чай заваритны, а чай дозъяс чир абу волома.

— Катарга олём! — ропкис сійо вомас съод нянь торъяс няклялігтыр. — Этайё жо пон олём! Чайыд абу! Съод мужикон кө волі, а ёд мещанин, керка кутыс. Страм!

Ропкигтыр да аскодыс сёрнітігтыр, Зотов кышаліс пасъкыд юбка кодь пальтоссо, сюйис кокъяссо ыджыд да укшаль колошъясо (найёс 1867 воын сапожник Прохоров вурлому), петіс ёшина улас. Руд сыйндыс волі кодзыд и зумыш лөнъ. Йөнссыс кудрия, виж коръясон тыртём пасъкыд ёшина улыс эзыся югъялыштіс арся гыёрсысыс. Шыни төв. Поль пукис польнинтчом кильчо пос вылас, и оти здукон лои сійо, мый быд асыв на лолі: сы дінө локтіс Лыскаыс, катша сера ыджыд пон, лысом гёна да куньса веськыд синма, кулома ниссо ловъя. Матыстчыліс Лыска рама, полігтырии, веглясъёмён, быттөй лапаяссо ээ му вылас, а доналом плита вылёт пукталіс, и волі дзик конъёр кодь. Зотов быттөйкө ээ аддзы сійос, но мёдис важ моз нюгләсигтыр да бёжсо легодігтыр нюлыштіс сыйлыс колошсо. Зотов скорыс зымнитіс кокнас.

— Весасы, пезьдин мед эсъко. Грекобойтись!

Лыска вешайис бокө да сувтодіс син пёвсө козяин вылас.

— Чортъяс! — водзё нүодіс Зотов. — Ти сёмын онё тырмой менам юр вылёт!

И сійо лёгпрырысь видзодліс польнинтчом да турунзьом вевта сарай вылёт; сарай одбоссянныс сы вылёт видзодіс ыджыд вөв юр, а сесся петіс Лыска кодь жо рам да конъёр, вөйом кынёма, гольвидзыс ляяса мышкуа вөв.

— Он мын тіяныс! — водзё видчис Зотов. — Он тай вөшой син улыс, каторжной фараонъя... Дерт, кынёмныд сюмало! — тешитчана шынын вежиньтліс сыйлыс чужомссо. — Оти здукон! Татшом рысаклы медбур зёрсо, мыита көсій. Сейой! Оти здукон. И шензьёдана мича

да дона понтё эм мыйён вердны. Татшом дона понтё позьё и яйён вердны, няньыс кө оз сейсы.

Зотов ропкис час джын кымын, пыр ёнджаха и ёнджаха скормис; медбörenын пытшас чукörмөм лёкыс ылькнитіс ортсо, сій чеччыштіс, колошъяснас зымöдчигтырии кутіс раззыны ѡшина ув тынас:

— Менё абу медалёма тіянёс, дась нянь сейысьяс, вердны! Ме абу миллионщик, медым ті менё сейинныд да юинныд. Менем аслым немтор сейныс, пежъяс, мед тіянёс колера босытіс. Долылун ни озырлун тіянсян, а сомын шог да рёзбреннё. Мыйла ті он кулой? Мыйсама ті персонаяс, тіянёс и куломыс оз босыт? Олои, чорту, но ме ог кёсій вердны тіянёс. Месянъ тырмас! Ог кёсій!

Зотов шуасис, скораліс, а вөв да пон кызвісны. Гёгёрвоисны-тайё кык дась нянь сейысьыс, мыйсай найёс видёны — ог тод, но кынёмъясыс налён нёшта на ёнджаха войисны, а асыныс йёжгыльтчисны да лоины нёшта на коньорджыкось. Тайё коньорлуныс нёшта ярмёдіс Зотовбөс:

— Весасьёй! — кутшомкө аслыспёлөс кыпидлунён городіс сійо.— Весасьёй менам гортысы! Медым синъясой эз аддыны. Мем абу быть быд сикас лопсө видзны! Весасьёй!

Поль чушпиктіс потшёс дорас, восьтіс дзиръяс, босытіс му вывсыыс бедь да кутіс вётлыны голя вылас ѡшалысъясс. Вөв довкнитіс юрнас, кадж лыясс бөрдігтыр крёвликтіс дзиръяланыс; пон — сы бёрся. Кыкнаныс петісны улич вылө да воськов кызы муном борын сувтісны потшёс дорас.

— Ме тіянёс! — чиршодліс найёс Зотов.

Дась нянь сейысьясс вётлом борын сійо усыпаньыв пукис да босытчис чышкыны ѡшинъ увсё. Шочиника кыйкнитліс улич вылас: пон да вөв вөрзыхтог суалісны потшёс дорас да жугыля видзёдісны дзиръя вылас.

— Олыштой метөг! — ропкис поль, сьёлём бердсыыс скорлуныссысь ямомс кыланмоз. — Мед оні кодкө мөд дөзбөритас тіянёс. А ме скор да топыд... мекөд овныс лёк, видлой мөд ордын овны... Да...

Дась нянь сейысьяслон жугыльлун вылө сьёлём бурмытёдзыс видзёдом да пöttöдзыс ропкөм борын Зотов петё дзиръя саяс да скор чужом вочомён городі:

— Мый сэн суаланныд? Кодос виччысянныд? Сувтёмаош туй шорас, йозыслы лючки ветлыны оз сетны! Пырой ѡшинъ улас!

Вола-понъя юрныс ѡшодомён мыжаяс моз мөддочони дзиръялань. Лыска, бурако, кылө, мый сы вылө оз позь бурасыныс, да нораа лявлыштө.

— Овныс олой, а сейны — со тіянлы! — шуис Зотов найёс лэдзигён. — Коть сесся кокнито нюждой.

Сэк кості асъя рёмыд пырыс кутё писькодчыны шонд; сылон юръясыс польса водісны арса гыёр вылас. Кылісны гёлөсъяс да воськов шыяс. Зотов меститіс россо, мөддочис ѡшинъ увсыыс аслас кум да сусед Марк Иваныч доро, коді вузасис дзоляник бакалейной лавкаин. Кум дорас воом борын сійо пукис воссысь-пöдлассысь улос вылө, лабутноя ышловзис, малыштіс тошсо, паніс сёрни поводя йылысь. Поводясянъ кумъяс вуджисны выль дякон вылө, дяконсиян — вичко сылысьяс вылө, и сёрниныс нюжаліс. Сёрни саяд эз и казявлыны кадыслысь исковтөмс, а кор лавкаса зонка вайис налы пуан ва тыра ыджыд чайник, кумъяс чай юигкости кадыс и лебачон төвзыштіс. Зотов шоналіс, кыпалыштіс.

— А менам тә дінө кором, Марк Иванович, — паніс сійо квайтёд стокан борын чуньянас вузасян джуджыд лабичас тотшодігмоз. — Тә эсій... Но бурон да талун сет на менем осымушка зёр.

Ыджыд чайник саяс пукалыс Марк Ивановичладорсиян кыліс ыджыда ышловзьом.

— Вай, воч ыджыд бур, — водзё нүөдіс Зотов. — Чайнад, колоко,

талун эн мөгмөд, а зөртө вайышт. Яндзим корнысö, дöзмöдi нин аслам гольлунён, но... вölöй вердтöм.

— Сетнитö позьё,— ышловзис кум.— Мыйла не сетны? Но сомын висытав меным: мый морла тэ найös видзан? Лючки вöв кö, мед на, а öд — тьфу! видзöднитö яндзим... А понийд — тшук лы чукöр! Мый вылö найös вердан?

— А кытчö ме найös вошта?

— Он тöд, кытчö. Игнат дорö ну живодёрняас — и ставыс. Сэнi найös важён виччысыны. Налы и урчитöма.

— Сидз эсько да... Гашкö, и збыльысь...

— Олан Криста ради, а пемösсясöс видзан,— водзö нуöдiс кум.— Зöрыд мем абу жаль... Ен тэкöд, но быд лунтö век жö дона сувтö. Пом ни дор абу гольлуныдлы! Сеталан, сеталан и он тöд, помыс во-лас оз.

Кум ышловзис, малыштis гöрд чужёмбансо.

— Кулiн ли мый ли кöты!— шуис сiйö.— Ачыд он тöд, мыйла олан... Да ей-богу! А оз кö босыт ас дiнас Енмыс, мунны колö кытчöкö, багадельняö ли, кытчö ли.

— Мыйла? Менам рöдвуж эм... Менам внучка...

И Зотов мёдöдчис кузя висытавлыны, мый кёнкö хутор вылын олö Глаша внучкаыс, Катерина племянничыслён ныв.

— Сылы быть менö видз!— шуис сiйö.— Сылы керкаöй кольё, мед и видзö. Босыта да муна сы ордö. Тайö, мыйкö эсiйö, гёгрвоан кö, Глаша... Катялён нылыс, а Катя, гёгрвоан кö, Пантелей воклён дядьводз ныв... гёгрвоин? Сылы керкаöй кольё... Мед менö видзö!

— А мый? Криста ради олём дорсыд, важён колi сы ордö мунны.

— И муна! Ен мед ёрас, муна. Видзас!

Час мысти морт румкаён юём бöрын Зотов сулалis лавка шöрас и кыпьда шуалis:

— Ме важён сы дiнö лöсöдча! Талун жö и муна!

— Дерт на! Шалтай-балтай кöвтчöм да тшыгла кулём дорсыд, важён эсько мунiн.

— Онi и муна! Локта да шуа: босыт керкаöс, а менö верд и пыдди пүкты! А он кö — оз ло тэд некутшöм керка ни месянь бурсиöм! Видза колян, Иваны!

Зотов нöшта пöрöдис вина румка и, выль мёвпöн öзйöма, тэрыба мёдöдчис гортланыыс... Роч винасыс коддзис, юрыс кутис бергöдчыны, но век жö сiйö эз вод, а тубрасалыштis ассыс став кöлуйсö, босытис бедь да мёдöдчис. Бöрас видзöдлityтöг, броткöдчигтыри да бедьнас изъясас тотшöдöмён мунис уличасö дзонынас и лои восьсанын. Хуторöдзыс вölö верст дас—дас кык. Сiйö мунис кос туйöдис, видзöдис карса пемösсяс вылö, кодъяс дыша йирины виж турунсö, мёвпалис оломуас сомын на вöчöм крут вежсöм ийлыс. Мёвпалis и дась нянь сёйсисяс ийвсис. Гортсыс мунiгён эз и пöдлав ас бöрсисыс дзириясö, мед найö вермисны мунны кытчö гажныс.

Верстсö на эз удит мунны восьсаныдис, кор кылis мыш сайсыс воськовыяс. Сiйö бергöдчис да скöрысш шлапнитis кияснас: юрнысö öшöдöмён да бёжнысö кынöм улас сюйöмён сы бöрся довгисны вöлыс да Лыска.

— Весасьой бöр!— öвтыштis налы кияснас.

Найö сувтисны, койкнитлисны öта-мёд вылас, сы вылö видзöдлисны. Сiйö мёдöдчис водзö, найö — сы бöрся. Сэки Зотов сувтis и кутис мёвпавны. Ылыса тöдса кодь Глаша внучка дiнас тайö пемösсясискöд эз позь, бергöдчыны бöр, йöртны найös эз жö вöв окота, да и кытчö на йöртан муртса ловъя дзирия саяд.

«Сараяс куласны,— мёвпалis Зотов.— Збыль öмой Игнат дорö?».

Игнатлён керкаыс сулалis поскотина вылын, шлагбаумсяныс сё воськов ылнаын. Зотов, кодi немтор стöча эз думышт и эз тöд, мый вöчны, мёдöдчис сыланы. Сылон бергöдчис юрыс и синъясыс пемдисны...

Этша сiйö помнитö, мый лои Игнат ордын. Вежöрас кольёма

кучиклён зывёткана сьёкыд дукасы, шыдсяныс, кодёс паняліс Игнат сы ордö пыригён, кайсыс чёссыд руыс. Вóтын моз аддзис, кыдзи Игнат мыйкó дыр дасытіс, пасытасис, сёрнитіс кутшомкó анькóд сулема йылысь, и сылы час кык кымын лои виччысыны; помнитсö вóлос станокö сувтöдöмыс, сэсся кыліс кык негораа кучкóм шы: öтиыс — юрас кучкóм шы, мёдыс — ыджыд тушалён усьём шы. Кор Лыска аддзис ёртыслыс кулёмсö да уськóдчис Игнат вылó, кыліс нёшта öти кучкóм шы, коди и ордöс понийыслыс лязвöмсö. Помнитö Зотов, мый кык шойсö аддзём бöрын, сïй код юрысла да аслас йойлунла матыстчис станок дïнас да лёсöдис и ассыс плешсö...

Сэсся рытöдзыс синъяс водзас öшаліс пемыд ру, и сïй весиг ассыс чуньяссö эз аддзы...

*Коми кыв вылó вуджёдис  
Михаил ЕЛЬКИН.*

Бескрайн море, пурпурные Марының кызыл айлары —  
безымяннін дөңгөлек жыныссыздар. □ □ □  
Но вони чүлкенес көпкөндирилген кызылар, омынданыншыл Аю  
бадык, көнисое лана Сынайдағы ауданында, айындағы Аюбадык, кызыл  
жыныс болып көрінеді. Айындағы Аюбадык мұхитынан көзінен  
богам жетептей, фанарында, көзінде, замандастырылған Аюбадык  
бадык бирикімдем... бапоз боязын ылай Сынайдағы Аюбадык  
жыныс ордам менен көзінен көзінен Аюбадык атындағы Аюбадык...

Дар жыл көзінен көзінен Аюбадык атындағы Аюбадык...  
Баңыздың көзінен көзінен Аюбадык атындағы Аюбадык...  
Аюбадык көзінен көзінен Аюбадык...

— Аюбадык көзінен көзінен Аюбадык...  
Аюбадык көзінен көзінен Аюбадык...  
Аюбадык көзінен көзінен Аюбадык...  
Аюбадык көзінен көзінен Аюбадык...

## Ичёт бёчкаын

(«Пичи бекчеын» удмурт йёз кост сылан серти)

Ичёт бёчкаын  
Чёсқыд винаыс,  
Ичёт керкаын  
Авъя ичмоныыс.  
Чёсқыд винаас  
Код оз юлывлы?  
Авъя ичмоңьёс  
Коди оз радейт?  
Чёсқыд винаас  
Юан да коддзан,  
Авъя ичмоңьёс  
Дыр на мёвпалан.

## Мыйла чеги

(«Марлы тыйай» удмурт йёз кост сылан серти)

Мыйла чеги, мыйла чеги  
Л्यём пусылсыз дзоридзсö.  
Эг кё эськё оні чегъяв,  
Коркё сьёд мольсö воти.

Мыйла ытшки, мыйла ытшки  
Вежёдись отавасö.  
Эг кё эськё оні ытшки,  
Горадзуль на чукёртi.

Мыйла сёйи, мыйла сёйи  
Луклыс чёсқыд турунсö.  
Эг кё эськё оні нетшкы,  
Курыд кёрсö тёдмалi.

Мыйла кутi, мыйла кутi  
Тайё сьёлём косытыссысö.  
Эг кё вермы бердын кутны,  
Муслунсö кыдз тёдмалi.

## Муслун

Ак, Ольга, мича ныв,  
Сьёлём пессьёмös он кыв,  
Шогой тэнайд веськодь.  
Бот радейтiн кё эськё...



Александр ПЕТРУНЕВ

## Война жальлун эз тёдлы

Комын во сайын странаса киноэкранъяс выл ё петіс Великой Отечественной война йылысь нюшта ёти фильм — «А зори здесь тихие...» Снимайтöма Борис Васильевлён сценарий серти (тайдз сылён петаліс татшом жо нима повесть). Ме думысы, этша морт эз видзöдлы тайö кинофильмсö. Телевидение унасысь петкöдліс и.

Кольём ыджыд война йылысь гижöма уна книга, снимайтöма уна кинофильм, пунктöма спектакльяс. И нинём тан шензянаыс абу. Му вылын олём пуксъёмсян сэтшом войнасö, кутшомён волі мёд мирöвой, йöз эз на тёдлыны. И, Ен мед видзас, мед эськö сэсся некороз и тёдлыны. Со сöмын некымын лыдпас. Империалистической да гражданской войныас дырии (1914—1921 вояс), отлаын босьтöмён, Россия воштöма 10,3 миллион мортос. Великой Отечественной война нуис СССР-са 27 миллион олысъös. Куим пöв унджык!

Пані гижöдсö «А зори здесь тихие...» кинофильмсянь сы понда, мый и книгаясын, и кинофильмъясын абу на тырмымён петкöдлöма, мый керис война нывъяскöд, том аньяскöд. Ог нин кутöй гаравны арлыдаджык мамъяс да почьяс йылысь — найö мунисны таладор олёмсъыс шогысь палявлытöг. Казьтыштом кинофильмыс — ичöтик серпас сы йылысь, мый керис мустём война том нывъяскöд. Вöчсöй ставыс Карелияын, кёні воюйтисны и комиысь нуёмъяс, на лыдын и нывъяс.

Да, воюйтöмыд — абу нывбаба удж. Война нем жалиттöг изё, дерт, медводз айулов войтырёс. Усьёмъяс лыдын абу уна «А» шыпасён помасысь ним-овыс. Свинечён шырысь атакаясö нывбабаясöс эз кыпöдлыны. Но война эз бöрийысь, коді веськало сы изки уло — айулов-ö, нывбаба-ö, челядь-ö. Изіс-нырис öтмоза...

Вежöрын менам важён бергаліс мёвп гижыштын война дырии армияö босьтöм нывъяс да том аньяс йылысь. Кодсюрёös на пöвстись тёдлі либо тёда, уна йылысь кывлі мукöдсянь либо лыддылы кысъяскö. Воис отсöг выл ё и Казьтылан Книга, кытчö пасйома быдёнös, коді пуктіс Великой Победа доромё ассыыс пай погона паськöмён.

Кытшовті Сыктывкарын ломзысь Куслытöм би дорын копыра, шог юръясöн сулалысь Мам, Гётыр да Ныв гёгёр. Сэні лыддьöдлöма карса олысъясöс, кодъяс эз бергöдчыны ловийон война вылысь. Кык да джын сюрс ов. На пыясь дас кыклён овыс помасыö «а» шыпасён. Сіздкö, сыктывкарса дас кык ань пунктöмайсö ловнысö война вылын. Ме думысы, эм коланлун лыддьöдлыны найöс ставнысö.

Горячкина Вера Александровна. Чужлöма 1922 воё. Армияö босьтöмайсö 1942 вося декабрын. Медсестра. Усьома косын 1944 вося январын Белоруссияын. Дзебöмайсö Витебской области Зaborье сиктын.

Елькина Ия Васильевна. Чужлöма 1926 воё. Дас сизим арёса нывкайон босьтöмайсö армияö. Мыйён служитöма, абу тёдса, но войнасö помалёма Германияын. Кувсюма сэні госпитальын 1945 вося августын. Дзебöмайсö Каульсдорф карын.

Иванова Клавдия Платоновна. Чужлöма 1921 воё Вёлögда областын, но армияö нулёмайсö 1942 воё Сыктывкарсиян. Снайпер.

Воюйтёма бура тёдса 28-өд Невельской дивизияын. Усьёма косыын 1943 вося ноябрьын Псковской областыын. Дзебомаёсъ сэн Невельской районса Бойково деревняын.

Илларионова Мария Михайловна. Чужлёма 1921 воё Ленинградской областыын. Призываитчома Сыктывкарсиян 1942 вося ноябрьын. Служитёма зенитной пулемётчицайдын Архангельскын. Пёгибнитёма фашистской пулясы-бомбасы 1943 вося ноябрьын. Дзебомаёсъ Архангельскын.

Сы моз жоу пулемётчицайдын служитёма Архангельскын сыктывкарса мёд ныв — Мальцева Августа Алексеевна. Чужлёма 1923 воё. Пёгибнитёма М.М.Илларионова серти кык тёлышыён водзджык. Дзебомаёсъ Северодвинск карын.

Сынёдса фашистъяскод тышкасысь нёшта оти повторм ныв: Пыстина Ксения Васильевна, чужлёма 1923 воё Волсиян, но война выл босытломаёсъ Сыктывкарсиян. Сыкыда ранитчомысь кувсёма Северодвинска госпиталын 1943 вося сентябрьын.

Старцева Нина Афанасьевна. Чужлёма 1921 воё. Связистка. Армияю босытломаёсъ война пансыёмсиян кык тёлышы мысти. Вошёма кось дырий 1942 вося май 25 лунё Харьковской областыын.

Фокина Алевтина Алексеевна. Чужлёма 1922 воё. Сержант. Кувсёма сыкыда ранитчомысь Мурманскын 1943 вося февральын.

Шустикова Мария Варсонофьевна. Чужлёма 1919 воё Сыктыввожса Поёл сиктын. Военфельдшер (лейтенант). Армияю босытломаёсъ война пансыём борын куим вежон мысти. Кык тёлышы мездалома ранитчом салдатъясөс. Кувсёма сыкыда ранитчомысь. Дзебомаёсъ Ленинградской областыса Кировской районанын, Килози деревняын.

Югова Апполинария Прокопьевна. Чужлёма 1922 воё Кебраин. Армияю босытломаёсъ Сыктывкарын 1942 вося октябрьын. Сержант. Усьёма косыын 1944 вося апрель 5 лунё Псковской областыын. Дзебомаёсъ Псковской района Бесна деревняын.

Полякова Нина Петровна. Чужлёма 1903 воё Паджга сиктын. Армияю босытломаёсъ Сыктывкарын 1943 вося августын. Нелямын арёсён нин! Гортас, армияю нутодзыс, и военней служба вылас новлодлёма машина. Веськалёма аэродромъяс могмодан батальоню. Пёгибнитёма 1944 вося июль 30 лунё Черниговской областыын. Дзебомаёсъ Полуботка деревняын.

Менам ёнёдз син водзын, кыздзи война пансян воё на Тентюковса клубын колльёдисны армияю Фролова Надяю. Ар кызы гёёр вёл сылы. Сийё помавлёма карса фельдшерско-акушерской школа, со и ковмёма война выл. Тентюковын водзё некутшом клуб ээ вёв. 1940 во помлань разисны Чоййылысь пу вичко да вайисны сикт шёрас, кёні ота-мёдсияныс матын суаласын школа, сиктсөвет, столёвой, сельполён лавкаяс. Вичкоись вочисны клуб, и рытъяснас сэн овліс йёза — ныв-зон юктисны, на дорын гарчим и ми, дас—дас кык арёса зонпосни. Оти татшом рытё и колльёдисны Надяю. Ми, челядь вежёрнад, шензим: со ёд, оз нин сомын мужикъясөс да зонъясөс нуны война вылад, нывъясодз воисны! Вермим ѡмой мёвпыштын сэк, мый тайё мустём войнаис кыссяс 1418 лун да вой, изас став медшань йёссо! А Надя Фроловыс мыйла сэтшома сатшысис вежёр? Сылон ичётджык вокыс, Иван, велодчис миянкёд оти классын, а керкаыс наён суалас вичко-клубыскод дзик орчён.

Надежда Ивановна дзоңвидзайдын бергёдчылёма армиясис война помасяян воас. Казьтылан Книгалён квайтёд юкёнын пасыйштёма си йылысь: «Фролова Надежда Ивановна, 1921 г.р., уроженка с. Тентюково. Призвана Сыктывкарским ГВК в 1941 году, старшина медслужбы. Демобилизована в сентябре 1945 г.»

Тентюковса нывъяс повстын сийё вёл армияю босытмъяс лыдын медвоздзайдын. А сэсся пондисны нуавны ээ күш бурдёдчысъо велодчом нывъясөс, но и мукёдös. Шензыны лои нинём выл ю нин.

Колян во петис республикаса Казьтылан Книгалён медбörъя,

кёкъямысöд юкён. Позьё шуны, лыдьёдлёма лои пошти дзик быдёнös, коді кутшомкё ногён веськавліс Великой Отечественной войны вылó. Лоис позянлун тёдны стöча и армияё босытлём нывъяс да том аньяс йылысь. А.М.Калимова, кодёс позьё шуны Казтылан Книга дасытысъяс пöвстын медшöр мортон, висыталіс, мый война воясö Коми Республикаса военкоматъяс призывайтлёмаёс армияё 2626 нывбабаёс. Унджыкыс чужлёмаёс 1918—1924 воясö, нулёмаёс армияё дас öкмис—кызь куим арёсөн.

Тентюковса Н.Фроловаёс моз жё война пансъём бöрын регыд Сыктывкарса военкомат босытёма армияё Клавдия Лыткинаёс. Муртса кызь арёссыс петёма. Помавлёма фельдшерско-акушерской школа жё. «А зори здесь тихие...» фильма нывъяс моз веськалёма Карельской фронт вылó. Но абу радёвой сестрайон. Индомаёс санитаръяслён взводса командирён. Кызь вит салдат-санитар сы улын. Казтылан Книгалён витёд юкёнын Клавдия Александровна йылысь паськыдакодь гижё Печора карса журналистка В.Н.Мурашова. Кёсъя дженыыдика вайётыштынды сылыс висытсö, медым Выльгортин чужлём повтöм, ыджыд съёлбома ань йывсыс тёдисны унджыкён.

1943 воын Карельской фронт вылó веськавлёма «Комсомольская правда» газетса корреспондент. Паныдасылёма и санитаръяслён повтöм коми командиршакöд. А сэсся гижёма газетас: «Сiй петкёдис косьыс 600 ранитчöм боецöс...» Штабса офицеръяс отсöгён арталома. Корреспондент мунём да «Комсомольская правдаын» К.Лыткина йылысь гижёд петём бöрын дивизияса штабын ёна майшасьёмаёс сэсся — тэрмасьёмнад сорсим пö, косьыс Клавайн петкёдём ранитчöмъяслён лыдys ёна унджык вёлёма...

Сы веськёдлём улын служитöмаёс кызь вит санитар, но Клава медводзён ачыс век чепёсийлёма, мед петкёдны косьыс ранитчöм салдатъясöс да командиръясöс. Сымда во нин кольёма, а В.Н.Мурашовалён гижём серти, Клавдия Александровна ёнёдз пö оз вермы казтывны сэксясö лöнь съёлёмён. «А кыздзи нö,— шуё,— мёд ногсö? Муртса лöныштас лайсъём да взрывайтчöм, быдласянь кылö: «Сестра! Сестричка! Помогите!» Либо ойзёны дойяссыс. Верман ѡмой кольны кын съёлёмён. Мед эсъё вевъявны сёмын! Да ёдйёджык! А котортны оз позь. Кось мунё. Юртö кыпöдны он лысът. И тэрмасьёмён мый вынсыыд кыссян рушку вылад. Да нöшта санитарной ноп кыскан. Күш кörтасяян пакетыс сэнi сё... Кыссян ранитчöм дорöдз, плащ-палатка вылó кыдзёк лэптан сiйёс, и — бёр. Бара рушку вылад, а бöрссыд кыскан ранитчöмёс. И ётарё на тэрмёдлан астыö — ёдйёджык! ёдйёджык! ётиёс петкёдан, и пырыс-пыр колё тэрмасьны мёд дорö. Кевмысян сёмын — мед эсъё ёдйёджык лöняс косьыс. А мыйён лöняс, петам корсыны найёс, кодъяс оз нин вермыны шыасьны ёна ранитчöмъисла. Кодъясöс эг удитöй петкёдны...»

Тайё ань йывсыс позьё гижны неыштö очерк ли мый, а быдса баллада. Чужлёма Выльгортин. Комынёд воясö, кор Сыктывкарын кыптиc да пондис паськавны больничной городок, бать-мамыс лэччасны Выльгортин сэтчö да пырасны уджавны ётиёс санитарён, мёдис завхозён. Клава чой-вок пиас вёлёма медыджыдён. Пырас велёдчыны фельдшерско-акушерской школаё. Ичötсянныс кыскылёма сiйёс спортö. Гимнастика, волейбол, а медся радайтанаыс — котравны лыжиён. Фронт вылó мунтöдзыс куим во помся вёлёма республикаса чемпионкай!

Война пансян мёд лунё (!) Клава мунёма военкоматö — вёйыссы тышкысъны фашистъяскöд. А сылы шуёны: виччысыштылы, зонъясöс первой босытам. Кызд нö сидз?! Оз босытны! Сiй жё — пельшер! Спортсменка! Комсомолка! Кодёс нö медводз босытны, не кё сiйёс?.. Кык вежон мысти Клава Лыткина кывтö нин пароходён Архангельскö. Сэнi чукörtисны да дасытисны фронт вылó мунысъ эшелонъяс. И, кыздзи унаён Комиысь, Клава веськалё Карельской фронт вылó. А медводдза ранитчöмъяслы ковмис отсавны сэтчö

веськавтöдз на: фашистъяс бомбитисны эшелонсо местао вотöдз...

Косьясо ээ веськавны, дерт, пырыс-пир. Кык тölись велöдисны: лыйсыны, кыссыны рушку вылын «пуляяс улын», «ранитчомъясöс» петкодавны, противогаз новлыны...

Война войнаён, а томлун эм томлун. Лунтыр жуяvtöдз уяласны, котраласны, лыйсясны, а мыйён сюрас прöст рыт — котортёны орчча сиктса клубö танцйтны. Сэнi и казялöма Клава Лыткинаöс полкса комсорг Владимир Луценко. Зэв сэтшöм тыдалана том лейтенант. Зэв шмоньлив, сывны и ёктыны мастак. Быд ныв татшöм зон дорад ляскыся, а сийö бöриёма Клаваöс.

Оз на удитны тöдмасьны бурджыка, ковмас янсöдчыны — Луценкоöс вуджöдöны мёдлаö. «Вай кöть гортса адресъясöн вежсям», — шуё Клавалы.

Война ториöдис найöс — Луценко öти фронт вылын, Клава — мёдын. Сöмын Клавалён мам пыр и кутисны йитöдсö, мёдислён бать ни мам ээ нин вöвны ловъяöс. А сëсся нинöм юалöм-висьталöмтöг, босьтас да и ыстас Луценко Сыктывкарса военкоматö Клавалён мам ним вылö сьём сетан аттестат. Мёдис оз тöд, кыдзи и гёгёрвоны татшöмторсö, юасьö письмöён нылыслысь. А сийö оз жö куж вочавидзны...

Нелямын квайтöд воян Клава веськалö Белоруссияö, военнöй совхозö, кöд мoggöдлëс сёян-юанён татчöс военнöй округöс. Сэтчö и локтас сыла Луценко. «Тырмас,— шуё.— Воюйтим нин пöттöдз. Петан ме сайö?»

Мый медъёна вörзьёдас Клавалысь сьёлёмсö? Этатшöмёдз мусмёмыс. Мый дыра ээ аддзысылыны, а сысыс кындзи некутшöм мёд гётырпу абу глянитчома, сийöс пыр кутöма вежöрас и сьёлёмас.

Воасны Комиö, Печора карö. Клавдия Александровна, Луценко нин, абу Лыткина, локтас уджавны юывысаяслён больничаö. И быттьö öти лун, уджалас сэнi нелямын во.

Куим челядь быдтасны верöсыскöд. И Клавдия Александровна быдлаö вевъявлis. И радейтана спорттö некор абу вунöдлöма. Ветымын арёса нин вöлём, а век на петавлас ордыйсыны волейболён ворсигён. Некод ээ эскыв, висьтавлis кö ассыс арлыцöс.

И öнi на збодер, кöть и воськовтöма кöкъямысадаса тшупöд.

Вера Николаевна Мурашова гижö, мый Клавдия Александровналён зэв озыр фотоархив. И абу по ни öти фотография, кёni эсъё сийö вöлi öтнасöн. Век сы гёгёр удж кузя ёртъяс, фронтвывса пöдругаяс, и — семья. Вокъясыс, чойясыс, мамыс. А сëсся аслас нин челядь, внукуяс. Öтнас важён олö, но телефоныс оз лöньялы — то сывны чуксаласны, то челядькöд аддзысылыны. Олöмыс мунё водзö. А Клавдия Александровналён сийö состоимыс -состом...

К.А.Луценко кодь аньяссö, кодъясöс олöмыс нүöдöма война би пыр, ме тöдлi эг этшаös. Öкмыс во сайын мунисны мёдар югыдö Выльгортын овлыс гозъя — Агния Андреевна да Виталий Степанович Шулеповъяс. Кыкнаныс вöлiны зэв тöдсäöс ээ сöмын выльгортсалы, но и Сыктывдiн пасьтала. Виталий Степанович уна во веськöдлëс ронойн, а Агния Андреевна нэмсö уджалис районса больничаын. Кыкнаныс волёмаöс фронт вывсян лейтенантъясöн, öтиыс — старшойён, мёдис — младшойён. Война йылыс некоднаныс ээ радейтлыны висьтасыны. Мый, шуёны, сëсся казытывнысö — гёгёр няйт, шойяс, сотчыс кöрт, сьёлёмтö нюкыртыс дойяс, ойзём... Война йывсыыд ошиыссыёны по сöмын сэтшöмъяс, кодъяс збыль косяс асъныс ээ веськавлыны. Агния Андреевна да Виталий Степанович овлисны завидьтана согласён, да-й олöмсыс мунисны öта-мёд бöрсяыс тölись костён. И куйлоны орчён Сёсъкаса шойна ягын...

Выльгортын олiгöн миянкöд орчён, öтарын и мёдарын, сулалисны керкаяс, кёni бара жö олисны фронт вылö ветлём аньяс — Зинаида Ивановна Костина да Людмила Ивановна Цыбунина. Зэв шань, лёнязыктöг олыс нывбабаяс. Зинаида Ивановна санитаркаён служитöма,

ефрейтор чина, Людмила Ивановна — радёвой. Шудыс олёмас некоднанысылы ээ ёна вичмыв, век мыйкө ковмыліс майшасын-тождысыны гөлинника олігад. А медся ёна, дерт, челядь пондаыс.

Война вылёт нылём ныvbабаясөс вежёрын ловзьёдігөн оти вермы кольны казтышттөг чужан деревняса аньясөс. Восьтылі Казтылан Книгалыс витёд юкёнсө, көні лыдьёдлөма сыйтывдінсаясөс, да күш Ладановаыс сәні сизим. Ставныс Парчегысьбөс. Кодкө казтыштлөм нин аньяс моз ранитчомъяслы отсасьлөма, кодкө волёма связисткайын, кодкө енәжса вөрөгыс дорийсъёма. И бара жо бур нога шуд унджыкысылы война борын ээ вичмыв, лов кылёмсө чорыда талялөма войнаыд.

Нёшта парчегса йылысь. Орччон миянкөд, оти йорын, сулаліс Петыр Максимлөн керка. Ныла-пиаös быттісны Максим гозъя — Наталляйс да Василейс. Ов-ним-овнанас нывсө шулісны Лыюрова Наталья Максимовнаён. Чужлөма 1922 воын. Помнита сыйлыс армияö мунёмсө и локтёмсө, 44-өд воын бөрсө воліс. Висътасыліс, мый служба чоҗыс песлалөма салдатъяслыс вирось, няйт пасъкёмсө. Да, и татшом уджсө коліс кодъяслык бергөдны. И бара шудтөм ань. Петалөма верөс сайö лунвылыс миянлань кутшомкө ыстом сайö, и сійо босьтома Наталляйс ловсө...

Да, война вылёт ветлөм аньяс оз радейтны казтывны сійо кадсө. Кодкө эг панлы та кузя сёрни, ставыс отмоза вочавидзлісны — мустом да съокыд удж по.

Ныvbаба да война — дзик лёсявтөмторъяс и нёшта оти помка вөсна: овны нәм помёдзыд муслунтөг да мусуктөг? А война буретш тайос и вайо ныvbабаяслы. Помнита, кызды 1942 вося гожымын Микулай ёрткөд менө сувтөдісны ытшкыны том бабаяскөд радён. Дас кык арбасыс волім. Көть и шыльыд видз ытшким, а косаясным оз-оз да-ай сатшоны кокан моз. Пёсъным киссьё. Том бабаяс, ставныс нин веростомось, сералоны миян вылын. Асыныс найё быттө оз ытшкыны, а ворсоны косаяснас. Сэсся воласны покоснас миянлы паныда. Пуксям шойччыны да ләчтанасыны. Видзёдёны миян вылёт да гажтёма шуасьёны: «Да-а, ытшкысъяс тіяныс артмасны регыдён, а кор на мужикъясö пöранныд...»

Абу тёдса, кызды волі сточ серпасыс Комын, а эмось статистической лыдпасъяс откымын областьясысь, кодъяс веськавлісны война дырии немеч уло. Ныvbаба да мужичой лыд йылысь. Со кутшомось лыдпасъясыс (арталөма йөzsö дас квайтсаян ветымын вит арпосёдз):

Краснодарской край. Быд дас мужичой вылёт войнаодз волёма дас оти ныvbаба. Немеч улысь мездом борын — комын кык.

Ставропольской край. Войнаодз — дасысь токотыштө петыштө, оккупация улысь мездом борын — кызы квайт.

Воронежской да Курской областяс. Войнаодз — дас оти, оккупация улысь мездом борын — пöшти комын.

Сталинградской область. Войнаодз быд дас мужичой вылёт волёма дас оти ныvbаба. Война борын — комын.

1939 вося перепись серти олысь лыдыс Комын волёма куимсё кызы сурс. Война воясö республикаса военкоматъяс босьтомаёс армияö сизимдас сурс мортос, на лыдын 2626 ныvbаба (та отдор лагерьясысь нүомабесь фронт вылёт сё сурс гёгөр заключённойс). Со и артыштой сэсся, кымын ныvbаба воё волі сэк оти пöрнёй айуловыс вылёт миян сикт-грездъясын. Артмас мыйкө сы гёгөр жо, мый волі Воронежской да Курской областясын.

Война нырис-таляліс миян мамъяслысь, чойяслысь став юғыд олёмсө.

## Комиёнджык сёрнитны-гижны

Öнія кадным вöзйö мёвпыштын унатор йылысь, медводз, дерт, сы йылысь, кутшом лоас асқиа луныс чужан кывнымлон, кутшом чужёмбана сийö лоö локтан кадö, вит, дас, кызы во мысти.

Дас во коли «Коми кыв öнія оломуын» 1989 вося чукортчылёмсянь. Тайö кадыс петкодліс коми кыв сөвмёмын этша выло кык нырвизь.

Оти-кё, коми кывйон вöдитчины пондисны воддза дорысь пась-кыдджыка. Вежсымъяс тыдалёны уличъяс вылын да правитель-стволысь индöд-олапнастъяс йöздан уджын, челядьös велöданінъасын, телевидениеын. Тайö, дерт, бур. Сöмын, шедöдётторъяс выло видзöттöг, унатор на кольö дзик вöчтöм либо вöчома войт мында на сöмын. Медводз, абу на ловзьöдöма коми кывъя, збыль войтыр школа, оз вуджöдны коми выло велöдchan небöгъяс. Весиг комиён челядьös велöдыштын унась позянлуныс абу. Босьтам кёть Сыктывкар. Карса дзик öти сидз шусяна национальной гимназияю 1999 воё кык неыджыд гимназической классо босьтöмны сöмын 40 мортöс, да нöшта кон-курсоң. Уна бать-мам ээ вермыны сетны сэтчö челядьös велöдны, кёть кёсийлесни. Со татшом «позянлун» коми школалын велöдчыны эм республикаса юркарын, кёни матö коймöд пай олысыс комияс.

Телевидение да радио пыр комиён сёрнитан кадыс ёнасö ээ сод. Водзті моз комиён сёрнитöны медся лосявтöм кадö — водз асывнас, кызын йöзыс кор узбöны на, да водз рытнас, верстöй йöзыс кор удж вылысь на воалёны. Татшом ногён, вужвойтырёс лоö кедзовтöма.

Сёрнитны кё выль коми газет-журналъяс йылысь, серпасыс бара жё гажтöм. Неыджыд «Йёлётä» газеттись кындзи некутшом выль йöзданторъяс ээ подулавны. Весиг «Коми му» газет районсаяс моз век на петö вежоннас сöмын куимысь. Содтöд вонас 12 номер петö рочон «Тысяча мелочей» ним улын, быттьёкё комиöдны оз нин вермыны гижöдъассö. Бур кёть сийö, мый пондисны петны кык кывъя «Чужан кыв» да «Арт» журналъяс, öтиыс кыв да литература велöдан методика серти уджалö, мёдис культуруология ногса. «Арт» журналыс кёть шусьё кык кывъя, збыльыссо унджык йöзданторыйс сэні петö рочон, коми гижöдьыс этша, став ортсыса серпас-гижöдсö бара жё рочон сетöма. Онöдз абу коми йöзлы политикаа, йöзкотырса олём йылысь ас журнал. Од «Войыв кодзув» сöмын литература журнал. Сэк жё роч кыв вылын лыдыс воысь-воò содо: чиновникъаслы петö «Регион» да весиг спорт радейтыссылы пондисны лэдзны «Тайм-аут» журнал. Кыкнан журналсö йöзöдöны зэв бур кабала выло, мичаа серпасаломён, кёть найёс лыддыссыс зэв этша.

Торйён шуштöм серпас лои Коми небöг лэдзанын да В.Савин нима драма театрын (опера да балет театр йылыссытö ог нин сёрнитой, сэні коми руыс весиг абу). Небöг лэдзöмис чинёма, медся этша петö коми небöгыс бörъя, реформаяс кадö. Дугдис петны ас кывйон туялан-научной литература, торйён нин зэв колана кывкудъяс (комиа-роча, синонимъяса, терминология) — куйлёны йöзöттöг. Драма театр дзикöдз эновтчома коми драматургиясь, 1999 вося йирым-вöльгым тöllyssысса сэні ээ вöв **ни** öти коми спектакль, ог нин сёрнитой выль премьераяс йылысь, важъассыс немтор ээ петкодлыны. Курыйд серам петö сысьс, мый ни öти коми спектакль драма театр ээ на пуктыв коми челядьлы. Г.Юшковён комиöдём «Куим порсъпи» ворсöм

пуктылёмайсö сёмын Финляндияö нулём могыс, Комиын сийös весиг эз петкёдлыны. Оз кыв коми сёрни вичкоын, Сыктывкарса да Бёркутаса аркирејув Вежа Степанён панлём комиён служба нүодан традициясö оз ловзьёдны, Ен небögъяс да сылантьяс оз комиёдны ни ѹйёдны. Кёть кыв вылас ловзьёдёны Степанён панём вичкос.

Дерт, танi позьё зэв на дыр лыдьёдлыны коми кывлысь став дзескыдлунсö, сёкыдлунсö. Коланлууныс таын абу, сидзи нин гёгёрвоана: медым коми кывыйсы лои тырвыйö каналан да культура кыв, колё канмусянь ёна ыджыддыхык тёжд, кыв ловзьёдём выло колё ёна ундыхык сёём. Татёг некутшом ыджыд водзёс оз ло. Тайё бура тыдовтчис онiя «реформирайтан» голь кадё, кор республикаса власьтъяс тырмымён сёём лишёдтог да лючки-бур тёждтог зильёны миянёс эскёдны, ыштёкө вужвойтырлон кывыйс ловзьё-сёвмё. Тайё ыджыд да кыв кутана могсö Оланподулё некымын сёрникузя пыртёмыд да Каналан кывъяс йылысь тырвыйö уджавтём на оланпасыд оз пёрт оломё.

Мёд-кё, онiя коми гижёд кыв, кыдзи система, аслыссяма ловъятор, бёрья дас воё вель ёна сёвмис. Тайё медъёна тёдчö сыысь, мый вуж выйö пондис вежсыны кыввор. Войсь воё сийö лоё комиаджык, корсю ас пытшсыс выль вынийёр, чужтö выль серпасалан-пасъятор. Пасъям кёть «Выль коми кывворлыс» 1 да 2 петасъяссö. Сёмын сэтчö чукёртём выль кывворыс (1500 гёгёр кыв да кывтэчас) унатор йылысь нин висьталё.

Танi колё видлавны и такёд жё ийтчом мёд, ёна паськыддыхык да сэтшом жё ёсь проблема — роч грамматикалон да синтаксислён онiя коми гижёд кыв выло ыджыд тёдчомсö, сидз шусяна мёдара интерференциясö, кор кык кывъяй ыёзлон чужан кыв вылас ёна тёдчö мёд, абу чужан кывыйс. Миянын тайё роч кывлон коми выло тёдчом. Тайёс позьё ториён тшёкыда казявны газет-журналысь, радио да телевидение пыр кылан кывыйсы. Вайёдам некымын сёрникузя: *Министерствоса уджалисыяс кывкёрталисны, мый зарни медаль выло найё* (велёдчыссы — Е.Ц.) оз мунны (Йёллога, 1998, 26 №, 1 лб.), *Став тайё да мукёд тырмытёмторлысь отдор, таво виччыссыб мукёд воясьс тёдчымён ыджыддыхык ытва* (Коми му, 1998.04.30, 2 лб.), *Письмо гижыссы бура тёда. Вежёртис политикаын, экономикаын, мирын вежсёймъясын* (Коми му, 1998.02.3). Тасыс бура тыдалё, мый гижыссы-сёрнитысь, журналист лёсёдёма сёрникузяссö роч грамматика да синтаксис бала серти, йоз кыв оланпасыс серти. Од коми морт оз сёрнит тадзи аслас быд лунъя сёрниын, сийö сёрнитö коми ног: зарни медальсö налы оз туй сетны, ыджыддыхык ытва лоё, вежёртис экономика, политика. Видлалан сёкыдлуныс онiя коми кывыйс зэв ёна нин паськалёма, сёмын кывзышт «Выльторъяс» да лыдьышт «Коми му» газет. Ортсысянныс ставыс быттью коми — гижёма вач коми кывъясон, сёмын сюрёссыс, пытшкёсса грамматика вежортасыс коми кывлы некыдз оз лёсяв, пельтö чунёдё, шум кёть, волисны чоломавны и ыджыд гёстяяс: *Коми Республикааса Юралыс Й.Спиридонов, Сыктывкарён мэр Е.Борисов, министр А.Конюхов* (Йёллога, 1997, 43 №), *КР-са здравоохранение министерство 35 процент шыёдчыссыс коро мёддёны бурдёччыны республикаась бокö* (Коми му, 1998.06.20, 1 лб.). Танi веськыда комиёдёма рочыс мэр Сыктывкара да 35 процентов обращающихся кывтэчастьяс. Бёрья сёрникузяас вайёдём шёёмис зэв нин ёна вужъяссыма коми газет, телевидение да радио кывйö. Лёк сийö, мый журналистыас оз казявны, оз кывны ассыныс шыболяногса, мисьтёма гижём-сёрнитёмсö, лыдьёны тайёс лючки бур кывийн да весиг озырлунён.

Видзёдлыны кё нёшта на паськыддыхыка, синтаксис тэчах выло, тыдовтчö татшом жё гажтöм серпас: бергалё вывтi una сёктёдём сложноподчинённой сёрникузя, шёркывъяс, ногакывъяс, кывподъяс да урчтантьяс пыдди пыртёны отсасяна сёрникузяас, татшом ногён

артмёны вывті кузь, дўзмёдана, шуны вермытём сёрникузяяс, со котъ, *Оз позь кыйсыны ты куръяын, кёні кульмб ёді* (Коми му, 1998.05.14, 1 лб.), Колё, шус Юралысь, мед из шомысь, **мый босъёны**, ас кадё мынтысисны (сэн жё). Дерт, нэмёвойся коми мортыд тадзито ээ шулы, сийё эсько дженыыдика чёткіс: ёді *кульман ты-куръяысь оз позь кыйсыны, босътан из шомысь коло мынтысисны*. Зэв тшёкыда журналистъяс веськыда кывйысь кывйё, тэчасысь тэчасö вуджёдёны роч газетысь либо сёрниясь калькаяс, измём тэчасъяс.

Торйён пельтö сейёны сэтшом комиöдёмъяс, кор роч калькаяслон да измём тэчасъяслон пытшкёсса, образа вежортасыс некыздзи оз лёсияв коми кывлы, пеляд кучкё аслас ковтёмлуннас, мисьтёмлуннас. Сёрникузяяс: *Оlam — лёкджыка некытчö* (Коми му, 1998.02.28), *Донъясыс, кыдз шуласны, зэв тешкодьёс* (Коми му, 1998.06.16), *Потребкооперация вочасён «чукортчö* (Коми му, 1997.07.29), *Ок и нюжмасьё таво тулысыд!* *Ныр улын май, а войнас кёдзыдыс лыйсё тёвся моз.* Эм мый вылын жуглыны юр... (Коми му, 1998.05.11). Став вайбöдом сёрникузясö гижёмайсё сидз шусяна профессионал журналистъяс, олёма нин ѹёз, кодъясöс, велалёмпрырысь, лыддьёны уна кужысъясён, коми кывйён вёдитчысь мастеръясён. Сёмын öдвакö тайё век збыль, унаясь миян «мастеръяс» гижёны лёксъис-лёка.

**КЫВКОРТÖД ПЫДДИ.** Колё водзё выло унатор вöчны сы могось, медым чинтыны да бырёдны миян кывйысь роч грамматика да синтаксислысь лёк ногён тöдчёмсö, мёдара интерференциясö. Тайё, кыдзи нин вöлі петкёдлёма, жугёдö коми кывлысь пытшкёсса вежортассö, системапытшса йитöдъяссö. Сувтöдом проблемаис инмё гижан да сёрнитан кывлы, торйён нин газет-журналö гижысъяслы, радио да телевидение пыр сёрнитысьяслы.



Л.Н.ШЛОПОВА,  
аспирантка

## Тятей ни касей

Кыв велёдомын тёдчана ин босьтö фразеология — зумыд кывтäчастьяс, кодъяс ясыда петкöдлöны мортлысъ обича, уджö кутчысыём да уна мукöдтор. Зумыд кывтäчес — тайö дасьён шусяна, кык либо унджык кывыйыс артмöм, тырвыйö выль вежörtаса кыв чуко॑р, коди сёрникузяны, гижöдьын кутö öти кывлысъ вежörtас. Зумыд кывтäчастьяслысъ аслыспöлöслунсö гижысьяс казялисны XIX нэмын на. Сэки и лоис научной подулалома фразеологизмъяслысъ тёдчанлунсö да коланлунсö. Финно-угристикын фразеология теоретической велёдом заводитчис XX нэмса 60-öд воясö, но лексикографической уджыс мунис XIX нэмын нин, кор дасьтыссисны кывыйыс кывйö вуджöдана кывкудъяс.

Коми кывыйын зумыд кывтäчастьяс туялёмö да велёдомö пай пуктисны В.И.Лыткин да А.Н.Карманова. Йöзёдома 10 гёгöр кывкуд. Тайö Ф.В.Плесовскийлён да И.И.Тарабукинлён коми фразеологизмъяс. Зумыд кывтäчастьяссо пыртöма торъя сёрникасъяса монографияясö, «Коми-роча словарё» (1961) да «Коми-зырян сёрникасъяс орчёдан кывкудö» (1961).

Коми фразеологияны уна на восьтытöмыс, а сïдзкё колё нöшта на пыдисянь видлавны тайö сёрникассо. Од сёрникасса зумыд кывтäчастьяс — тайö литературной фразеологии паськöдьысъ уна ваа öшмöс. Мёдар боксянь кё видзöдлыны, литературной кыв вермö вежны, торкны зумыд сёрникасъяслысъ аслыспöлöслунсö. Медся ёна литературной кыв вörzöбöд грамматикалысъ лексика да фразеология юкönъяс и сэтысъ вошёны кутшöмкё яръюгыд, зумыд кывтäчастьяс.

Тёдчöдам, мый öти сёрникас кывъяса фразеологизмъяс абу век гёгöрвонаабöс мукöд сёрникасса ѹозлы: *Крукён да бед्दён гольны* — мыйkö ылëосас, дзебöмён висъставны. Гольны кыв понда озло гёгöрвонааён ставнас кывтäчесис. Удора сёрникассын гольны кыв кутö сёрнитны вежörtас. *Тятей ни касей* (абу) — öтка морт. Танi уналы гёгöрвотём кык кыв. Удора сёрникассын *тятей* кыв кутö кага вежörtас, а *касей* — кань.

Зумыд кывтäчастьяс сёрникассын да литературной кывыйын овлёны торъялана вежörtасаёс: кёч ку лыззя удора сёрниын — бокö сёрни петкöдьысъ вежörtас, а литературной кывыйын тайö жö фразеологизмыс босьтö кык бана шаньга зумыд кывтäчеслысъ гёгöрвöбöдмöс либо аслас кыв вылын сулавтöм морт йылысъ тадз шуёны.

Удора сёрникассын зумыд кывтäчастьяс аслыспöлöсöс тшöтш и артманногнас — кыв юкönъясыс кольёмаёсъ сэтшöм суффикса формыны, кутшöмъяс оз паныдаасылыны литературной кывыйын: съёлёмиседзыс голёо — шань морт. Литературной кывыйын тайö — съёлёмсянныс сёрнитö. Шуёмыс кёть ёна торъялö, но вежörtасыс кыкнанныслён öткодь: иседз кутö содтана-торйöдана вежörtас. Кокни ки-кокйöм — быдлай удитлысъ, кокни вörраса морт и литературной кывыйын — кокни ки-кока. Вежörtасыс кыкнанныслён жö öткодь. -Йöм да -а суффиксъяс петкöдлöны эмлун тёдчöдом. -Йöм суффикса относительной кывбердъяс паныдаасылыны сомын вашкаса сёрниын и век кутöны ас дорас определение. Зумыд кывтäчастьяс туялгöн колё

пасыйны и фонетической шыяслыс торъялёмъяс йылысь, сы вösна мый тайö сидж жё восьтö сёрнисикаслыс аслыспöлöслунсо. Став светсö гердöма — лэдзома лёк сёрни. Удораса гердöма кывлы лёсялö коми литературной гартöма кыв. Вексы ассис силас — асныра морт. Тани удораса ассис кывлы лёсялö литературной ассыыс кыв, удораса силас кывлы — литературной сылас кыв.

Татшöмсяма торъялёмъяссо аддзам и синтаксис боксянь фразеологизмъяс видлалигён. Весиг ударение тэчём вежё шуöмыслыс вежёртассö либо мортсö донъялём выlö индö. Торъя вежёртасын öти и сийö жё зумыд кывтäчасыс вермö шусыны мёд горён, ударениесö ко пуктöма мёд слог выlö. Шуам, тютей ни тягей,— кор шуöны öтка морт йылысь жальпырысь, сэк ударение усьö медводдза слог выlö — тюгей ни тягей, а кор шуöны морт выlö дöзмöмён, лёгпырысь, сэк ударение пуктыссо мёд слог вылас — тюгей ни тягей.

Йöз сёрнины фразеологизмъясон вöдитчомыс висьтало сы йылысь, мый диалектъасын зумыд кывтäчасыссо сьёлём вörзьöдöмыс да петкöдланторсö серпасалöмыс чужисны литературной кывыйсь торйön.

Идкыд тöдчанлун кутёны и мукöд кывыйсь пыртöмторъяс, на пиын и фразеологизмъяс. Шуам, удорасаясвойв рочьяскöд öтвыв олигён, волысигён босытисны сёрниö и налысь зумыд кывтäчасыс, кодъясон вöдитчинны рочьяс йöзкост сёрнины. Татшöмсяма босытöм кывъяссö тшöтш шуам сёрнисикасан, сы вösна мый зумыда нин пырёмаёс коми сёрниö да петкöдлöны сэтчöс йöзлеси оласног, эсköмъяс, культура.

Став сёрнисикаса зумыд кывтäчасыс артмöм сертиыс кык ногаёс:

1. Ас кывтäчасыс, кодъяс литературной кывъя фразеологиялы абу тöдсаёс наён векныда вöдитчом вösна. Сизим бана шаньги — вывтö öтарö-мёдарёасыс морт (Мукты грэзд сёрниясь); ен пöвсис да банладорсыс — зэв шань морт (Ёвкöдж сикт сёрниясь); коптыса рака, переменнöй катша — асныра морт (Ёвкöдж сикт сёрниясь); кёшиш падей — лёка пасытасьом, омольтчом морт (Ёвкöдж сикт сёрниясь); сьёлёмö ляппети — лои зэв бур (Вашка сёрниясь); голтöм бöтала — этша сёрниа морт; голтöм-изтöм, (Мезеньса сёрниясь) голь — сёйись вöчом из сьёктöдъяс (бётанъяс выlö).

2. Войвыв роч сёрниясь пырёмаяс, кодъяс сиджё абу тöдсаёс литературной коми кывлы. Рочись пырём зумыд тэчасыс кольбомаёс удора сёрнисикасын: а) ньёти вежтöг; б) неуна вежыштöмён. Вежтöм фразеологизмъяс: умнöй-разумнöй под лавкой лёжит — дузъялеси морт; гроб да могило, третнее кадило — порысь, öдва ветлеси морт да мукöд; Вежыштöм, джынвыйö вуджöдöм тэчасыс: Сто рестантов висьтавны — ёна видчыны; кёть пушкальс ли — крепыда узысь морт йылысь; три звёнки петкöдлыны — накажитны, видны; вексы тётя да дядя колё — дыш морт йылысь; кокоръяён он кыски — дыш морт йылысь, мырдён, увъя пүён он кыски. Кокоръя — увъя, вужъя пу. Уджавлöма кокоръяин — увыйсысьон, керавлöма увъяс. Войвыв рочьяс сёрнины кокоръя — увъя пу, коди кольбома (либо вöйёма) ваас пур кылодигён.

Мёд кывыйсь пырём зумыд тэчасыс оз торкны сёрнисикаслыс тöдчанлунсо, а мёдарö, мичмёдёны, вайёны кутшöмкö торъя сьёлём вörзьöдана рём.

Торъя сёрнисикасъасыс фразеология быд боксянь видлалöм-велöдöм сетас позянлун выльмёдны-озырмёдны литературной кывльсис фразеологияссо, вöчны мичаджыкён да мёрччанаён серпаса гижёд.



## Муса нимъяс

Лыддыла «Войыв кодзув» журналыс места нимъяс йылысь гижёдъяс. Зэв коланаösь. Польясоñ чужтём муса нимъясыс велёдёны радейтын вёр-ва, чужан му, висыталёны важ олём-вылём йылысь, петкёдлёны поль-пöчяслыс сымлунсö, сюсълунсö, съёлём кылёмсö. Нимъясыс шензьёдана мичаösь, мусаösь.

Ме ола Горьковской сиктын (Визин). Польёй, батьёй — сапёт вурысьяс, гынком гындысьяс. Нэмсö кыйлёмабось чери, зверь-пётка. Мамо дас арёссян уна печкылёма да кылёма дёра.

Батьёй вёлёма зарни кияса, быдтор кужлёма вёчны: тшупсыны, вурсыны, гындыны. Уна пёрёдліс кер «Трактор» колхозлы.

Бёр-ваті ветлігөн, турун пунктігөн ичötсян волі юася, кызды кыті шусьбö. Со и көсъя содтыны выль нимъяс, коркó, гашкó, кодлыкó ковмасны. Грэздыс, кёні ме ола, шусыліс Дикоевской деревняён. Некымын керка и эм. Колхозъяс öтувтём борын лои Рай грэздён. Верст сайын Ластавыл, орчён Семенчин, Кырув, Проловчи да Катыдпом, Копса (пöчинок).

Миян грэздсян и заводитчоны зэв мича нима местаяс: Мёдлапов жүёд, Онись мельнича видз, Кычаныб-шор, Карта лос, Рыныш ласта, Пёла-шор, Шойна яг. Елия грэздын эм овмёс, кодёс нимтёмны Питиракён — тайё овмёссыс кёзяйныс ветлывлёма Питирё (Петербургö), со и ляскыссыома сэсся нимыс.

Горьковскойын чужлісны да быдмылісны зэв бур йоз: Уджывыса Герой Александр Николаевич Плешев, Наукаса кандидатъяс Анатолий Беляев (кувсылыс телевидениеын сёрнитігөн) да Роза Беляева, генерал Николай Носков, артист Владимир Пельмегов.

Нима овмёссяс: Галин Ольёксан овмёс (пиыс, Павел Александрович Безносов, дыр уджаліс Совминса председательён), Титко Ёгор овмёс (Ёгор Першин война воясö и борас дыр уджаліс «Трактор» колхозса председательён, Павел пиыс вёвлі судьяён, а сэсся уджаліс юстиция министерствоын).

«Трактор» колхозын волі комын сайё овмёс, оні ни öти эз коль.

Зэв мича да гажа места вёвлём Ворошилов нима колхозлон. Сэні ягас волі чипан кар — уна сё чипан видзлісны.

Оні и тані некод нин оз тёвый. Гожомнас дачаён моз пользуйтчоны. Тані 1945—55 воясö волі горьковскойчилон мельнича.

Тасянь матын волі и Горьковской гидроэлектростанция. Уна миллион шайт дон сувтіс вёчомыс, но эз дыр пользуйтчыны донтём энергиянас.

Ме думысъ, коло ловзьёдавны важ коми нимъяссö. Найос ёд ставсö кызджо волі подулалёма, мыйкёд кёйтёма.

Ефим ДИКОЕВ.



Журналын йёзбёттөм гижёдъяс  
редакция оз рёцензируйт и авторыслы найос оз мёддөд

Техн. редактор А. Одинцов.

Корректор Е. Панюкова.

Адрес редакции: 167610, г. Сыктывкар, Дом печати, комн. 26  
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 13.03.2000. Формат 70x108<sup>1/16</sup>. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1387. Заказ № 4147. Регистр. № Ф0095.

ОАО «Коми республиканская типография», 167610, г. Сыктывкар, ул. Первомайская, 70.



Снимокыс Г. Лисецкийлон

**Индекс 73069**

**Доныс сёрнитчом серти.**